

ALOYSII CUCCAGNI

T I F E R N A T I S

DE MUTUIS ECCLESIAE ET IMPERII OFFICIIS
ERGA RELIGIONEM ET PUBLICAM TRANQUILLITATEM

T R A C T A T U S

*Ubi expenduntur, & refutantur principia, quibus nititur Opus
de Tolerantia Ecclesiastica & Civili Ticini editum an. 1783.*

Ad Excellm̃um & Rm̃um Præsulem Pontificiae Domus

P R A E F E C T U M

Ac SSm̃i Dñi N. PAPÆ PII SEXTI ex Sorore

N A T U M

D. ROMUALDUM

BRASCHIUM HONESTIUM.



ROMÆ SUPERIORUM PERMISSU



PROSTANT APUD JOANNEM ZEMPEL
ET BOUCHARD ET GRAVIER.

Speciosum quidem nomen est pacis, & pul-
cra est opinio Unitatis: sed quis ambigat
eam solam Ecclesiæ atque Evangeliorum
Unitatem, pacem esse, quæ Christi est?

*S. Hilar. Pictav. lib. contr. Auxent.
Mediol. in princip.*



ROMVALDO.HIERON.FIL.BRASCHIO.HONESTIO

PII . VI. P. M. NEPOTI

SACRO . ORD . HIEROSOLYMIT . IN . ROM . PROVINCIA

ET . DOMVI . PONTIFICIAE

PRAEFECTO

PONTIFICIS . MAX . ET . INLVSTRIVM . MAIORVM

IMITATORI . OPTIMO

SVAVITATE . MORVM . VITAE . INTEGRITATE

MENTIS . PRAESTANTIA

IVRIS . DICVNDI . AEQVITATE

IN . EXIMIO . HONORVM . GRADV .

SINGVLARI . MODERATIONE . ET . CONSTANTIA

SPECTATISSIMO

ALOYSIVS . LAVREN . FIL . CVCCANIVS . TIFERNAS

PATRONO . BENEMERENTISSIMO

L. L. M

D. D

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

ADPROBATIO.

DOlebam sane, & vehementer angebar Thaddaeum ex comitibus de Trautmansdorf, quem summa animi mei incunditate ad sacrum Subdiaconatus Ordinem evexeram, ab optimorum praeceptorum institutionibus descivisse, totumque, quod ab illis in eo magnis laboribus exaedificatum fuerat, cum basi ipsa penitus concidisse. Alumnus is celebris toto Orbe Gregoriani collegii Germanici fuerat, ac idem nondum ob temporum vicissitudines absoluto studiorum curriculo, repente scriptor libri prodiiit; sed heu cuiusnam libri? Eius scilicet, in quo de gravissimis rebus disseritur, sed ita, ut quod de Arnaldi Brixienfis, ac sectatorum libris ad Innocentium II. scribens querebatur S. Bernardus *novum curatur populus, & gentibus evangelium, nova proponatur Fides, fundamentum aliud ponatur praeter id, quod positum est.* O factum male! iuvenem liberaliter educatum, ut vanam acuti, ingeniosique viri gloriolam aucuparetur, praeclarissimae gentis suae laudibus obscuritatem afferre non esse veritum. Verum perlegat nunc saltem pacato animo Tractatum hunc Aloysii Cuccagni viri clarissimi *de mutis Ecclesiae & Imperii officiis erga religionem & publicam tranquillitatem*, nec non Laminii theologi Argivi epistolas, omnia adtente perpendat, videat quam facile specie recti imponi sibi, atque adeo illudi passus sit & Synesium meum Cyrenensem, episcopum Ptolemaidis audiat eadem, quae olim ad Johannem perscripsit, ipsi oggerentem: *Nunc si non assens culpa, audis male; sane quidem infelix es, non tamen es improbus, ac utinam ne miser quidem esses:* tum vero ipsum, a quo per summam iniuriam deceptus est, tot mendaciorum & sophismatum confarcinatorem admoneat cum S. Hieronymo: *Responde ad singula ne punctum quidem & apicem calumniae transeas. Si enim negligenter egeris & casu aliqua transferis, statim ille clamabit*

*mabit & dicet: hic hic te victum teno, hic totius negotii
cardo versatur.* Quod ad me attinet, cum has lucubrationes
a Rmo P. Fr. Thoma Maria Mamachio S. P. A. Magistro exa-
minandas acceperim, & in eis omnia repererim tum Fi-
dei catholicae, tum bonis moribus consona, dignas cen-
seo, quæ contra importunos adeo Ecclesiæ turbatores
publicam in lucem educantur. Ex aedibus S. Callisti
24 Novembris 1785.

*Petrus Aloysius Galletti Ordinis S. Benedicti
Congregationis Casinensis Episcopus Cyrenensis.*

A D P R O B A T I O .

Librum, cui titulus est = De mutuis Ecclesiæ & Imperii Officiis erga Religionem, & Publicam tranquillitatem = de mandato Rm̃i P. Mag. Sac. Pal. Th. Machi attentè perlegi. In eo Cl. Auctor Aloysius Cuccagni multiplici tum eruditionis, cum doctrinæ genere jura, & officia utriusque potestatis perscrutatur, & explicat, & laudabili studio nititur simul conciliare. Quousque etiam se extendant limites tolerantix tam ecclesiasticæ, quam civilis ad factam testam tuendam Publicam tranquillitatem disertè exponit. Nihil verò reperi aut Catholicis Dogmatibus adversum, aut bonis moribus dissonum. Quare dignum censeo, qui typorum ope publici juris fiat. Romæ in Conventu S. Mariæ in Via 21. Nov. 1785.

*Fr. Gregorius Maria Clementi Procurator Generalis
Ord. Serv. Mariæ, & Episcoporum coram SSiño
Examinator.*

A D P R O B A T I O .

Quum ea sit Christianæ Religionis indoles atque natura, ut imperio ita uniatur atque consocietur, ut firmitas unius in firmitatem stabilitatemque alterius influat: ex quo duplex subjectio sponte sua nascitur, & duplex Obedientia; itemque nexus Religionem inter & Imperium firmiores quoque dignoscuntur; Hinc studium satis commendare nequeo quo Vir Cl. *Aloysius Cuccagni Tifernas* in Opere *De mutuis Ecclesiæ & Imperii officiis erga Religionem, & publicam tranquillitatem* summa eruditione, concinnato, hæc demonstrare aggressus est. Et cum ad præscriptam Religionis nostræ dicta sint omnia; ideo imprimi posse censeo si videbitur &c.

Romæ in Monasterio S. Bernardi 6. Novemb. 1785.

*D. Joseph. Fontana Ord. Cisterc. Congregat.
S. Bernardi Sacre Theologiæ Lector.*

IMPRI-

I M P R I M A T U R,

Si videbitur Rmo Patri Sacri Palatii Apost. Magist.

*F. A. Marcucci ab Immac. Concept. Patriarch.
Constant. Episc. Montis-Alti, ac Vicefg.*



I M P R I M A T U R,

Fr. Thomas Maria Mamachius Ord. Præd. Sac. Palat. Apost. Magist.

P R O Æ M I U M.

Differentibus nobis de mutuis Ecclesiæ & Imperii officiis erga religionem, nemo non videt omnem fere disputationem nostram de Religione aliquo modo futuram esse. Sit ergo.

C A P U T I.

*De vera Religione & de iis quibus eam dederit
Deus ministrandam.*

I. **R**eligio nihil aliud est quam cultus ab hominibus Deo præstitus, quo docti sunt ipsi ab eodem sperare Cælestia & terrena despiciere (1). Cum enim Deus hominem condidisset duplici natura compactum, corpore scilicet & spiritu, eumque ratione ac libertate donasset, ut sese divinæ mentis Archetypo suas conformaret actiones, docet fides hominem Formatoris manu prodeuntem, suam originali peccato naturam vitiasse, ac proinde in corruptionem delapsam, suam religionem non esse moderandam ad instar dispositionum cordis humani; sed e contrario homines regendos esse per ideam, seu spiritum Religionis, quæ in Divina Revelatione fundatur. Totæ ergo religio nostra est veluti officiorum codex, quæ nobis imposuit Deus erga se, in quibus nulla mutatio nobis permixta est. *Omnia vita bonæ* (ait S. Augustinus) *ac beate via, in vera religione est constituta, qua unus Deus colitur, & purgatissima pietate cognoscitur* (2). Hinc pereunt regna, extinguuntur imperia,

A

ria,

(1) Vid. Constantini Imp. Orat. cap. 21, apud Euseb.

(2) August. de Ver. Relig. c. 1.

ria, Regiminis forma Imperialis funditus aliquando mutatur, sed nunquam ab hominibus mutari ullo modo potest Religio, quæ a Deo sit hominibus data. Præterea Philosophorum dogmata; quamquam ab Imperiali potestate minime pendere dicantur, tamen oblivione sæpe delentur, ac innumeras patiuntur vicissitudines, propterea quod sunt humanæ rationis inventa, ac ideo semper dubitabilia ac semper nova. *Non enim omnes Philosophi*, ait Theodoretus, *eadem via incesserunt, neque præcedentium vestigia consecrati sunt, sed proprias sibi vias quisque fecerunt & innumeras excogitarunt.* (1) Quare Ægyptius ille Sacerdos merito illudebat Soloni, dicendo; *O Solon, Solon, vos Græci, pueri semper estis, senex autem Græcorum nemo; nulla est enim apud vos disciplina quæ senio incanuerit.* (2) Quibus ergo Divinitus data est custodienda revelatio, iis concreditam esse totam religionis administrationem opus est ut fateamur; Itaque Chrysostomus sapientissime scripsit = *Quidquid concreditum habet Sacerdos, solius Dei donum est; & ubi humanam exercet sapientiam, minor illius gratia apparet.* (3)

II. Ex istiusmodi veritatis doctrina aliæ regulæ prodeunt, quæ ad propositum finem recte conducunt. Cultus enim qui summo factori rependitur, non est contemplativus tantum, sed etiam profluit in actionem; *quia finis ejus est Charitas de corde puro, & conscientia bona, & fide non ficta* (4); & quia ab amore Dei & proximi tota lex pendere dicitur & Prophetæ. Ex duplici ergo amore in Deum & in proximum quem admodum duplex agendæ vitæ nascitur ratio, ita duplex suboritur etiam cultus quem jure debemus præstare

(1) Theod. Græc. Affect. Curat. Serm. 2. de Principio sub init.

(2) Apud Theod. ibid. Serm. 1. de Fide.

(3) Chrys. in Joan. Hom. 85. in fin.

(4) August. Confes. lib. 12. c. 18.

stare Deo; interior scilicet & exterior, quorum alter ita fundatur in altero, ut inter se divisi esse non possint (1). *Ita fit homo spiritualis omnia judicans*, (ait Augustinus) *ut ipse a nemine judicetur, diligens dominum Deum suum in toto corde suo, in tota anima sua, in tota mente sua, & diligens proximum suum non carnaliter, sed tanquam seipsum. Se autem spiritualiter diligit, qui ex toto quod in eo vivit Deum diligit* (2). Colitur ergo Deus non per solum interioris hominis sacrificium, per fidem scilicet, per domitos inordinatos animi motus, & per invisibiles actus amoris; quibus in rebus ea tota sita est, quæ interior dicitur disciplina, interior cultus & Religio; sed colitur etiam per sacrificium altaris, per hostiam pacificationis Deo oblatam, per morum exercitationes & consuetudines, per Sacramentorum administrationem, per ministerium verbi, per beneficentiam & bonitatem erga cunctos homines, & per ea omnia quæ redolent praxim Ecclesiæ, sacros ritus, & exteriorem disciplinam.

III. Homo igitur exterior ab homine interiore ita pendere intelligitur, ut interior non possit ipse per se cum exteriori pugnare, exterior vero si adversetur, agi contra rerum ordinem atque naturam (3). Attamen Religio cum esse debeat aliquid visibile & omnibus patens, idque hominem tam exteriorem quam interiorem debeat respicere; eoque insuper modo atque ratione, ut quæ interior est religio, norma sit exterioris, neque illa possit unquam pugnare cum ista, etiam si hæc posterior adversetur aliquando priori, atque suppetat nobis lex illa membrorum quæ pugnât cum lege mentis; hinc patet iis concreditam esse Divinitus

A 2

exte-

(1) Vid. Greg. Pap. in Ezech. hom. 18.

(2) Auguſt. de ver. Relig. cap. 12.

(3) Vid. Auguſt. ibid. cap. 41.

exteriorem disciplinam, quibus interior data est dirigenda atque emendanda. Habet enim Ecclesia Christi suam exteriorem formam independentem a qualibet Civili potestate; propterea quod visibilis est Ecclesia tum regimine tum ritibus; & Christus auctor & fundator Ecclesiæ, ejusque Legislator non potest supponi minus sapiens Legislatoribus regni temporalis, qui formam exterioris Regiminis præscribere satagunt. Hinc de Marciano Augusto optime scripsit Facundus. „ Cognovit ille, quibus in causis uteretur principis potestate, & in quibus exhiberet obedientiam Christiani. Et ideo, ne impius atque sacrilegus videretur, post tot sacerdotum sententiam opinioni suæ nihil reliquit. Sicut qui meminerat exitus Ozia, qui postquam prævaluit multis gentibus, & factus est gloriosus, exaltatum est cor ejus, ut incensum poneret super altare, quod non licebat nisi solis sacerdotibus filiis Aaron. Propter quod ejus obstinatissimam frontem, quam reverentia deseruerat, lepra confudit. Sciens igitur ille modestissimus Princeps, Ozia regi non impune, quia sacrificare præsumpsit, quod licitum est singulo cuique etiam secundi Ordinis Sacerdoti: multo magis impune sibi cedere non posse cognovit, vel quæ jam de fide Christiana rite fuerant constituta discutere, quod nullatenus licet, vel novos constituere canones, quod non nisi multis & in unum congregatis primi ordinis sacerdotibus licet „ . (1)

IV. Itaque ritus & Disciplina quædam exterior sunt veluti *Appendices Religionis*, sive *accessoria quædam*, ita cum Religione conjuncta, ut necessario sequantur naturam & conditionem illius. Ergo hæc omnia æque ac Religio Sacerdotibus intelliguntur Divinitus commissa

(1) Facund. Hermian. lib. 12, c. 3.

missa, non autem regibus & magistratibus terræ, quibus data non est revelatio divina, „ *Ce n'etoit point a vous, dit le Grand-Prêtre à Osias Roi de Juda, de brûler de l'encens devant le Seigneur* = Cette défense ne regard pas seulement les fonctions du Culte, mais toutes celles qui sont attachées au saint ministère. „ (1) Et cum homines non valeant mutare Religionis naturam, igitur neque vim seu potestatem habent a Sacerdotibus, quibus tota conceditur, est, ad Summum Imperantem transferre. Quare falsum omnino est quod cum Bohemero, aliisque viris hæreticis docet auctor libri Ticinensis de Tolerantia, exteriorem scilicet religionem, etiam in Christianorum Ecclesia, ut infra videbimus, ad summum Imperantem pertinere. Quasi Sacerdotibus id tantum mandaverit Deus, quod interiorem hominem ferit, vel eundem sola interiora ferirent, nihil vero exteriora, itemque excluderet Christus quamlibet exteriorem Ecclesiæ Politiam! Hinc est quod Clarissimus Bossuetus agebat = „ *Les Mandemens, Ordonnances, Censures, statuts Sinodaux, & autres Actes juridiques, qui n'ont jamais été sujets à l'examen de M.le Chancelier, & ne le peuvent être, sans soumettre la doctrine de la Foi & toute la discipline Ecclesiastique à la Puissance Seculière &c.* „ (2). Ante Bossuetum vero idem docuerant in Gallia Almainus & Richerius „ *Non loquimur de dominio, quod habent Ecclesiastici super peccata &c... Sed loquimur de dominio, quod respicit forum exterius & publicum, & est potestas a Christo immediate instituta ad coercendum fideles ad vivendum secundum leges Evangelicas,*

A 3

„pro

(1) Gauchat. *Lettres Critiques* tom. 14. lettre 145.

(2) Bossuet Mémoires sur l'impression des Ouvrages des Evêques V. Mémoire ,

„ *pro consecutione felicitatis aeternæ, & hæc potestas*
 „ *potest exerceri in invitum.* (1)

V. Verum quidem est Christianam Religionem hominibus a Deo datam, ut studiis optimis rerum æternarum formarentur mores, ut ad ultimum finem Spiritus eorum perduceretur, Deumque colerent homines in Spiritu & veritate. Sed hæc omnia quemadmodum probant Religionem præsertim respicere animorum conscientiam, & spiritualem illam regulam, quæ ad Deum hominem perducit, ita evidentissima ratione demonstrant, Principes Temporales quibus minime datæ sunt regendæ animæ hominum, nullam auctoritatem aut jurisdictionem habere in hominem interio-rem, neque in Religionem, quæ ut concedit ipse, Coccejus longissime excedit fines potestatis humanæ (2). „ Hæc ergo cœlestis Civitas, ait S. Augustinus, dum peregrinatur in terra, ex omnibus gentibus cives evocat, atque in omnibus linguis peregrinam colligit societatem, non curans quidquid in moribus, legibus, institutisque diversum est, quibus pax terrena vel conquiritur, vel tenetur; nihil eorum rescindens, nec destruens; imo etiam servans ac sequens: quod licet diversum in diversis nationibus, ad unum tamen eundemque finem terrænæ pacis intenditur, si religionem qua unus summus & verus Deus colendus docetur, non impedit. Utitur ergo etiam Cœlestis civitas in hac sua peregrinatione pace terrena, & de rebus ad mortalem hominum naturam pertinentibus, humanarum voluntatum compositionem, quantum salva pietate ac religione conceditur, tuetur atque appetit, eamque
 „ terre-

(1) Almain lib. 4. p. 8. Vid. Edmund. Richer. de Eccles. & politic. potest. c. 2. p. 8.

(2) Coccej. super Grot. Tom. 4. pag. 17. vol. 2. edit. Lausani 1759. Vid. Bossuet ubi supra.

„ terrenam pacem refert ad cœlestem pacem „ (1). Verumtamen probavimus superius ea, quæ Religionis exteriora sunt, ab interioribus omnino pendere, earumque naturam sequi & conditionem. Quæ vero deinceps disputata sunt, probant tam exteriora quam interiora Religionis, non cadere sub iudicium & rationem Summorum Imperantium, sed Sacerdotum quibus Christus totam Religionem concredidit. Insuper Religio Christiana magna ex parte ita exterior est, ut Ecclesia Christi, quæ totius Religionis facta est *depositaria*, quamquam hominum conscientias dirigendi jus habeat onusque, nequeat tamen iudicare & sententiam dicere de homine interiore, deque intrinseca sua Religione, nisi ipsa interior evadat. De internis vero donec interna manent, ad solum Deum qui est scrutator cordium iudicium est reservatum.

VI. Ea ergo quæ vera Religio est, non aliquid humanum, neque humana institutio est, quæ pro suo arbitrio sit ab hominibus constituta, quæque humanæ Societati subiaceat, uti non semel noster Ticinensis supponit, sed est immediate a Deo selectis hominibus data & concredita, non ad modum Naturæ, sed ad modum Gratia, ut ipsi ceteros homines per mundum universum docerent. Patent hæc omnia ex facto atque doctrina Christi & suorum Apostolorum. Etenim, Christum quamquam diceret regnum suum non esse de hoc mundo, tamen ejusdem Natalis Dies renunciatur tanquam Natalis Regis = *Ubi est qui natus est Rex Judæorum* ? (2) & se Regem esse ipse confessus est iterum iterumque. (3) De seipso autem dixit in parabola contra Judæos = *Verumtamen inimicos meos illos, qui noluerunt me regnare super se; adducite huc & interficite*

(1) August. de Civit. Dei lib. 19. c. 17.

(2) Matth. Cap. 2. Ver. 2.

(3) Matth. c. 17. v. 24. Joan. c. 18, v. 37. & alibi, Luc. 17. v. 38.

scite ante me. (1) Insuper turbæ Regem salutarunt (2). Dixit se dominum, quando misit Discipulos, ut Aſinum ducerent, & quando interrogatus a Judæis in qua potestate operaretur, respondit se non teneri ipsis rationem reddere, cum esset Dominus vineæ (3). Uterius præcepta dedit de omni genere officiorum hominis & Civis; Leges præscripsit ad regimen Imperii & Reipublicæ administrationem; ac omnia Apostolis & Sacerdotibus suis vel per se vel per Spiritum Sanctum, tradidit, ut eadem communicarent cunctis populis. Eosque propterea vi quadam Spirituali firmavit, & auctoritate munivit, ut diceret *cum steteritis ante reges & præfides*, nolite cogitare quid loquamini; dabitur enim vobis in illa hora quid loquamini, cum sit Spiritus Sanctus qui loquitur in vobis. Qui ergo *recipit vos, me recipit* (4). *Qui vos audit me audit, & qui vos spernit me spernit* (5).

VII. Quare Apostoli utentes hujusmodi potestate Divina, leges præscripserunt Clericis & Laicis, viris & mulieribus, filiis & parentibus, divitibus & pauperibus, virginibus & conjugatis, juvenibus & senibus, Principibus & subditis, servis & dominis, emptoribus & venditoribus, cæterisque omnibus cujuscumque generis sint, ordinis & conditionis (6). Ac ideo tenetur quisque obedire Episcopis & Sacerdotibus æque ac principibus & Regibus, quibus communi Patrum sententia sunt etiam præstantiores = *Oportet enim*, aiebat S. Policarpus, *Subjici Presbyteris & Diaconis tanquam Deo & Christo* (7) Antiquissimus vero auctor

Aposto-

(1) Luc. Cap. 19. v. 27.

(2) Ibid. v. 38.

(3) Luc. Cap. 19. v. 30.

(4) Matth. cap. 10. v. 40.

(5) Luc. c. 10. v. 16. & c. 12. v. 11. & 12.

(6) Vid. Epist. Petri & Pauli ad Ephes. Cap. 5. & 6.

(7) Policarp. epist. ad Philip.

Apostolicarum constitutionum scribit = „ Quanto
 „ igitur anima præstat corpore , tanto Sacerdotium
 „ Regno: ligat enim ac solvit prout quis pœna vel
 „ venia dignus est. Quare Episcopum diligere ut pa-
 „ trem debetis, vereri ut Regem , honorare ut Domi-
 „ num „ Antea vero dixerat = „ *Principum ac Re-*
gum loco vobis præesse existimate (1). Igitur Episcopi
 Galliarum in Comitibus habitis an. 1755. ita Christianis-
 simo Regi loquuntur adversus illos, qui haud recte
 sentiunt de Divina Ecclesiæ jurisdictione & libertate .
 „ La Jurisdiction spirituelle de l'Eglise est méconnue;
 „ les Tribunaux séculiers en fixent les bornes selon
 „ leurs intérêts, comme si ces bornes immuables fixé-
 „ es par Jesus-Christ même , pouvoient être restrein-
 „ tes par leur autorité (2). Et anno 1760. insuper dixe-
 „ runt. „ Nous manquerions à la fidélité que nous vous
 „ avons jurée, au devoir le plus essentiel du ministère
 „ Apostolique qui nous est confié, à l'attente de tou-
 „ tes les Eglises, & particulièrement des Provinces
 „ qui nous ont députes, si nos représentations aussi
 „ fortes que respectueuses, ne portoient pas aux ore-
 „ illes de vostre Majesté les cris douloureux de la Re-
 „ ligion. Elle souffre, Sire, dans l'autorité du Tribu-
 „ nal suprême établi par son Fondateur, dans la
 „ sainteté de ses Sacrements, dans le dépôt de sa Do-
 „ ctrine, dans l'ordre de sa hiérarchie, dans les regles
 „ de sa Discipline: ajoutons, pour réunir sous un même
 „ point de vue, tous les traits dont elle est blessée, dans
 „ l'unité de son sacrifice de ses prieres, de sa litur-
 „ gie, & jusques dans les fondements du culte qu'
 „ elle rend au Createur, de la Morale qu'elle ensei-
 „ gne,

(1) Constit. Apost. lib. 33. & 34. Vid. Chrys. hom. de verbis
 Esaiæ. De Sacerd. lib. 3. c. 1. & alibi Sozom. lib. 2. cap. ult.
 aliosque passim.

(2) Procès Verbal pag. 352.

„ gne, de peines & récompenses qu' elle annonce ; &
 „ toutes ces atteintes, (qui pourroit le croire ?) c'est
 „ dans un Royaume très-chrétien qu' elle les éprou-
 „ ve „ (1) . Plura hic afferri possent vel forsitan etiam
 „ majora ad rem hanc magis magisque confirmandam ,
 „ sed iis supersedere melius esse putavi ; ut crebris vita-
 „ tis repetitionibus , in sequentibus capitibus fierent cla-
 „ riora .

C A P U T II.

*De Nullo jure summorum Imperantium in Sacra
 Religionis Christianæ juxta placita Philoso-
 phorum , qui sunt magni nominis , præ-
 sertim apud Ecclesiæ Catholicæ ad-
 versarios .*

I. **T** Icinenſis Auctor, cujus doctrinam refutare opus
 est, contrarium decernit. Peragens enim
 cap. 14. de Tollerantia Civili sic loquitur „ Si de Re-
 „ ligione univerſim loquamur dubitari non poteſt de
 „ jure Regiæ Majestatis in ſacra . Sufficit attentionem
 „ convertere in regiæ Majestatis originem & obje-
 „ ctum . Inde enim ortam eſſe intelligitur ſocietatem ,
 „ quod cum ſinguli homines naturæ inſuperabili in-
 „ ſtinctu velint eſſe beati in unam plurium
 „ ſocietatem coire decreverunt, ut mutuis ſubſidiis
 „ expleta cujuſvis indigentia, omnes ea felicitate po-
 „ tirentur, quam inceſſanter quærunť Quare
 „ jubente quodam modo natura, ſocietas inita eſt. Si
 „ enim ut homines felicitatem quærant, ea imperat ,
 „ jure etiam det omnia oportet, ſine quibus felicitas
 „ comparari non poteſt . Ex quo patet Societatis con-
 „ ſilium & objectum eſſe felicitatem ac ſecuritatem
 „ ſocio-

(1) Proceſſ. verb. pag. 202.

„ sociorum Quod ut facilius homines asse-
 „ querentur, publicam potestatem, sive personam
 „ aliquam vel singularem, vel moralem eligere de-
 „ creverunt, in quam Cives jura transferrent, ac cu-
 „ ram administrandæ totius societatis; ad quam nem-
 „ pe spectaret actiones singulorum ad bonum dirige-
 „ re, omniumque felicitatem debitis mediis promo-
 „ mere. Is autem cui voluntate populi delata est cura
 „ publicæ quietis ac felicitatis, *Summus Imperans aut*
 „ *Princeps dicitur*; atque ad hunc spectare intelligi-
 „ tur, jus & administrationem rerum omnium, quæ
 „ ad publicam tranquillitatem pertinent . . . Constat
 „ enim religionem adeo esse cum bono societatis con-
 „ nexam, ut sine illa societas consistere nequeat. Est
 „ enim Religio arctissimum vinculum, qua societas
 „ colligatur; a quo vim suam mutuatur pacta, fæde-
 „ ra, conventiones; & quo dissolutò, pietas omnis
 „ intercidit; eaque pereunte, probitas, honestas, vir-
 „ tus omnis extinguitur . . . Jam vero cum tanta sit
 „ religionis cum Reipublicæ securitate connexio,
 „ *concipi omnino non potest nisi absurdissime, nul-*
 „ *lam in ejus regimine partem habere Principem*; pe-
 „ nes quem tota residet cura & administratio publicæ
 „ quietis . . . Quare inepte prorsus & immerito ab eo
 „ ablegabitur *jus in sacra, sive in Religionem*, cui ma-
 „ xime alligata est securitas publica. Ergo si ge-
 „ neratim de religione loquimur, si Principem specta-
 „ mus prout Princeps est, erit in eo jus circa doctri-
 „ nam publicam, circa cæremonias, ritusque quibus
 „ Divino Numini exhibendus est honor; ejus erit sta-
 „ tuere communibus suffragiis religionem publicam;
 „ eritque Religio in Civitate tanquam publica Lex,
 „ ex qua hominum actiones ad cultum Dei externum
 „ dirigantur; atque hujus sacerdotes a cæteris Rei-
 „ publicæ ministris non differrent, atque adeo eorum
 „ ele-

„ electio, inuneris præscriptio, ac totius exterioris
 „ regiminis administratio ad Summum Imperantem
 „ spectabit „ Sic ille §. 2., & 3. Verumtamen conclu-
 dit capite 15. sequenti §. 1. „ Ex iis enim constare ar-
 „ bitror religionem Potestati Civili non subesse, nisi
 „ quatenus eadem influit in publicam societatis quie-
 „ tem ac bonum.

II. Miror Ticinensem Auctorem, qui ut alibi videatur S. Augustini Discipulus, ne nomen quidem tolerat Naturalis Religionis in statu naturæ lapsæ, nunc vero cultum Deo exhibendum, totamque Religionem rem politicam facere, eamque Religionem vocare! Quasi solis humanis legibus, & sine fide possibile esset placere Deo! Quam vehementer increparet Ticinensis doctrinam Gallus ille scriptor Bonus Franciscus Rivierus, alias de Pelvert, qui contra distinctionem Religionis Naturalis a revelata calamum vehementer acuit! Quem propterea magni faciunt Editores Opusculorum Pistoriensium, referentes in quinto volumine priorem ipsius epistolam, quæ tota est de hac re. Verum nostra non refert quid ille senserit, cum nihil hic negotii sit huiusmodi causam cognoscere. Sufficit enim id adnotasse, ut magis magisque appareat ea in uno homine inconstantia doctrinæ, quæ alibi observata est. Contra vero interest, ut nihil hæc nostra legentibus occurrat, quod non sit vel ratione comperitum, vel auctoritate probatum. In primis ergo preclarissima est doctrina illa, quæ docet, quemadmodum hominem triplici modo posse considerari, in ordine scilicet ad Deum, in ordine ad se, & in ordine ad ea, quæ forinsecus conspiciuntur, ita hominem sub triplici ratione seu statu esse considerandum. 1. *Ut est a Deo conditus, a quo accepit omnia bona quibus fruitur.* Utor hic Burlamachii principiis. 2. *Ut est in se ipso sua natura, & suis facultatibus instructus.* 3. *Denique*
 ut

ut est pars humani generis, & in societate constitutus (1) .

III. Ex hoc triplici statu vulgatissima omnium officiorum nostrorum hauritur distinctio, in Deum, in nos ipsos, & in ceteros homines. Ex primo oriuntur *Legum naturalium principia ad Deum spectantia*, quibus consonat Religio, seu cultus, quem Deo præstare debemus. Ex secundo nascuntur leges, quæ nos ipsos respiciunt, nostram salutem, perfectionem ac felicitatem. Ex tertio denique profluunt Naturales illæ Leges, quæ ad mutua hominum inter se officia, hoc est ad societatem pertinent (2). Quibus positis atque explicatis transit Burlamachius ad Pufendorffii Systema, quod uti mancum improbat atque rejicit; propterea quod totum positum est in sociali hominum fœdere, seu, ut ille ait, in *Sociabilitate*, veluti super unicum Legum Naturalium, atque officiorum nostrorum principium atque fundamentum. Attamen aliquo modo Pufendorffium excusat, quatenus ipse, etiam Barbeyracii sententia, nonnisi mutua hominum inter se officia explicanda proprie aggressus est. *Etenim*, ait Burlamachius, *nostra in Deum officia, judice Pufendorffio, pars sunt Theologiæ Naturalis. In quibus autem libris naturale jus disceptatur, Religio non habet locum, nisi quatenus est societatis culmen firmissimum.* (3)

IV. Pari modo non excusaret profecto Burlamachius impium Volterium Lexici Philosophici conditorem; qui unam tantum probat virtutem, eamque totam repetit a beneficentia erga similes, & a societate. Et quasi virtus non esset habenda pietas in Deum, fortitudo in adversis, nulla elatio in prosperis, continentia, sobrietas & alia hujusmodi similia, ait ille,, No-

„ us

(1) Burlamach. Juris naturalis Elementa par. 2. c. 4. §. 6.

(2) Burlam. loc. cit. §. 7. 8. & seq.

(3) Burlam. ibid. §. 20.

„ us vivons en société, il n'y a donc de véritablement
 „ bon pour nous que ce qui fait le bien de la Société.
 „ Mais que deviendront les vertus cardinales & Theo-
 „ logales ? Quelques-unes resteront dans les éco-
 „ les „ (1).

V. Verum enimvero Burlamachius æque ac Pufendor-
 fii, & Barbeyracius concedunt religionem,
 quæ vera Religio sit, culmen esse firmissimum socie-
 tatis, ac ideo summam perfectionem ipsius a Religio-
 ne profluere atque pendere. Docet quidem Pufendor-
 fii dissensiones, quæ oriuntur circa Religionem, *ne-
 turbent pacem publicam, per Summum Imperium effici
 posse, pœna in conviciatores sancita.....*, Sed ait
 „ ipse de hisce dogmatibus proprie sermo non est, sed
 „ sub talibus, quæ sive sub specie religionis, sive alio
 „ modo obtrudantur, jus naturale, ac principia sanæ
 „ politicæ convellunt; adeoque exitiabiles morbos in
 „ Civitate producere apta sunt. *Neque exinde ulli veræ
 „ doctrinæ periculum est. Nam nulla vera Religio pa-
 „ ci repugnat: & quæ paci repugnat vera non est; ni-
 „ si etiam pax & concordia contrariæ legibus natu-
 „ ralibus dicantur. Igitur saltem ejusmodi doctrina-
 „ rum examen, easque e civitate proscribendi potestas
 „ summo Imperio Civili tribuitur* (2) Quare strenue
 „ defendere aggreditur Religionem quatenus ad disci-
 „ plinam juris naturalis pertinet, intra spheram hujus
 „ vitæ terminari; ac ideo expedire ut publice civitas
 „ ejusmodi doctrinis personet, quæ cum fine & usu ci-
 „ vitatum congruunt, simulque animi Civium a pue-
 „ ro istis imbuantur „.

VI. Verum quidem est Pufendorfium explicare sen-
 tentiam istam *de directione duntaxat doctrinarum, quæ ex
 lumine rationis profluunt, ac præcipue moralis Philo-
 sophiæ*

(1) Diction. Phil. sub vocab. *virtus*.

(2) Pufend. de partibus summi Imper. lib. 7, cap. 4, §. 8.

sophiæ & juris Naturalis; itemque asserere de *potestate Summorum Imperantium circa sacra Christiana* tractare consulto sese abstinuisse (1), „ Insuper affirmat „ se disciplinam juris naturalis instituisse tractare uni- „ versaliter, & ad captum omnium hominum & na- „ tionum, quamcumque circa Divina persuasionem ha- „ berent, seposuisse vero quæ ex revelatione Divina „ dependent, eo quod apud omnes populos non æque „ probata aut recepta sunt. „ Hinc statum hominis triplici modo naturalem considerat. 1. Quatenus opponitur statui & conditioni brutorum, & quatenus homo spectatur ita ab Auctore naturæ Deo conditus atque formatus, ut Creatorem suum agnoscere valeat ac venerari. 2. Prout adversatur culturæ, quæ ex hominum industria & meditatione, aut etiam Divino monitu accedere solet. Hominem scilicet perpendit tot miseriis coopertum, quot nunc sumus, nudum, solitarium, veluti in desertum lictus ejectum, pravis animi studiis & inclinationibus detentum & quolibet suorum similium auxilio destitutum. 3. Denique, prout opponitur statui civili, quatenus scilicet unus homo alteri neque imperat neque paret. Omnes enim homines similes ac pares considerantur, neque inter se alio vinculo juncti, quam quod ex communi humana natura coalescit.

VII. His præmissis ægre fert ac conqueritur Pufendorfius (an jure vel injuria videant alii) de suis adversariis, quandoquidem statum hominis naturalem, de quo ipse agit, confundant cum *statu purorum naturalium*, quem (ait ipse) *Scholastici quondam commenti sunt* (2). Dolet insuper se accusatum fuisse, veluti doceret *religionem statui Reipublicæ esse accommodandam, & pro instrumento hujus habendam esse*; nec non

(1) Vid. Pufend. Epist. ad Scherzerum.

(2) Pufend. de Statu. hom. Natur. cap. 3. §. 2. & sequen.

non Christianam religionem ejusque sanctissimam doctrinam, aptam esse ad turbas & seditiones excitandas; itemque pugnare posse cum fine & usibus civitatum. Pufendorfius igitur defendendam suscipit doctrinam suam, & asserit se de *Religione non agere, sed tantum de falsis dogmatibus, Ethnicis & Politicis, quæ sub specie Religionis alicubi obtruduntur* (1). Tamen parum sibi constans, iterum iterumque fatetur Summum Imperantem potestatem habere & jurisdictionem in sacra etiam Christiana (2).

VIII. Notissimus vero Auctor Gallici operis viginti annorum, cui titulus est = *De Spiritu Legum*, docet opus esse Religionem cohærere cum scientia morum, in iis etiam regionibus in quibus non habetur gratia Divinæ Revelationis. Putat enim ipse religionem etiam falsam præ ceteris mediis aptissimam esse ad habendos homines bene moratos probosque (3). Attamen Religio quando numerosos habet ministratores, necesse est, ait ipse, ut caput seu Principem habeant, in quo & pontificatum constituent. Quare ex Civilis prudentiæ legibus loquens, docet in Monarchia in qua ordines regni nunquam sunt nimis divisi, satis expedire Pontificatum disjunctum esse ab imperio civili, nec unquam debere in uno homine, qui sit Summus Imperans, existere; quandoquidem utile Reipublicæ est, Summum Imperantem nullam jurisdictionem habere in Sacra Religionis, ne Despotas fiat (4).

IX. Sed his adhibitis memoratisque Philosophis adjungendus est Grotius, cujus systema quamquam in aliquibus cum systemate Pufendorfi cohæreat, in aliis tamen conspicitur discrepare. Ac primo quidem uti
monet

(1) Pufend. de examin. Doctrinar. cap. 6. §. 1. & seq.

(2) Puf. lib. 7. cap. 4. §. 8.

(3) Lib. 24. cap. 8.

(4) Ibid. lib. 25. cap. 8.

monet Coccejus, *existentiam juris naturalis Grotius deducit ex appetitu Societatis rationalis cum his qui sunt generis. Quamobrem præ aliis animantibus homo a natura fertur ad Societatem; non tamen ad quamlibet, sed ad tranquillam & rationalem* (1). Humana ergo posita Societate, quæ rationi conveniat, arguit Grotius dari *jus aliquod naturæ*: propterea quod sine jure Societas nulla subsistere diu potest. Jus istud Sociale naturæ existere supponit Grotius, *etiamsi detur Deum non esse*. Etenim Sententia ipsius est; hominem remoto etiam Deo *custodire Societatem*. Ulterius refert ipse ad objectum juris naturæ Socialis, omnes actus humanos quatenus Societati conveniunt vel repugnant, ac proinde, violantem capita religionis naturalia, puniri posse nomine societatis humanæ, nec asyla proficere contra delicta in humanam societatem commissa.

X. Sed cognito jure isto sociali, Deoque remoto, patet nihil amplius sacri humano generi superesse. Non enim homines vererentur Deum qui ponitur abesse, neque ullam habere possent religionem, præter cerebrosam, arbitrariam, & pro cujusque libidine adinventam superstitionem. Quare Grotii systema differt a systemate Pufendorffii. Nam Pufendorffius licet a *Sociabilitatis* principio leges omnes, quæ naturales dicuntur derivare studeat, tamen non differit ipse nisi de officiis quæ homines hominibus debent, non vero quæ Deo. Hinc est quod hujusmodi Grotii doctrinam refellunt Henricus Coccejus, (1) alique recentiores Grotii interpretes philosophi.

XI. His tamen haud obstantibus, docet ubique Grotius Deum plenissimum & absolutum dominium in vitam cunctasque res hominum sibi reservasse; illudque per hominem exercere posse eo plane modo, eaque

B

ratio-

(1) Coccej. in Grotium Dissert. præf. cap. 1. §. 3. & 4.

(2) Idem ibid. cap. 2. sect. 2. §. 54. & sequen.

ratione, qua voluerit. Cum autem certissime sciamus, totam religionem religionisque scientiam Deum Ecclesiæ, ejusque sacerdotibus concedidisse; ex eo factum est, quod ad Ecclesiam & sacerdotes Ecclesiæ, tota religio pertinere debet, eamque nullatenus pendere a *Sociabilitatis* principio ad instar Legum Civilium. Unde sequitur, ait ipse, *quod in rebus Ecclesiæ dicuntur Episcopi aliquo modo τὴν καθολικὴν πρεσβυτείαν*, id est *universalis Ecclesiæ curam accepisse*; Quare licet concederemus Deum sociales homines condidisse, tamen non inde sequeretur Religionem divinitus postea datam hominibus societati subesse, atque Summo Imperanti, ratione sui principatus. Nam jura societatis inspicere tantum possunt in quædam officia, quæ homines hominibus debent, non vero in cultum qui Deo debetur, nisi religio perperam dicatur, etiam cultus ille, qui cultus revera non est, neque vera religio de qua differimus (1).

XII. His ergo & talibus auctoribus usi, firmissimis argumentis confirmamus causam ab ipso Deo judicatam. Vidimus enim Ticinensem auctorem ex nexibus quibus conjuncta est religio cum quiete publica, Reique publicæ tranquillitate inferre, Summum Imperantem jus habere in Sacra Religionis, eaque cadere in Societatis jurisdictionem, & in jurisdictionem eorum qui nomine Societatis summum tenent imperium. Verum rectius argumentantibus consequitur potius contrarium. Etenim religio ac publica quies duæ sunt res, quarum altera ut sit alteri subdita, utraque debet esse ejusdem ordinis atque naturæ non autem superioris vel inferioris. Quod si manente una in ordine isto vel illo, altera vero antecellat & fiat superior, dicendum erit vel nullum naturale vinculum inter ipsas interce-

(1) Vid. Grot. de pœnis lib. 2. c. 20. §. 44. n. 1., & 2.

tercedere, uti non habent cum divinis humana, vel inferiorem illi subiectam esse, quæ nobilior est atque superior. Itaque Religio vel nihil aliud est quam *Res politica*, rei que politicæ pars, cui omnino præsidet summus Imperans, ut impius contendit Hobbesius, vel Politicum ordinem præstat institutione divina. In priori hypothese tota Religio Christiana perit & nihil est, in posteriori vero Status Politicus Reipublicæ, ejusque tranquillitatis subjicit Religioni.

XIII. Præterea Summus Imperans quum dicatur habere jus in Sacra Religionis, proptereaquod sit quietis publicæ custos, quæro an habeat in totam qualate patet Religionem, vel tantummodo in partem? Si primum, ergo qui Summus Imperans est, debet esse eo Speciali Charactere, iisque virtutibus supernaturalibus Divinitus exornatus, ut universam religionem plenissime valeat ministrare, ac, uno verbo, ut Summus Imperans simul sit necessario Summus etiam Sacerdos. Sed hoc posito Summum Imperium quin profluat a populo societatem appetente, ut Ticinensis contendit, vel a Deo Creatore, ut naturalem rerum ordinem præseferat, uti quisque fatetur, potius dicendum erit illud rem creatam præcellere, a voluntate Dei, ut loquar humano more, superaddita dimanare, & ab institutione, & Revelatione Divina æque ac Sacerdotium descendere; denique non a Deo Creatore, sed a Deo Redemptore profluere; quæ falsissima sunt.

XIV. Attamen Adversarius forsitan contendit Summum Imperatem jus habere tantum in partem religionis, in eam scilicet quæ arctiori vinculo connexa est cum publica tranquillitate, quæque exterioris regiminis & disciplinæ administrationem redolent, uti sunt, si fides habeatur Ticinensi, publica doctrina, Cæremoniæ, Ritus & alia hujusmodi, quæ exteriorem Cultum erga Deum respiciunt. Sed vanum effugium:

quoniam neminem latet Religionis partem, arctiori vinculo esse cum publica tranquillitate conjunctam, quæ ad hominem interiorem pertinet, quamque adversarius concedit non esse sub Summorum Imperantium jurisdictione; doctrinam vero hominem interiorem respicere, non vero exteriorem. Insuper vel distinguenda sunt duo diversa connexionis principia, inter Religionem & Civilis Reipublicæ quietem, vel quæque connexio est omnino tollenda, quandoquidem nullum protendat influxum. Neutrum concedit Adversarius, quoniam alterutro concesso, totum sibi substructum corrui ædificium. Sed neque stabit negatis. Etenim vel quælibet religio natura sua adversatur Imperio, vel non est nisi Civilis Reipublicæ pars; cujus Sacerdotes & ministri nullibi differant a Ministris Imperii; eorumque electio, munera & Sacrorum administratio pendeat omnino a Summo Imperante, ab ejus virtute & Potestate. Quare Religionis ministri & Sacerdotes, vel erunt viri tantum Politici, vel erunt Philosophi aut Sacerdotes Imperii & Naturæ, non autem Sacerdotes Ecclesiæ. Utrumque forsitan respondere æque ac priora Ticinensis auctor confidit, cum non eodem modo loquatur de Religione Christiana.

XIV. Ei tamen assentior Religionem vel generatim sumptam vel maxime Christianam, influxum habere in Civilis Reipublicæ Statum. Quid inde? Ergo Summus Imperans jus habet in Sacra Religionis Christianæ? Minime gentium. Patet enim contrarium ex hactenus dictis; sed ulterius progrediamur. Docet Adversarius Christum, quin turbaret Rempublicam & quin sua jura auferret ab Imperantibus, novam rerum formam contulisse, sacerdotibus administratione collata Sacrorum, quæ idem instituit, iisque omnibus conceditis, quæ Religionis substantiam & disciplinam interiorem constituunt. Ergo his omnibus exceptis
„ quod

„ *quod reliquum est*, ait ille, *in Ecclesia id totum sub-*
 „ *ordinatum esse intelligitur Regiæ Majestati* „ Sed
 nihil hoc absurdus. Sequeretur enim doctrinam,
 Sacramenta, eorumque administrationem & quidquid
 interiorem redolet disciplinam, vel nullam habere
 connexionem cum publica quiete, vel si haberent, nul-
 lo modo sejungi posse a jurisdictione Summi Impe-
 rantis, qui ratione sui principatus, custos est publicæ
 quietis, ac ideo jus habere contendit in Sacra Religio-
 nis, propter influxum rei unius in alteram. Utrumque
 falsissimum est; ideoque futilis argumentatio est, quæ
 vel nimis probat, vel nihil. Denique rebus ex dua-
 bus major & nobilior habenda est, quæ influit in alte-
 ram, quæque in se nullum recipit ab altera substantia-
 lem influxum; inferior vero & minus nobilis quæ in-
 fluxum recipit, & ab influxu nobilioris dependet.
 Cum ergo Religio necessario influat in bonum substan-
 tiale Imperii; Imperium vero non item; hinc est
 quod non Religio subest Imperio, sed Imperium reli-
 gioni.

XVI. Et revera tota religio Christiana vel dicenda
 est inanis & vacua, & omnino inutilis habenda est re-
 velatio & Gratia Christi, vel necessario assentiendum
 est huic verissimo principio; Religionem scilicet Chri-
 stianam cultum perficere, quem debemus Deo, rursus-
 que illam restaurare quæ a nonnullis religio naturalis
 dicitur & philosophica; ac insuper hominem sanare,
 longe meliorem facere, ac omni virtutum genere cumu-
 latam reddere Societatem, non vero turbare atque
 convellere. Philosophicis enim longe perfectiora sunt
 officia quæ docet Christiana religio, iisque tantum con-
 junctus est splendor virtutum quæ perfectæ sunt, quæ-
 que ad hominem pertinent, & solitarium & in Socie-
 tate constitutum. Omnia Christus uno præcepto do-
 cuit dicens = *Ego sum via, veritas & vita; & qui ma-*

net in Charitate, in Deo manet & Deus in eo. Christiana ergo Religio supernaturali quadam vi hominem, conciliat homini, & ad animi amorem & ad vitæ Societatem. Hinc est quod ipsa pugnare nunquam potest cum politicis Reipublicæ bene constitutæ fundamentalibus principiis: licet possint alicujus reipublicæ male constitutæ principia pugnare cum Religione Christiana, quemadmodum in Romano Ethnorum imperio factum fuit. Sed hoc in casu non Religio Imperium, sed Imperium turbat Religionem, cujus Divina libertas turbatur & invertitur summa injuria, quando Civilis Potestas jus exercere conatur in Religionem Divinitus datam certis hominibus libere ministrandam. Quare Sanctissimus & Doctissimus vir Gregorius Nazianzenus sic alloquitur cum imperialibus Ministris, cum Principibus Imperii, atque cum Regio Præfecto = „ Quid autem vos Principes & „ Præfecti? Ad vos enim jam nostra se convertit oratio.... Quid igitur dicitis? Aut quid internos convenit? An me libere loquentem æquo animo feretis? Nos, *vos quoque imperio meo ac throno Lex Christi subjicit*. Imperium enim nos quoque gerimus, addo etiam præstantius ac perfectius: nisi vero equum est Spiritum carni fasces submittere, & Cælestia terrenis cedere.... Cum Christo Imperium geris, cum Christo munus hoc administras. Ab illo gladium accepisti, non tam ut eo utaris, quam ut mineras ac terreas (1).

XVII. Si autem Sacerdotes a Divino suo ministerio atque a Divina Institutione suæ Religionis deviare conspiciantur, cum ex Legibus Ecclesiæ statim a sua conditione deciderint, Religionem non tuentes, neque Religio ipsos tuetur. Ergo Religionis Ministri,

qua

(1) Nazianz, Orat. 17.

qua mensura suum deferunt officium, ut gerant Sæcularia negotia, eadem mensura ab institute decedentes, etiam a religione deviare dicuntur, in imperiumque aliquo modo recidere. Quare idem Nazianzenus dixit = At nos,, Fratres dum officium ipsi deferentes, magistratum potestatem iniquo animo ferimus, perinde utique facimus, ac si quis certaminis præsidem ut improbum accuset, cum ipse in Palestre leges peccet,, (1). Et in Pontificali Romano cum aliquis adscribitur Clericali Militiæ, admonetur ab Episcopo, nemalis moribus amittat privilegia, quæ clericalia dicuntur. Quare doctrinam ejusmodi optime intelligebat Scriba ille, qui cum sedasset seditionem Ephesiorum a Demetrio excitatam adversus Paulum, Apostolum dixit ad Ephesios, = Adduxistis homines istos neque Sacrilegos, neque, blasphemantes Deam vestram. Quod si Demetrius & qui cum eo sunt artifices, habent adversus aliquem causam, conventus forenses aguntur, & proconsules sunt, accusent invicem. Si autem alterius rei queritis: in legitima Ecclesia poterit absolvi (2).

XVIII. Ex hucusque dictis satis superque intelligimus, quemadmodum Summum Imperantem jus aliquod continuo tueri etiam in Religionis Ministros, in quantum homines sunt, ita & Sacerdotes jurisdictionem habere in Summos Imperantes quatenus Christiani sunt. Hinc Bossuetus agebat, „ Le Sacerdoce & l'Empire sont deux Puissances indépendantes, mais unies. Le Sacerdoce dans le spirituel, & l'Empire dans le temporel: comme les Rois dans le spirituel se reconnoissent humbles Enfants de l'Eglise. Tout l'état de ce monde roule sur ces deux Puissances. C'est, pourquoi elles se doivent l'une & l'autre un secours mutuel. Zorobabel qui représentoit la Puissance „ tempo-

B 4

(1) Nazianz. Orat. 17. cit.

(2) Act. cap. 19. v. 35. ad 39.

„ temporelle , fera revêtu de gloire , & il fera assis &
 „ dominera sur son Trône ; & le Pontife ou le Sacri-
 „ ficateur sera sur le sien , & il y aura un conseil de
 „ paix (c' est - à - dire , un parfait concours) entre ces
 „ deux „ (1) . En igitur ut ita dicam , mutua illa ser-
 „ vitus , quæ intercedit Sacerdotium inter & imperium ,
 ex qua mutua profluunt officia , quæ necessaria sunt ad
 pacem servandam , maxime vero ubi agatur de rebus ,
 quæ vulgo *mixtæ* dicuntur . Quum enim ipsæ respiciant
 plurimum utramque hominis partem animam scilicet
 & corpus , hominem Civem & hominem Christianum ,
 Deum & mundum , temporale & æternum , hinc ne-
 cessario fiet , ut vel Ecclesiæ status ; vel Imperii tur-
 betur , si pars altera totum jus atque rei inspectionem
 integre sumat , altera inconsulta : nam sibi arrogat
 quod suum non est , sed alteritribuendum .

XIX. En ergo qui sunt nexus Religionem inter &
 Imperium , & qui sunt istius connexionis maximi effe-
 ctus , propter quos Grotius non immerito vocat reli-
 gionem *Propugnaculum Potestatis ac Legum & honestæ disciplinæ vinculum* (2) . Quare malissime argumen-
 tatur ex hoc Ticinensis Auctor , Religionem subditam
 esse Imperio , & Civili potestati , cum potius conclu-
 dere deberet etiam cum hêretico viro Basnagio (3) ;
 Civilem potestatem subditam esse Religioni & Ecclesiæ
 cui est tota religio Divinitus concredita . Est enim Ec-
 clesia Christi (ut docet sanctus Paulinus Nolanus) *san-
 ctissima illa hominum societas , in qua omnes unum su-
 mus tanquam in una domo viventes Servantes uni-
 tatem Spiritus in conjunctione pacis , ut unum corpus &*

HNUS

(1) Bossuet, Politique tirée de l'Ecriture liv. 7. art. 5. 12. Prop.
 Vid. et. Proc. Verb. de 1700. & Defens. Declar. par. 1. lib. 1.
 sect. 2. cap. 33.

(2) Grotius de poenis lib. 2. cap. 20. §. 54. n. 3.

(3) Basnag. dissert. 4. n. 1. t. 2. p. 491.

unus spiritus ut Sociali invicem membro nobis collaboremus, ut crescamus in illius corporis ædificationem, cujus Caput Christus est (1). Quare definiri solet Ecclesia Christi „ cætus hominum ad Christi fidem vocatus, quem „ interius quidem animat fides, spes & Charitas; ex „ terius vero ejusdem Christianæ fidei professio, & „ eorumdem Sacramentorum Communio, sub legi- „ timis Pastoribus, ac præcipue sub uno capite, „ Christi in terris Vicario & Divi Petri successore „ adunat (2).

XX. Igitur duo in Ecclesia distinguenda sunt, ajunt Ultrajectenses illi, quos magnopere extollit Adversarius. 1. *Quod veram fidem teneat*. 2. *Quod sit societas visibilis, cujus membra exteriori communione coalescunt*. Iisdem enim participare Sacramentis, unitatem ministerii a Christo instituti agnoscere, iisdem adesse conventibus, iisdem legibus adstringi, se unius ejusdemque corporis membra profiteri, in primisque simul Orationibus vacare: in his exterioribus ac publicis Religionis actibus posita est communio exterior. Unum etiam aliud communionem illam exteriorem præcipue adstruit & denotat, nempe Cathedra Petri communione consociari (3).

XXI. Quæ cum ita sint nemo est qui non videat (vidit enim Basnagius (4), ejus naturæ atque indolis Christianam esse religionem, ut postulet hominum cætum atque congregationem, qui ad instar Reipublicæ per varios a Deo ipso statutos ordines & officia sapientissime sint distributi; quique seorsim ab imperio Civili sedeant

(1) Paul. Nol. ad Amand. epist. 23.

(2) Opstraet. de loc. Theol. Diss. 3. de Eccles. quest. 1. §. 2.

(3) Act. Secund. Synod. Ultraject. An. 1763. Relat. 2. de Schism. Græcor. §. 1. Vid. Inf. Decret. 3. & Relat. 5. de professione Fid.

(4) Basnag. ubi supra.

sedent ad custodiam dogmatum, Legum, cultus, Rituum & eorum omnium, quæ Religionem necessario respiciunt, vel ad eam pertinent, eique comitantur. Hæc omnia nisi sint hominibus ejusmodi divinitus concredita, minime valerent ipsi contra furentium impetum tempestatum quæ inter homines excitantur, inviolatam Religionem custodire, ne unquam prævalerent superbæ portæ infernorum.

XXII. *Sociabilitatem* ergo si quis cum Grotio, Pufendorffio, & Burlamachio considerare velit, ex eaque maxime pendere doceat hominum officia, si falsa non ducatur Philosophia, opus ei erit concedere, hominem Christi medicinali Gratia sanatum, maximam, consequi perfectionem intra claustra Ecclesiæ, forinsecus vero nihil esse præter virtutum spectra, præter vitia & peccata (1). Verumtamen ex hoc fit ut officiorum nostrorum alia sint hominis & Civis, alia vero sint viri Christiani. Priora Summo Imperanti ac potestati Civili subjiciuntur, posteriora non item. Sed vidimus superius Religionem Christianam ex natura sua perficere Societatem atque sanare, nunquam vero Civilem societatem hominem Christianum reddere perfectiorem. Ex quo satis superque intelligimus hominem prius natum esse Religioni quam Societati; proptereaquod officia erga Deum præcedunt officia erga homines. Itaque Sociabilitatis principia quemadmodum nullam haberent virtutem ad Religionem perficiendam, etiam in hypothesi quod ipsa perfectione careret, ita Religio perfectissima, & Divinitus data ad reparandam naturam humanam, fugat quodlibet vitium, levioresque defectus, quibus posset humana turbari societas. Ex naturali & ex divina simul institutione non Religio Christiana subjicitur Societati, sed humana quæque societas Christianorum subjicitur

(1) Vid. S. Eucher, de contemp. mundi prop. fin.

jicitur religioni . Quare Christiana Religio prout religio est , pendere nullomodo potest a Summo Imperante , sed Summus Imperans pendere debet a Religione , ut rectissime societatem gubernet ac regat . Et cum Potestas Civilis humana ratione se gerat , Ecclesiastica vero auctoritate Divina , quæ a Divina Revelatione procedit ; rursusque in *Ecclesia Catholica* , ut docet S. Augustinus , nihil fiat salubrius quam ut rationem præcedat auctoritas (1) : hinc sequitur Potestatem Ecclesiasticam præcedere debere Civilem . Ergo Tici- nensis auctor vel ut fateatur necesse est , totam perire argumentationem sibi propositam , vel infamia sui nominis blasphemare deberet , Christum Dominum humanæ Societati nocuisse potius quam juvasse , ac datam hominibus religionem pugnare cum perfectiori Philosophia . Quod refellitur etiam a Pufendorfio .

XXIII. Sed in Ecclesia æque ac in Imperio duplex distinguenda est vis atque potestas ; ea scilicet , quæ leges condit , & quæ mandat executioni ; seu *Legislativa* , ut ajunt , & *executiva* . Utraque in Ecclesia pertinet ad ordinem Hierarchicum , & præcipue ad Episcopos & Romanum Pontificem , qui omnium Caput est & Princeps . At in nonnullis tamen rebus , quæ utique sunt Ecclesiæ , vis quæ *executiva* dicitur ne dedecet quidem Catholicos Principes . Verum ipsorum esse nullo modo potest vis *legislativa* , quam Christus dedit Petro ceterisque Apostolis , quibus mandavit gubernandam Ecclesiam . Imperantibus autem dedit Deus res quæ temporales sunt , quæque finibus circumscribuntur humanis , atque in iis habent summi Imperantes vim *legislativam* , æque ac *executivam* . Sed quem admodum Principes Temporales cedunt aliquando Episcopis unam vel alteram , ita etiam Episcopi suam aliquan-

(1) August. de morib. Eccles. lib. 1. cap. 25.

aliquando cedunt Principibus Catholicis . Utraque tamen pars quamquam soleat aliquando erga alteram connivere propter Harmoniam , Christianam concordiam & Christi Pacem , tamen neutra potest sese omnino abdicare auctoritate sibi divinitus data . Quare vim *legislativam* nemo cedere solet , neque cum una pars alterius leges adoptat . Non enim per hoc probari potest Ecclesiam vel Imperium amittere suam auctoritatem & jurisdictionem . Etenim præter turbam fidelium , *certa membra sua* (ait S. Optatus Milevitanus) *habet Ecclesia , Episcopos , Presbyteros , & Diaconos , ad quos pertinet totius Ecclesiæ regimen jure Divinitus datum* (1) .

XXIV. Ecclesia igitur nunquam abjicere potest originalia jura , quæ Deus rerum Dominus dedit custodienda . Quando vero hæc fortiter sapienterque tenemus quæ mutare non possumus , mihi quidem non videntur posse ullo modo convelli . Quare Summus Imperans , ratione sui Principatus nullibi potest sese immiscere in rebus Ecclesiæ , potest tamen jure protectionis , audita prius Ecclesiastica potestate , cui de jure divino pertinet de rebus Ecclesiæ judicium ferre . Itaque Summus Imperans nunquam potest sibi tribuere vim *legislativam* Ecclesiæ , sed solam *executivam* subministrare potest , ut opituletur Ecclesiæ , *cujus est Filius , & cujus bonus Imperator* , ut ait Divus Ambrosius , *querit auxilium* . (2) Ut autem plura vitentur incommoda , quæ ex varia Legum Legislatorumque natura solent oriri , in primis necesse est , ut status Civilis Societatis continuo sequatur Religionem , non vero Religio Societatis naturam seu statum . Insuper etiam generatim loquendo , necessaria est Religio quædam , quæ

(1) Optat. Milev. cont. Parmen. lib. 2.

(2) Ambr. ad Marcell. Sox. Epist. 14.

quæ sit natura sua immutabilis, quæque hominum Societatem perficere valeat, nec non Divinam quamdam præferat æconomiam, quæ Divinam arguat Religionis naturam; & Religionem ipsam Divinitus nobis datam ostendat, non vero ab hominibus adinventam superstitionem. Religio quæ sit hujusmodi, quamlibet hominum Societatem perficere natura sua valet, vicissitudines Imperii neque timet neque sequitur, omnem falsitatem respuit, nova dogmata non admittit, novum cultum necessario fugit, & novam damnat morum scientiam.

XXV. *Vel generatim ergo vel speciatim de Religione loquamur.* Quemadmodum Principibus temporalibus sanitas corporum est divinitus concedita, ita & Sacerdotibus animarum sanitas, propter quam tota Religio Divinitus data est; ideoque ad Summum Imperantem religionem nullo modo pertinere latissime patet. Contra vero Potestas Ecclesiastica necesse est, ut duplicem cultum Deo exhibendum, interiorem & exteriorem dirigat & moderetur. Quoad interiorem non habet Ecclesia alia media in sua potestate quam persuasibilia, prædicationes scilicet, admonitiones, præces, suffragia, & alia similia, quæ exhibere valet ad populorum regimen. Sed quum istorum omnium privata executio & complementum eo remaneat in hominis cujusque arbitrio, ut Ecclesia quæ de internis judicare non valet, ad regendos populos suum non possit formare judicium, nisi illa omnia exteriora fiant; hinc Divina potestas Ecclesiæ non minus hominem interiorem quam exteriorem opus est ut respiciat. Ut autem exteriorem dirigat, habet quidem templa, & populi cærus, habet Sacramenta, Ritus, & indulgentias, & habet etiam pœnas Ecclesiasticas, quibus culpatos puniat, atque vitia coerceat. Itaque Bossuetus optime scripsit = „ Pour les peines, l'Eglise a droit „ d'en

„ d'en imposer de tres-rigoreuses aux penitens: & elle
 „ a droit aussi de les temperer ec. „ (1)

XXVI. Quæ cum ita sint nonnisi evidenti lumine
 veritatis coactus Ticinensis Auctor concedit pag. 313.
 saltem Novi Testamenti Sacerdotibus, *Christum non*
solum executionem Sacrorum, sed etiam cognitionem ac
judicium de rebus ad religionem spectantibus concedi-
disse. Attamen destruit paulo post quando affirmat., Re-
 „ ligionem cum politico ac civili societatis bono ita
 „ connecti quoad exteriorem disciplinam, ut hæc
 „ necessario subingrediatur ordinem rerum politicum,
 „ atque Civilem. Ergo (prosequitur) dempta Fidei,
 „ morumque doctrina, quam Christus per legatos
 „ suos annuntiavit, ac dempta sacrorum administra-
 „ tione, quæ sacra Christus instituit; quarum rerum
 „ complexio religionis substantiam, *ac ipsius interio-*
rem ut loquuntur disciplinam constituit; quod reliqu-
um est in Ecclesia id totum subordinatum esse intel-
ligitur Regiæ Majestati Hinc ejus est convo-
 „ care concilium ad lites finiendas, invigilare super
 „ Ecclesiæ Pastores, ut rite absque societatis perturba-
 „ tione muneribus suis fungantur, ut omnes Eccle-
 „ siasticorum coetus in officio contineantur & quæ
 „ societati oneris sunt, vel detrimenti, supprimantur,
 „ ut nihil demum in Ecclesiastico regimine contin-
 „ gat quod vel minimum societatis bonum ledere pos-
 „ sit Ex quibus intelligitur rerum naturam non
 „ bene perpenderit, nec jura Principum rite novisse,
 „ qui eos se immiscere rebus Ecclesiæ posse existi-
 „ mant, non quatenus unice Principes sunt, sed qua-
 „ tenus sunt Christiani „. (2)

XXVII. Posita ergo Scriptoris Ticinensis doctrina ,
 Princi-

(1) Bossuet. Avertissem. sur la remission, des Peches pour le tems du Jubile .

(2) Cap. 14. §. 7. pag. 314. ad 317.

Principes Infideles, ipsos Ethnicorum Imperatores ratione sui Principatus idem jus habere dicendum erit in Christi Ecclesiam, quod in rebus nonnullis exercent, vel ipso iudice exercere possunt Imperatores Christiani. Quare jure suo fungebantur ipsi in Exordio Ecclesiæ cum impedire conarentur quominus Religio Christiana publicæ prædicaretur, quandoquidem Christus & Apostoli, Judæorum Ethnicorumque iudicio, sua prædicatione perturbare nitebantur publicam fidem & cultum, ac proinde peccabant adversus societatem, ac veluti publicæ quietis perturbatores haberi merito poterant, uti revera habiti sunt. Judæi enim Christum ipsum accusantes ad Pilatum dicebant. *Hunc invenimus subvertentem gentem nostram Commovet populum docens per universam Judæam* (1). Etenim occasione novæ doctrinæ, oriebantur tumultus, contentiones, & pristinæ Religionis, seu potius Superstitionis ruina. Præterea cum juxta Ticinensem quilibet pro veritate pugnare existimet, (2) ac Summi illi Imperantes putarent religionem, qua erant enutriti verissimam esse, optime se gesserunt ergo ipsam tuentes; contra vero malissime egerunt Apostoli eorumque Successores, atque adversus jura Societatis peccarunt, cum novam religionem prædicarent, non dicam absque licentia Civilium Magistratuum, sed ipsis etiam invitis. Ait enim = Id unum jure postulat societas, ut „ cum libera sit in religionis delectu, eam quam ipsa „ amplexa est nullus perturbet impediaturque (3).

XXVIII. Verumtamen unicuique patet duplici ratione hominem posse peccare, contra jura Civilis Societatis & contra jura Ecclesiæ. Quæ sunt contra societatem jure ordinario punire potest Summus

(1) Luc. cap. 23. v. 2. & 5.

(2) Pag. 342.

(3) Ibid. pag. 341.

mus Imperans tantum, qui tueri debet publicam quietem, Majestatem Imperii & ipsa jura Societatis. Peccata vero quæ sunt contra religionem punire potest sola Ecclesia; cum sola a Deo receperit custodiendam religionem, & potestatem ligandi atque solvendi. Si autem simul sint contra religionem & contra societatem, ab utraque simul potestate puniuntur. Verum accidit, ut quemadmodum Ecclesia est semper in Imperio, ita etiam Imperium sit aliquando in Ecclesia, cum scilicet Summus Imperans & Civiles Magistratus Catholicam profitentur religionem. Ex hoc res illæ profluunt, quæ vulgo *Mixtæ* dicuntur, in quibus quisquis peccat, non tantum peccat contra jura Ecclesiæ, sed etiam contra jura societatis; quoniam societas ejusmodi etiam Catholica religione coalescit. Sed cum ista haud originaliter profluant ex natura Imperii, quandoquidem ad illud pertinere non possunt, nisi per derivationem ab Ecclesia, cujus interest jura sua custodire; hinc est quod imperium nunquam potest inconsulta Ecclesia, parte scilicet Hierarchica & Legislativa ejusdem, vel novas condere leges, quæ res Ecclesiæ respiciant, vel animadvertere in peccata, quæ non ab homine tantum Cive, sed ab homine Christiano patrantur, maxime vero ab eo qui dicitur Ecclesiasticus. Si secus enim se gereret, videretur procedere jure potius originario quam derivato. Summus vero Imperans qui est intra Ecclesiam, & filius Ecclesiæ, constitueretur supra Ecclesiam, non quæreretur auxilium Ecclesiæ, sed refutaret, eamque convelleret, ut monet Sanctus Ambrosius (1).

XXIX. Si ergo verum esset quod Scriptor ille docet, Religionem scilicet generatim sumptam de jure naturæ ad summum Imperantem pertinere; quomodo non perti-

(1) Ambr. concione de Basilic, non tradend.

pertineret etiam de jure divino & positivo, cum veritas nunquam pugnet cum veritate, & cum testetur Christus se non venisse ut solveret legem scriptam, eo vel minus Legem Naturalem, quæ immutabilis est, ac veluti particula legis æternæ? Clarissime ergo evincitur ex hæcenus dictis, jus *illud Regiæ Majestatis in sacra*, de quo affirmat ille dubitari non posse, neque reperiri in Philosophia, neque in certissimis Christianæ religionis principiis, cum quibus pugnat. Inferius autem videbimus pugnare insuper cum Evangelio & cum doctrina Sanctorum Patrum, & ne haberi quidem in Gentium historia, vel in republica Hebræorum: reperiri tamen apud quosdam non antiquioris temporis Hæreticos qui adinstar omnium Novatorum, a reliquo corpore separati suos sibi magistros (ut agebat S. Pacianus) & propria instrumenta constituerunt, ut quid insolitum argumentarentur, & quid novi juris adinvenirent (1). Sit ergo.

C A P U T III.

De Nullo jure Summorum Imperantium in Sacra Christiana secundum Evangelii & Sanctorum Patrum universalem doctrinam.

I. **V**Idimus superius potissimam rationem, quam profert in medium Ticinensis auctor ad asserendum jus Imperantibus in Sacra Religionis, eam, esse quæ probat, homines cum in Societatem coiverint ut beati viverent, cumque publicam personam elegerint, in quam singuli sua jura transferrent, eidem communi populi voluntate, curam concredidisse publicæ quietis, & rerum omnium administrationem, maxime

C

vero

(1) Pacian, Epist. 3. ad Sympron. prop. finem.

vero religionis, quæ tota est cum bono Societatis connexa. Valet argumentum ubi agitur de regimine Imperii; quoniam Deus, ut etiam ipse concedit, unicuique populo potestatem fecit sibi certam reipublicæ formam constituendi, ac utile quidem sit unum semper eligere cui reliqui obediant. Sed est omnino ridiculum transferre argumentum ad religionis administrationem. Nam ubi homines Societatem iniverunt, suamque libertatem vèl ex toto, vel ex parte deposuerunt in manibus Imperantium, nunquam præsumitur jus insuper cessisse in proprias conscientias, in intellectum, & religionem. Quod si etiam cesserunt, tunc religio a Principibus imperata non est religio, sed vana superstitio, cum non sit illa quam Deus ipse præscripsit, ac definivit; rursusque certis hominibus concedidit ad instar Depositi custodiendam. Ergo neque Deus, neque homines concessere cuiquam jus religionis pro arbitrio constituendæ, neque vera religio est aliquid humani, sed Divina res est, super quam nulum jus exercere potest Civilis Societas, cujus institutio tota humana est, licet ipsius auctoritas atque potestas in rebus, quæ humanam institutionem non excedunt, sit omnino a Deo.

II. Verum ubi hominum occurrit nobis societas, cujus institutio sit omnino divina, propterea quod a Christo fundata sit, atque ab eo Ecclesia vocata, eam profecto non super Reges, sed super Petrum, & reliquos Apostolos fundatam discimus (1). Eosque a Christo fuisse statutos super familiam suam, ac dispensatores factos mysteriorum Dei (2). Quare idem Christus non Regibus, sed Petro dixit: *pasce agnos meos, pasce oves meas*; & ad universos Apostolos: *Sedebitis super*

(1) Mat. cap. 16. v. 18. Ad Ephes. c. 2. v. 20. Apocalyps. cap. 21. v. 24.

(2) Luc. cap. 12. v. 24.

per thronos judicantes duodecim tribus Israel. (1) Cum vero instituisset Eucharistiæ sacramentum, & Apostolos Sacerdotes constituisset, ipsis, non autem Regibus & Magistratibus Terræ dixit: *hoc facite in meam commemorationem* (2). Pro Petro, insuper non autem pro summis Imperantibus asseruit Christus, se rogasse ut fides ejus nunquam deficeret, ac Petro onus dedit fratres suos in Fide confirmandi (3). Præterea Apostolis non regibus dixit = Ego rogabo Patrem & alium Paraclitum dabit vobis, ut maneat vobiscum in æternum, Spiritum veritatis, quem Mundus non potest accipere . . . Vos autem cognoscetis eum; quia apud vos manebit, & in vobis erit . . . Ille vos docebit omnia & suggeret vobis omnia, quæcumque dixerò vobis = (4). Non Imperantes sed Apostolos vocavit amicos suos, quibus nota fecisse testatur quæcumque audiverat a Patre, ipsosque elegisse asserit, ut eant & fructum afferant; & fructus eorum maneat (5); quoniam per verbum & prædicationem ipsorum promisit mundum crediturum. (6) *Accipite ergo*, dixit ipsis, *Spiritum Sanctum, quorum remiseritis peccata remittuntur eis, & quorum retinueritis retenta sunt* (7). *Euntes ergo docete omnes gentes: baptizantes eos in Nomine Patris, & Filii, & Spiritus Sancti, docentes eos servare omnia, quæcumque mandavi vobis: & ecce ego vobiscum sum omnibus diebus usque ad consummationem sæculi* (8).

III. Apostoli ergo eorumque discipuli Divina hujusmodi auctoritate confisi, in exordio Ecclesiæ minis-

C 2

trabant

(1) Joan. c. 11. v. 15. & 17. Luc. c. 22. v. 28. 30.

(2) Luc. c. 22. v. 19.

(3) Ibid. v. 32.

(4) Joan. Cap. 14. v. 16. & sequen.

(5) Joan. cap. 15. v. 14. & seq.

(6) Joan. c. 17. v. 20.

(7) Joan. c. 20. v. 22. & 23.

(8) Matth. 28. v. 19. 20.

strabant Domino, viros segregabant in opus Dei, Ministros Ecclesiæ libere eligebant, congregabant concilia, ministerium verbi exercebant, Evangelium prædica-
bant, sacramenta conferebant, errores damnabant, communionem ecclesiasticam interdicebant, mittebant Synodicas Epistolas, prædicatores legabant ad Gentes, Ecclesiarum Rectores, aut etiam visitatores constitue-
bant, constitutis Episcopis præcipiebant ut prædica-
rent verbum, instarent opportune & importune, ut ob-
secrarent vel increparent in omni patientiâ, & doctri-
na, ac omnia absque ullo impedimento plenissime de-
cernebant, quin certiores facerent Summos Imperan-
tes, vel Magistratus Imperiî (1). Ratio denique atque
scientia morum, quibus magna ex parte coalescit Chri-
stiana Religio, ut superius diximus in Cap. 1., tota
concredita divinitus fuit Apostolis, eorumque Succes-
soribus; ac per ipsos etiam Ecclesiæ universæ, non vero
Summis Imperantibus, ac Civilibus Magistratibus.

IV. His igitur expositis accedit aliud argumentum
ex unitate Ecclesiæ Catholicæ derivatum. Unitas enim
quæ inter dotes Ecclesiæ præcipua est, omnino periret
absque unitate doctrinæ, concordia morum, unitate
Sacramentorum omniumque rerum quæ pertinent ad
Tribunal Ecclesiæ. Si ergo Summus Imperans ex sui
Principatus natura ut auctor Ticinensis contendit, jus
haberet dirigendi res Ecclesiasticas, atque rebus sacris
sefe immiscendi, quis non videat nunquam dari posse
Unitatem Religionis in Ecclesia Univerſa, cum tot
Principatus & Regna Ecclesiam component? Neque
sperari possit tam spatiosum Imperium, quod æquetur
Ecclesiæ toto Orbe diffusæ? Ergo vel Religio cum
suis appendicibus erit imperanda ad modum Civilium
Ordinationum, & non erit amplius libera cuiquam,
vel

(1) Legatur Lib. Act, Apost. & Pauli Epist. ubique passim.

vel si libera est, ad Summum Imperantem nullo modo pertinere dicendum est. Quare agebat Theodoricus Gothorum Italarumque Rex Arianus: *Religionem imperare non possumus, quia nemo cogitur ut credat invitus* (1). Loquens autem de Regimine Imperii ait „ sed cum utile sit unum semper eligere cui reli- „ qui debeant obedire: quia si voluntas diversorum „ vaga relinquitur, confusio culparum amica generatur (2).

V. Si ergo ad Summum Imperantem jus illud pertineret in Religionem, ipsius libertas omnino periret, propterea quod eadem prædicarentur de Religione, quæ de Constitutionibus Imperii dicuntur, sub cuius legem caderet etiam religio. Ipsius itaque libertatem vel per jocos Ticinensis auctor tueri fingit, vel jus illud in Sacra perperam tribuit Summis Imperantibus. Argumentum est S. Ambrosii ad Imperatorem Valentinianum ita Scribentis = „ Legem enim tuam „ nollem esse supra Dei legem. Dei lex nos docuit „ quid sequamur, humanæ leges hoc docere non possunt. Extorquere solent timidis commutationem. „ Fidem inspirare non possunt. Quis erit igitur ille „ qui cum legat per tot provincias uno momento esse „ mandatum, ut quicumque obviaverit Imperatori, „ feriat gladio... Quis inquam est qui possit vel „ unus vel inter paucos dicere Imperatori: Lex tua „ mihi non probatur? Non permittitur hoc dicere „ Sacerdotibus, permittitur Laicis? Et iudicabit de „ fide qui aut Gratiam sperat, aut metuit offensam „? (3). Non immerito igitur agebat notissimus

C 3-

Gal-

(1) Theod. Rex ad Judæos Genæ. Epist. 27. apud Cassiod. lib. 2. Variar.

(2) Apud Cassiod. ibid. lib. 7. Formul. 27. Honoratis Possessor. & Curial.

(3) Ambros. ad Imperat. Valentin. epist. 13. alias 21.

Gallorum Scriptor Antonius Arnaldus contra Novatorum artes , qui de more Summorum Imperantium potestatem extollunt in rebus Ecclesiæ'. „ Mais un des „ principaux artifices dont les Hérétiques se sont servi contre les Evêques Catholiques , a été de flatter „ les Rois & les Empereurs Chrétiens, en leur représentant qu'ils sont obligés par le zele qu'ils doivent „ avoir pour le service de Dieu & de son Eglise , de „ prendre connoissance des troubles qui s'élevent parmi les Ecclésiastiques, les Prélats & les Fideles touchant la Foi , la Doctrine & les Mysteres de la vraie „ Religion . Ils relevent non seulement la Puissance „ Royale , mais aussi les lumières , l'esprit , la sagesse , & la justice des Rois qu'ils flattent, pour abaisser les Evêques au dessous d'eux . Ils donnent de „ grands éloges à la piété de ces Princes , & en font „ des Saints & des Apôtres , pour les substituer en „ la place des véritables Successeurs des Apôtres „ & des Saints , & ne travaillent que pour leur persuader qu'ils ont & une souveraine autorité , & „ une souveraine & divine intelligence , pour juger des différens des Evêques , & de leurs prétendus excès contre la Doctrine de l'Eglise , & l'innocence de ceux qu'ils ont condamnés „ . (1)

VI. Quare Sancti Patres una voce damnarunt usurpationes quorundam Imperatorum, qui jus aliquod in res , vel personas Ecclesiæ sibi falso tribuerunt , tamquam alienum ab imperiali jurisdictione , atque fines transcendens potestatis humanæ . Deo igitur fideliter servientes non timuerunt Sanctissimi viri, ipsos Christianos Imperatores increpare de violata jurisdictione,
 si

(1) M. Arnaud *Defense de Messieurs les Prelats* , approbateurs du livre de la fréquente Communion Chap. 11. pag. 82.

si quando vel per se, vel per alios aggressi sunt aut causam agere, aut iudicium ferre de rebus ad Ecclesiam aut religionem pertinentibus; quamobrem Imperatores Christiani intra Ecclesiam tantummodo sunt, nunquam vero supra Ecclesiam, vel supra res Ecclesiæ. Audivimus isthic S. Ambrosium eumque rursus audire non pigeat; postea aliorum Patrum luculentissima testimonia referemus. „ Quid enim honorificentius, „ ait S. Doctor, quam ut Imperator Ecclesiæ Filius „ esse dicatur? Quod cum dicitur, sine peccato dicitur, cum gratia dicitur. Imperator enim bonus intra Ecclesiam, non supra Ecclesiam est. Bonus enim Imperator quærit auxilium Ecclesiæ, non refutat. Hæc ut humiliter dicimus, ita constanter exponimus, „ (1). Sed speciatim non generatim loquentem asseramus Ambrosium, ut dum eandem veritatem in genere propugnare non desinamus, argumento insuper, quod dicitur ad hominem, cum Ticinensi congregiamur. Scriptor ille pag. 341. asserit „ Summum „ Imperantem animadvertere jure posse in hæreticos „ inquietos, ac perturbatores publicæ religionis, non „ vero in Pacificos, qui vel domi alienam religionem „ colunt, vel solis rationibus pugnare contenti, nihil „ adversus publicum cultum ac societatem moluntur. His sane Summus Imperans opponere debet „ Magistros, Doctores, Theologos, ut cum iis congregiantur, ac veritatem propugnent. „

VII. Quærere possemus ab illo Scriptore quomodo Hæretici habeantur pacifici, ac dici possint nihil moliri adversus publicum cultum, quando solis rationibus pugnant contra ipsum? Mittimus tamen ne longius habeamus a re proposita. Insuper sub silentio præterimus, doctrinam hujusmodi maximam affinitatem ha-

(1) Amb. cont. Auxen. de Basilic. non tradend. prop. fin.

bere cum illa, quæ a Concilio Constantiensi damnata fuit in 24. ex articulis erutis ex processibus contra Joannem Hus; Scilicet quod *nulla hæresis debet exterminari per potentiam, sed per disputationem in Scholis*: (1) Verum quis nesciat S. Ambrosium reluctanter Valentiniano Augusto, qui cum Auxentio Arianæ hæresis infecto, congregiendum imperaverat in Imperiali suo consistorio? scripsit enim Imperatori = „Nec „quisquam contumacem me judicare debet, cum hoc „adferam, quod Augustæ memoriæ Pater tuus non „solum sermone respondit, sed etiam Legibus suis sanxit: *In causa Fidei vel Ecclesiastici alicujus ordinis, „cum judicare debere qui nec munere impar sit, nec „jure dissimilis*... Ita ergo quadam adulatione curvamus *ut Sacerdotalis juris simus immemores & „quod Deus donavit mihi, hoc ipse aliis putem esse „credendum?* Si docendus est Episcopus a Laico, „quid sequitur? Laicus ergo disputet & Episcopus „audiat, Episcopus discat a Laico... Agitur de istius Ecclesiæ Sacerdote: Si audierit illum populus „& putaverit melius disputare, sequatur ejus fidem &c., (2). Summus igitur Imperans vel supponitur Catholicus, vel Hæreticus. Si primum ergo iudex doctrinæ constituitur; si vero secundum insuper crescit erroris periculum.

VIII. Verumtamen Principes Temporales jure sui principatus eligere si debeant Theologos atque Doctores, qui pugnent contra hæreticos, dicendum erit vel jure nativo suum posse exercere judicium in doctrinam disputatam, eamque deinde proponere populo tanquam regulam Fidei, vel mere passivos habendos esse. Si primum, Ergo Summus Imperans jure proprio

(1) Concil. Lab. Tom. 12. Colum. 132.

(2) Ambr. ad Valentin. Auguf. Epist. 13, alias 21.

prio constituitur iudex doctrinæ, quam Christus Apostolis concedidit; si vero secundum, frustra ergo Imperantes certamina illa præcipiunt. Hinc est quod juxta doctrinam Ticinensis, Imperantes vel necesse est ut eveniant Magistri Ecclesiæ, vel nemini suis certaminibus juvent, quandoquidem ea sunt imperata summa injuria Ecclesiasticæ potestatis, cui doctrina universa a Christo tradita est libere custodienda. Quare facillime evenire potest, ut Summus Imperans cui doctrinæ depositum non est a Christo conceditum, sit erroribus imbutus, ut sæpius accidit maxime Græcis Imperatoribus, vel ut Doctores selecti ad pugnandum cum hæreticis, sint etiam ipsi hæretica labe occulte polluti, ut contigit piissimo Imperatori Constantino in Eusebio Nicomediensi: ac ideo dari potest occasio ut error pejor priore nascatur. Hujus naturæ periculum longe remotius evadit, quando Episcopi nullo modo coarctantur, nec ulla vis opponitur Apostolico Ministerio, quo Divinitus funguntur, quoniam Christus sedere promisit in medio ipsorum. Itaque omnibus antea actis temporibus hæretici, eorumque hæreses eo perniciosiores evaserunt & grassatæ sunt, quo Summi Imperantes, & Magistratus Civiles rebus Ecclesiæ ac disputationibus doctrinæ sese immiscuerunt. Contra vero perierunt vix natæ, vel post breve temporis spatium abierunt in perpetuam oblivionem, quando nullam, partem sumpsere Principes temporales & Civiles Magistratus. Hinc facta est magna differentia, magnumque discrimen inter Hæreses, quæ natæ sunt in tribus prioribus Ecclesiæ sæculis, ethnicis imperantibus, quando post breve tempus extinctæ sunt, neque multos sectatores habuerunt, & illas quæ exoriri cœperunt sub Christianis Imperatoribus. Quanto latius hæreses istæ grassatæ sunt, & quanto diutius!

IX. Sed quid congressus, disputationes, luctasque, atque

atque certamina laudat & proponit Imperatoribus, qui de Tertulliani præscriptionibus gloriatur? Cum scire debuerit Tertullianum ibidem docuisse, Apostolos, non vero Principes Nationibus destinatos esse Doctores, quibus ultro erat obventura doctrina per Spiritum Sanctum (1); & cum Deus Piscatoribus & Publicanis orbem terræ colendum commiserit (2). Quare S. Athanasius docuit fugiendos omnino esse istiusmodi congressus cum Hæreticis, neque attendendum rixis verborum (3). Sanctus vero Augustinus testatur, rectissimam Ecclesiæ disciplinam non esse certaminibus infirmos recipere; quæ omnium hæreticorum regularis temeritas est. Sed in arcem fidei quam maxime recipi infirmos, ut pro eis jam tutissime positis, fortissima ratione pugnetur, ea rectissima est (4). Hinc, Theodoretoteste, deridebant Gentiles Christianam Fidem, asserentes nihil nos aliud quam meram credulitatem insinuare illis, quos divinis rebus imbuendos accipimus. Verum redarguebat ipse Gentiles, eorumque Sapientes quandoquidem apud eos multa semper contentio, magnaque, & implacabilis sit pugna verborum (5). Et revera ita raro contigit, ut si quando auditum sit aliquem Hæreticum sola disputatione superatum, ad partes Ecclesiæ transitum fecisse, portenti simile numeretur. Quoties in Germania principes & Imperatores, maxime vero Carolus Quintus frustra opposuerunt Theologos, ut cum hæreticis congredierentur? Et si antiquiora, exempla desiderantur, quam gloriosam victoriam in Africa de Hæreticis non reportarunt Catholici, & præci-

(1) Tertul. de Præscript. cap. 8. vid. & cap. 9. 10. 11. 12. & 14.

(2) Theodoret. Hæret. Fabul. lib. 1. in Præfat.

(3) Athan. epist. ad Præbyteros Joan. & Antioch.

(4) August. Epist. 46. ad Dioscor.

(5) Theod. Græcar. Affect. Curat. Orat. 2. infr. init. & cir. med. Vid. etiam Prolog.

præcipue Sanctus Augustinus, quin ante leges Imperiales minimus reportaretur fructus? Sed de hoc satis. Ad assertum jus Summorum Imperantium in Sacra redeamus, ut illud insuper expendamus cum aliorum Sanctorum Patrum doctrina, ac tandem intelligat adversarius non inepte, ut ipse nugatur, neque immerito ablegari jus illud ab Imperantibus.

X. Ut igitur assertum jus omnino respuatur, sufficit animadvertere Christi Ecclesiam, illud non solum, nunquam novisse, sed etiam improbatse quotiescumque nonnulli Principes Temporales aliquo modo sibi tribuere conati sunt vel in Sacra, vel etiam in illa quæ exteriorem tantum redolent Ecclesiæ Politiam. Quare suis tantummodo Legibus sese ipsa gubernavit & rexit Ecclesia per tria priora sæcula, quin Imperatores sese miscerent rebus Ecclesiasticis. „ Neque „ Imperatores thuribulum, neque Episcopi gladium „ usurpent (ait hæreticus homo Basnagius). An „ nis pene trecentis, dum Imperatores ethnici re „ rum potiebantur, Ecclesia absque Magistratus cogni „ tione *disciplinam exercebat*, ac Hæreticos & flagi „ tiosos e societate sua ejiciebat. Quin etiam Impe „ ratores Christiani hæresis crimen Ecclesiæ ditioni „ subditum esse voluerunt, nec immerito cum artifi „ cis cujuscumque sit, de materia ad se pertinente „ judicium ferre (1) „. Idcirco Patres non ad puram Historiam id revocarunt, sed habita occasione, docuerunt etiam veluti Ecclesiæ fundamentale principium, super quod sistit juris & libertatis Ecclesiæ systema universum, vi cujus satis superque demonstrant, Ecclesiam propriis legibus peroptime gubernari posse, uti revera sese gubernavit, & etiam nunc in certis regionibus se ipsa gubernat sine ope Imperii. Hinc San-

(1) Basnag. Diss. 4. t. 2. n. 21. p. 499.

Sanctus Augustinus scripsit, „ Non invenitur exemplum
 „ in Evangelicis & Apostolicis litteris, aliquid petitum
 „ a Regibus terræ pro Ecclesia & contra inimicos Ec-
 „ clesiæ. Quis negat non inveniri? „ (1). Osius ve-
 „ ro magnus ille Episcoporum Pater sic loquebatur ad
 „ Constantium Imperatorem, qui cum jura læderet &
 „ libertatem Ecclesiæ, Arianis patrocinebatur, ac insuper
 „ veluti Canonum defensorem se esse gloriabatur. „ De-
 „ sine quæso & memineris te mortalem esse, reformida
 „ diem judicii, serva te in illam diem purum, *ne te*
 „ *misceas Ecclesiasticis*, neque nobis in hoc genere
 „ præcipe, sed potius ea a nobis disce. Tibi Deus
 „ Imperium tradidit, nobis Ecclesiastica concedidit.
 „ Ac quemadmodum qui tibi Imperium subripit, Deo
 „ ordinanti repugnat, ita metue ne si te ad Ecclesiasti-
 „ ca pertrahas, magni criminis reus fias = (2).

XI. Non secus ab Osiro loquutus est Sanctus Atha-
 nassius contra eundem Imperatorem, „ . Aut cur, cum
 „ se Ecclesiasticum Canonem curæ habere prætextit,
 „ omnia contra Canonem facit? Ubi enim ille canon
 „ est ut e Palatio mittatur, qui Episcopus futurus
 „ est? Aut quod genus Canonis, quo licitum est mi-
 „ litibus Ecclesias invadere aut Comites? Et qui nul-
 „ la ratione utuntur, Spadones Ecclesiis dominari: aut
 „ edicto judicium eorum, qui nomine tenus Episcopi
 „ sunt, promulgare? (3) Et inferius subdit =. Quis
 „ enim videns eum (Constantium) in decernendo
 „ Principem se facere Episcoporum, & præsidere
 „ judiciis Ecclesiasticis, non merito dicat illum, eam-
 „ ipsam abominationem desolationis esse, quæ a Da-
 „ „ niele

(1) August. ad Vincent. Rogatiss. Epist. 48. alias 84. num. 93.
 infr. init.

(2) Epist. Osi ad Constant. Imp. apud Athan. epist. ad Solitar.

(3) Athan. Epist. ibid. cit. post illam Osi.

„ nicle prædicta est „ (1)? Athanasium sequutus est
 Hilarius, qui ad eundem Imperatorem scripsit „ Pro-
 „ videat ac decernat Clementia tua, ut omnes, ubi-
 „ que iudices, quibus Provinciarum administrationes
 „ creditæ sunt, ad quos *sola cura & sollicitudo publi-*
 „ *corum negotiorum pertinere debet*, a religiosa se ob-
 „ servantia abstineant. Neque posthac præsumant,
 „ atque usurpent, & putent se causas cognoscere Cle-
 „ ricorum „ (2). Sulpicius autem Severus nefas esse
 putabat causas Ecclesiæ ad sæculi iudicem revocare.
 Loquens enim S. Doctor de Monachis Ægyptiis, ac-
 cusatis de hæresi Origeniana, ait „ Cum hæc atque alia
 „ istiusmodi ab Episcopis proderentur, ex studiis par-
 „ tium orta est seditio. Quæ cum reprimi Sacerdo-
 „ tum auctoritate non posset, *sævo exemplo ad regen-*
 „ *dam Ecclesiæ disciplinam Præfectus assumitur*, cu-
 „ jus terrore dispersi fratres, ac per diversas oras
 „ Monachi sunt fugati, ita ut propositis edictis in nulla
 „ consistere sede sinerentur „ (3). Alibi autem scri-
 bit de Priscilliano ac de Episcopis Idacio atque Itha-
 cio „ Priscillianus vero ne ab Episcopis audiretur,
 „ ad Principem provocavit; *permissumque id nostro-*
 „ *rum inconstantia*, qui aut sententiam in refragan-
 „ tem ferre debuerant, aut si ipsi suspecti habebantur,
 „ aliis Episcopis audientiam reservare, *non causam*
 „ *Imperatori de tam manifestis criminibus permittere*.
 „ Ita omnes quos causa involuerat *ad Regem reducti*,
 „ secuti etiam accusatores. Idacius & Ithacius Epi-
 „ scopi: quorum studium in expugnandis Hæreticis
 „ non reprehenderem, si non studio vincendi plus
 „ quam oportuit certassent. Ac mea quidem senten-
 „ tia est, mihi tam reos, quam accusatores displice-
 „ re... Tum Martinus apud Treveros constitutus,

„ non-

(1) Athan. ibid. prop. fig. (2) Hilar. Epist. ad Const. Augus.

(3) Sulp. Sever. Dialog. 1. de Virg. Monach. Orient.

„ non desinebat increpare Ithacium ut ab accusatione
 „ desisteret: Maximum (Imperatorem) orare, ut san-
 „ guine infelicium (Priscilliani & sociorum ejus) ab-
 „ stineret: satis superque sufficere, ut episcopali sen-
 „ tentia hæretici judicati, Ecclesiis pellerentur. No-
 „ vum esse & inauditum nefas *ut caussam Ecclesiæ Ju-
 „ dex sæculi judicaret* „ (1).

XII. Præterea Donatistę ut Catholicos invidia cu-
 mularent, ipsos de habito recursum ad Imperatorem,
 Constantinum accusabant dicentes „ *Quid Christianis*
 „ *cum regibus? Aut quid Episcopis cum Palatio* „ ?
 Doctrinæ hujusmodi assentitur S. Optatus Milevitanus,
 sed falsæ non assentitur historiæ. Itaque respondit
 Parmeniano = „ Si Nota est nosse Reges, vos tota per-
 „ fundit invidia. Nam Majores vëstri Imperatorem
 „ Constantinum rogaverunt. Constantinus vero cum
 „ magno livore rejecit preces dicens = *Petitis a me*
 „ *judicium in sæculo, cum ego ipse Christi judicium*
 „ *expectem* „ . Et cum Donatistæ judicio Miltiadis
 Papæ essent de falsitate convicti, Cæcilianus vero ab-
 solutus, ac ideo factiosi illi cum appellationem inter-
 posuissent, Constantinus exclamavit iratus = *O rabida*
furoris audacia: sicut in causis Gentilium fieri solet,
appellationem interposuerunt (2). Doctrinam eandem
 prosequutus est S. Joannes Damascenus, qui summa
 constantia resistit Leoni Isaurico Imperatori Iconocla-
 stas foventi; Inquit enim „ Imperatoris edicto obtem-
 „ perari non permittemus, Patrum consuetudinem
 „ evertere conantis; neque enim Religiosorum fue-
 „ rit Imperatorum Ecclesiasticas convellere Sanctio-
 „ nes (3). *Nam penes Imperatores potestas non est,*
 „ *ut*

(1) Sulp. Sev. Sacr. Hist. lib. 2. in fin.

(2) Optat. Milev. cont. Farmen. lib. 1.

(3) Joan. Damasc. Comment. ad Testim. Patr. post prim. Orat.
 de Imaginibus.

„ *ut Ecclesiis leges sanciant* (1) . Attende enim quid
 „ dicat Apostolus . Quosdam quidem posuit Deus in
 „ Ecclesia , primum Apostolos , secundo Prophetas ,
 „ tertio Pastores & Doctores ad perfectionem Eccle-
 „ siæ , *non adjecit Imperatores* (2) „ . Quæ cum ita
 „ sint concludebat Sanctissimus ille vir . „ Tibi parebi-
 „ mus , o Imperator , in iis quæ ad hujus sæculi ne-
 „ gotia pertinent . . . Verum ad res Ecclesiæ statuen-
 „ das , Pastores habemus qui nobis verbum loquuntur ,
 „ atque Ecclesiastica instituta tradiderunt „ (3) .

XIII. Quamobrem Galliarum Episcopi , dum jus
 illud a Ticinensi Scriptore tributum Imperantibus ne-
 gant , nonnisi per derivationem ab ipsa Ecclesia , speciem
 jurisdictionis repetunt , quam aliquando exercent in
 res , quæ sunt potestatis Ecclesiasticæ . In sexto . enim
 Parisiensi concilio congregati loquuntur ad Ludovi-
 cum Pium Augustum „ Principes sæculi nonnumquam
 „ *intra Ecclesiam potestatis adeptæ culmina tenent* , ut
 „ per eandem potestatem disciplinam Ecclesiasticam
 „ muniant . Ceterum *intra Ecclesiam potestates neces-*
 „ *sariæ non essent* , nisi ut quod non prævalet sacerdos
 „ efficere per doctrinæ sermonem , potestas hoc im-
 „ peret per disciplinæ terrorem . Sæpe per regnum
 „ terrenum , cæleste regnum proficit , ut qui intra Ec-
 „ clesiam positi , contra Fidem & disciplinam Eccle-
 „ siæ agunt , rigore Principum conterantur , ipsamque
 „ disciplinam , quam Ecclesiæ utilitas exercere non
 „ prævalet , *cervicibus superborum Potestas Principalis*
 „ *imponat* Est & aliud in Christiana Religione
 „ magna administratione dignum , eo quod leges hu-
 „ manæ , quæ plerumque peccare volentibus , terrorem
 „ potius , quam Christi præcepta incutiunt , majore
 „ rem

(1) Idem. de Imag. Orat. 2.

(2) Ad Corinth. ep. 1. c. 12.

(3) Damasc. Orat. 2. cit. paul. infer.

„ rem vim quam divinæ habere videantur &c., (1) .

XIV. Non dissimili firmitate posterioris ævi episcopi ejusdem regni se gesserunt cum Carolo Sexto Francorum Rege , cui post objectam auctoritatem Ambrosii , ac insuper exempla Caroli magni , Caroli Calvi , Roberti , ac Sancti Ludovici , libere dixerunt = *Sed nonnisi cum vita jubemur libertatem Ecclesiasticam relinquere indefensam, nec pro trasitoria pace mundi perdere sempiternam* (2) . Profecto ibidem non agebatur præcipue , nisi de obtinenda exemptione , & libertate subsidii quadraginta solidorum supra qualibet , ut vulgo vocatur , *cauda vini* de novo impositi . Auctoritas autem Ambrosii , qua utebantur Gallicani Patres , excerpta est ex ejus epistola ad Marcellinam Sororem superius a nobis laudata , & est hujusmodi , „ Convenior „ ipse a Comitibus & tribunis , ut Basilicæ fieret matura traditio , dicentibus Imperatorem *jure suo uti* , „ cõ quod in potestate ejus essent omnia . Respondi si a „ me peteret quod mecum esset , id est fundum meum , „ argentum meum , quidvis hujusmodi meum , me non „ refragaturum , quamquam omnia quæ mea sunt , essent „ Pauperum ; verum ea quæ Divina , Imperatoriæ potestati non esse subjecta , „ Et paullo post subdit . „ Allegatur Imperatori licere omnia , ipsius esse universa . Respondeo . Noli te gravare Imperator , ut putes te in ea , quæ Divina sunt , *Imperiale aliquod jus habere* . Noli te extollere , sed *si vis diutius imperare , esto Deo subditus* , scriptum est ; quæ Dei Deo , quæ Cæsaris Cæsari ; *Ad Imperatorem palatia pertinent , ad Sacerdotem Ecclesiæ . Publicorum tibi mercedium jus commissum est , non Sacrorum* , (3) .

XV. Super

(1) Concil. VI. Parisiens. lib. 2. c. 2. & 7. Concil. Galliæ Tom. 2. pag. 526. edit. Paris. 1629.

(2) Episcopi Eccles. Gallic. epist. ad Carol. VI. Concil. Lab. tom. 12. col. 306.

(3) Amb. ad Mar. Sor. epist. 14.

XV. Superius diximus , maxime vero cum Auguſtino , Eccleſiam ad ſeiſſam regendam, ſuis pollere legibus , ſuiſque prærogativis, quibus ad modum regni , Reique publicæ bene conſtitutæ , Chriſtus Divina ſua virtute , & omnipotentia fundatam voluit, ac proinde eam non indigere auxilio Imperii, ut ſe ſuoſque gubernet; quemadmodum non indiguit ut naſceretur & creſceret. Oritur enim atque protenditur Eccleſia nemine auxiliante niſi Deo, atque invitis etiam omnibus Mundanis poteſtatibus . Quare per tria priora ſæcula ut diximus nullam imploravit opem a Regibus , & contra Ethnicorum furorem, contra malos filios, contra rebelles hæreticos atque Schiſmaticos, non adhibuit niſi vim ſuam, quæ nunquam magis claruit, quam ſub ipſis perſecutoribus. Et revera vex invenitur exemplum in tertio Eccleſiæ ſæculo contra Paulum Samofatenum , eam adhibuiſſe temporalia media , quæ ab Imperatoribus impendi poterant, ab iſſque mutuari . Frequentiora habentur exempla poſt Conſtantinum , cujus opera Imperium cum ad Eccleſiam tranſierit, Imperatores Chriſtiani *ont conclu* (inquiunt quidam celeberrimi Galliarum ſcriptores) *qu' ils étoient en droit , & même en obligation de publier leur loix executoriales des Canons de l' Eglise , les quelles ſerviroient d' une maniere plus autentique a maintenir ſon unité* (1). Quomodo ergo Summus Imperans, qui, Ambroſio iudice , neque jus habet in ſacra mœnia templorum, poteſt illud habere in Univerſam Eccleſiæ diſciplinam, in Sacros ritus & Cærimonias eccleſiaſticas, in totum hominem exteriorem, in ſacra etiam ; ac inſuper hæc omnia , ſi fides haberetur Ticinenſi , ratione ſui principatus , non autem jure

D

dele-

(1) Præfat. edit. Patrum Oratorii præmiſſa ad opus poſtum . Thomassin. cui Titulus eſt : *Traité des Edits & des autres moyens dont on ſ' eſt ſervi pour maintenir l' unité de l' Eglise Catholique* .

delegato ab ipsa Ecclesia, ex quo *Christianus est, ejus advocatus, protector & defensor*, uti merito gloriabatur esse Imperator Sigismundus in medio Constantiensi Concilio? (1) Et quis vere Christianus quin credat ejusmodi scriptori, non potius fidem præstet Ambrosio, *magno illi veri doctore, in optimis noto Orbi terræ, qui teste Augustino, saluberrime docebat salutem?* (2)

XVI. Quæ cum ita sint latissime quidem patet ex Evangelio, atque communi Sanctorum patrum doctrina, Religionem nequaquam Societati subesse, aut Civilibus Potestatibus, quæ Societatem gubernant, sed contra Societatem Christianorum subesse Religioni, a qua Societas perficitur atque dependet. Vel si omnino Scriptor ille contendat Religionem Societati subesse, dicendum insuper erit a Societate ita pendere, ut non alia religio sit admittenda, quam Religionis spectrum, seu falsa illa Religio, quæ dicitur *Politica*, seu potius *Civica*, aut *Poetica* Ethnicorum more, de qua uti suo loco videbimus, docte loquuti sunt Lactantius & Augustinus. Quare argumenta seu potius Sophismata, quibus utitur Ticinensis ad religionem universam subigendam Civilibus Potestatibus, donari aliquo modo possent viro caufidico, sed omnino improbari debent non tantum in homine Christiano atque in Catholico Sacerdote, qui Augustini Discipulum esse vellet, sed etiam in graviore Philosopho, qui non vitiis hominum, sed rerum Divinarum humanarumque natura omnia metitur.

C A.

(1) Concil. Lab. tom. 12. fol. 113. & 120.

(2) August. Confess. lib. 5. cap. 13. & lib. 6. cap. 2.

*De ea quæ apud Ethnicos dicebatur Religio, ac de
vario ordine ac dignitate ipsius.*

I. **T**icinenſis Auctor ut ad propoſitum ſibi finem
deveniret, ut ſcilicet probare videretur Reli-
gionem generatim ſumptam ad Summum Imperantem
Jure principatus pertinere, aſſeruit, „ Hinc apud Gen-
„ tes omnes commiſſa Regibus cura fuit religionis at-
„ que Sacrorum. Reges ſane cum apud Græcos, tum
„ apud Romanos divini cultus procurationem habe-
„ bant Nam Summus Imperans erat omnium ſa-
„ crorum, ac religionum judex & præſes, eum Romæ
„ Pontificem Maximum reſtitiutum a populo fuiſſe in
„ Comitibus. Quam appellationem retinere poſtea vo-
„ luerunt Imperatores, ut facilius ipſi univerſas reli-
„ giones & ſacra in ſua haberent manu, „ (1) Hæc
quanquam imperite dicta, tamen omittere utique poſ-
ſem, niſi auctor ille protraheret ad eam, quæ unice ve-
ra eſt religio Chriſtiana, cui falſitatem Hiſtoriæ totis
viribus nititur accommodare, ut apud indoctos, impe-
ritosque falſitatem dogmatum eruat. Verum aſſertio
perit æque ac accommodatio. In primis enim miror,
ſcriptorem illum non meminiffe docere Apoſtolum,
noſtrum non eſſe judicare de Infidelibus, iſſque omni-
bus qui ſunt extra Eccleſiam (2). Quamobrem habue-
rit nec ne Summus Imperans pleniffimam juridiſtione-
nem in ea, quæ ſacra dicebantur apud Gentes, nihil
omnino refert. Ex hoc enim concludere minime licet
eamdem habere apud Chriſtianos. Equidem Ticinen-
ſis, qui de magno Auguſtino gloriatur (utinam meri-
to) ignoravit vel ignoraffe fingit, quamlibet falſam re-
ligio-

D 2

(1) Cap. 14. ſ. 4. pag. 309.

(2) 1. Ad Corinth. c. 5, v. 12.

ligionem nonnisi improprie & abusive religionem vocari, eamque revera non esse nisi adinventionem humanam, humanamque institutionem, quæ nullam a Deo habere potest originem, quæque igitur subjacere utique debet Societati, Civilibusque Potestatibus:

II. „ *Quæ cum ita sint*, ait S. Doctor, *neque in*
 „ *confusione Paganorum, neque in purgamentis Hære-*
 „ *ticorum, neque in languore Schismaticorum, neque*
 „ *in cæcitate Judæorum quærenda est religio*, sed apud
 „ eos solos qui Christiani, Catholici vel Orthodo-
 „ xi nominantur: integritatis custodes, & recta-
 „ sectantes. Hæc enim Ecclesia Catholica, per to-
 „ tum orbem, valide lateque diffusa, omnibus erran-
 „ tibus utitur ad profectus suos & eorum corre-
 „ ctionem, cum evigilare voluerint (1). Quare
 Sanctus Augustinus, post Ethnicorum illum Ponti-
 ficem Scævola, qui sapientissimus habebatur, re-
 ctissime docet Gentium religionem triplicis generis
 esse; a Poetis, a Philosophis, & ab Imperantibus, nun-
 quam vero a Deo. „ Primum genus nugatorium dicit
 „ esse, quod multa de Diis fingantur indigna: secun-
 „ dum non congruere Civitatibus, quod habeat aliqua
 „ supervacua, aliqua etiam quæ obstit populis nosse.
 „ De supervacuis non magna causa est. Solet enim &
 „ a viris peritis dici: superflua non nocent. Quæ sunt
 „ autem illa, quæ prolata in multitudine nocent? Hæc,
 „ inquit, non esse Deos Herculem, Æsculapium, Ca-
 „ storem, Pollucem. Proditur enim a doctis, quod
 „ homines fuerint, & humana conditione defecerint.
 „ Quid aliud, quam quod eorum, qui sunt Dii non
 „ habeant Civitates vera Simulacra: quod verus Deus
 „ nec sexum habeat, nec ætatem, nec definita Corpo-
 „ ris membra? Hæc Pontifex nosse populos non vult,
 „ nam

(1) Aug. De ver. Relig. sub init.

„ nam falsa esse non putat . Expedire igitur existimat
 „ falli in religione Civitates . (1)

III. Ex his ergo patet latissime, non aliam religionem
 neque aliam Theologiam inter gentes adhibitam usuque
 habitam viguisse, quam poeticam & Civilem. Itaque mi-
 rum non est, si apud ipsas interdum religio ad Summum
 Imperantem pertineret . Civiles enim Magistratus ma-
 gnopere formidabant religionem, quæ a philosophis
 tradebatur ; quæ licet non æque irrationalis esset ac re-
 liquæ, cum Civili tamen & Politico eorum statu magis
 pugnare solebat . Hinc omnibus satis superque comper-
 tum est, Romanos proceres aut Epicureos fuisse, Deos-
 que omnino tollere, aut multitudinis causa posuisse
 nomine tenus ; & de omnibus ad religionem pertinen-
 tibus dubitasse . (2) Idem non immerito potest affirma-
 ri de Græcis . Quare sapientissime docuit Firminianus
 Lactantius, Ethnicorum religionem, cum tota sita es-
 set in ritibus adhibendis pro externo Deorum cultu,
 morum non fuisse magistram, neque ipsorum Sacerdo-
 tes rectæ sanctæque vitæ extitisse doctores . Sola phi-
 losophia, quæ vulgarem Ethnicorum religionem mini-
 me redolebat, morum disciplinam apud ipsos comple-
 cebatur, cuius interpretes erant Philosophi, qui
 contrario de sacris Deorum ritibus nihil differebant .
 Hinc ratio liquet cur apud Ethnicos, mores, morum-
 que regulæ a cuiuslibet hominis arbitrio penderent,
 religio vero non sic . Ipsa enim cum esset non civis
 unius vel alterius, sed Civitatis, Reipublicæ, vel Impe-
 rii, ad Civitatem, Rempublicam, vel Imperium spe-
 ctabat . Sed ipsum audiamus Lactantium .

IV. „ Deorum cultus (ait ipse), ut in priore libro
 „ docui, non habet sapientiam ; non modo quia Di-
 „ vinum animal hominem terrenis, fragilibusque sub-

D 3

„ sternit ;

(1) August. De Civit. Dei lib. 4. c. 27.

(2) Cicero de Nat. Deor.

sternit; sed quia nihil ibi differitur, quod proficiat
 ad mores excolendos, vitamque formandam; nec ha-
 bet inquisitionem aliquam veritatis, sed tantummodo
 ritum colendi; qui non officio mentis, sed ministerio
 corporis constat. Et ideo non est illa religio ve-
 ra iudicanda; quia nullis iustitiæ, virtutisque præ-
 ceptis erudit, efficitque meliores. Itaque Philoso-
 phia, quia in illis religionem; id est, summam pie-
 tatem non habet, non est vera sapientia; (1). Hinc
 Augustinus, Non sit nobis (inquit) religio in
 Phantasmatibus nostris. Melius est enim quaecun-
 que verum, quam omne quidquid pro arbitrio fingi
 potest, (2) Itaque Religio Ethnicorum; superstitio
 scilicet, quæ ipsi ducebantur, quomodocumque cir-
 cumspiciatur, vel Poeticam consideres, vel Civicam,
 vel Philosophicam, exteriori hominem tantummodo
 respicit, non interiorem. Non enim in conscientia in-
 est, neque dici potest a Deo hominibus datam, ut eo-
 rum formarentur mores, ut Deum colerent in Spiri-
 tu, & veritate; ut denique ad ultimum finem ipsi du-
 cerentur. Quare ipse Augustinus animadvertit, homi-
 num velus prudentium & sapientium negotium fuisse,
 populum & religionibus fallere; & in eo ipso non solum
 colere sed imitari etiam Demones, quibus maxima est
 fallendi cupiditas. (3)

V. Quæ vero magis erat in usu apud Gentes, civica
 scilicet Religio; ideam tantum præferret quarundam
 passionum, quæ inter homines in Societate positos ini-
 tæ conspiciebantur, ut sese mutuis officiis prosequen-
 rentur. Itaque immerito vocabatur Religio, quæ hu-
 mana tantum auctoritate pollebat, non autem Divina.
 Quid ergo Scriptor Ticinensis fabulatur de Gentilibus
 eorum-

(1) Laët. Firm. Divin. Instit. lib. 4. de vera Sapient. c. 3.

(2) Aug. de ver. Relig. prop. fin.

(3) August. de Civ. Dei lib. 4. c. 32.

eorumque religione? Quid de Græcis, quid de Romanis, quid de aliis antiquioribus populis? Etenim Græci, Romani, & Ægyptii qui inter antiquas Ethnicorum Nationes celeberrimi extiterunt, suos habebant Sacerdotes, quibus tota Religio demandata erat; quique Myſteriorum ſuorum tantam curam habebant, ut Summos Régés & Imperatores, vix ſacris iſdem initiare dignarentur, quique præ ipſis Regibus habebantur. Ægyptii enim, ut optime obſervat Pierius Valerianus *quamvis Regem ſuum tanto cultu & obedientia proſequerentur, ſupra Regem tamen, qui Meroem incolabant, Memphitici Sacerdotes habebant.* (1) *Quare Ægyptii Sacerdotes ſuos nobilitatis gratia papyraceis calceis inſignibant, neque eos iis ex alia quapiam materia contextos ferre licebat* (2). Inſuper rectiſſime animadvertit idem auctor non Sacerdotium penes Ægyptiorum Reges, ſed penes Sacerdotes Imperium ipſorum extitiſſe (3). Ita ut quamquam minime repugnet Sacerdotem Regem ſimul eſſe, & Regem aliquando Sacerdotem, repugnat tamen præſertim apud Chriſtianos, Sacerdotium Regi ſubſeſſe, vel à Rege pendere. Nam Chriſtus non fundavit Eccleſiam ut Imperio terreno ſerviret, ſed regna conſtituit Deus ut ſervirent Eccleſiæ.

VI. Apud Græcos autem & Romanos, omnes Dii Deæque ſubs habebant Sacerdotes, qui ſacris præerant, ſacrificia peragebant, & univerſam religionem adminiſtrabant (4). *Plures autem Deorum omnium, ait Cicerò, ſinguli ſingulorum Sacerdotes, & reſpondendi ju-*

D 4

ris

(1) Pier. Valer. Hieroglyphica, ſeu de Ægypt. Sacris lib. 20. Artic. Moſs. Vid. etiam Rollin. Miſt. antiq. Tom. 1. ubi de Ægyptiis.

(2) Pier. ibid. lib. 57. artic. Sacerdotium.

(3) Idem. ibid. lib. 24. art. Sacerdotium ſacroſanctum.

(4) Vid. Natalis Comit. Mythologia lib. 1. cap. 8. & 10. lib. 2. 3. & 4. paſſim.

ris & confitendarum religionum facultatem afferant (1). Inter Romanos vigeat præsertim jus quod Pontificium dicebatur; quamobrem Pontificum *jus erat dicere de rebus sacris*, & Religione, atque inter eorum decreta hoc maxime quærebatur quid sacrum, quid sanctum, quid religiosum (2). Itaque Cicero hoc exordium fecit orationis pro Domo sua ad Pontifices =

„ Cum multa *Divinitus* Pontifices a Majoribus No-

„ stris inventa atque instituta sunt, tum nihil præcla-

„ rius quam quod vos eosdem & Religionibus Deo-

„ rum Immortalium & Summæ Reipublicæ præesse

„ voluerunt, ut amplissimi & Clarissimi Cives rem-

„ publicam bene gerendo, Pontifices Religionis sa-

„ pienter interpretando Rempublicam conservarent. „

Neque officit quod in Comitibus eligerentur Pontifices, nam post ipsorum inaugurationem, plus quam humana auctoritate dignitateque insigniri, & divinitus eligi putabantur a Romanis, ac ideo *Antistites Deorum Immortalium* vulgo dicebantur (3); rursusque Religionem a Diis quasi traditam Sacerdotibus suis Romani tuebantur (4). Itaque Tullius docuit, „ In ipsa autem

„ communitate sunt gradus officiorum, ex quibus,

„ quod cuique præstet, intelligi possit; ut *prima Diis*

„ Immortalibus, secunda patriæ, tertia parenti-

„ bus &c. „ (5) Ex quibus patet Tullium putasse sublimiorem quandam Religionem, non a Patria, ac ideo non a Societate, neque a Summo Imperante, sed a Diis Immortalibus pendere.

VII. Sed

(1) Cic. de Leg. lib. 2.

(2) Vid. Macrobi. Saturnal. lib. 3. c. 3. Aul. Gall. Noct. Attic. lib. 10. c. 15.

(3) Cic. Orat. pro Domo sua.

(4) Cic. de Legib. lib. 2. Vid. etiam Sigon. de antiq. jure Rom. lib. 1. cap. 19. de Sacerdot.

(5) Cic. de off. lib. 1. cap. 46.

VII. Sed præter Romanos, Græcos & Ægyptios, qui ceteris nationibus longe cultiores erant, etiam Gentes quæ magis barbaræ existimabantur, suos habebant Sacerdotes, ad quos *privative* tota Religio pertinebat. Sic apud Gallos antiquos, omnesque Celticæ Nationes Druidæ erant; (1) inter Persas celebriores sunt Magi; inter Indos Gymnophisistæ seu Brachmanes; apud Sinenses Bonzi, & apud alias Nationes alii habebantur Sacerdotes, quibus tota religio erat omnino concredita: ex quarum universali consensu patet ad Civiles magistratus jus inspiciendi in Sacra Religionis nunquam pertinuisse. Siquidem apud Gentes omnes per Orbem universum dispersas, quæ religionis veritatisque leviora conspiciuntur vestigia, indicant profecto communem ab exordio mundi originem habuisse, quam apud Judæos tantum in sua integritate manserint usque ad Christum; apud Christianos vero perduratura sint usque ad finem mundi.

VIII. Attamen si adversarius adhuc tuendo sua, manus victas dare noluerit in hac disputationis parte, est quod Magistratus Civiles apud Ethnicos plenissimo jure inspicerent in Religionem. Quid ad nos? Num comparanda erit cum hominum adinventis superstitionibus illa unice Religio vera, quam Deus ob infinitam suam Misericordiam erga genus humanum certis hominibus revelavit, dedit, auxit, concredidit; eamque ab Judæis ad Christianos transferens, donat ipse, ut credant, & opere credendo perficiant? Num de falso Deorum Cultu idem judicium ferendum est, ac de cultu quem Deo vivo & vero præstat Christianorum Ecclesia? Quid refert apud Romanos, extincta republica, Summos Imperantes, ut omnia jura, potestatemque Civilem sibi veluti centro conjungerent ac vindi-

(1) Vid. Discours, sur la relig. des Gaul du Pere de Longueval.

vindicarent, suam dominationem exercuisse etiam in ea, quæ sacra habebantur ab ipsis; cum rerum omnium Dominus Deus Ecclesiam fundaverit, ipsique dederit Religionis Ministros, quibus docuit morum scientiam; & sacra mysteria consistit, eo sublimiore ordine, ut quemadmodum Sacerdotes in Civilibus subditi permanerent Imperio; ita Imperium & Summi Imperantes in rebus ad Religionem pertinentibus Sacerdotibus subicerentur? Num ex moribus Ethnicorum erui potest regula juris dicendi in Sacra Christianorum, aut inde concludi veritatem illius falsissimæ propositionis, *Publicam scilicet Religionem generatim sumptam*, maxime vero, *quoad publicam doctrinam quoad caerimonias ritusque*, ad Summum Imperantem eo pertinere, *ut ejus sit illam statuere communibus suffragiis*? Hinc Bossuetus ait, Nempe Druidæ, Augures & Extispices non erant
 „ divino numine constituti; tam falsi Sacerdotes, quam
 „ falsa erant numina, quibus serviebant, Civitatum
 „ ac Principum auctoritate jus eorum invaluit. Quis
 „ autem dubitat partem aliquam publicæ potestatis in
 „ eos lege lata conferri potuisse, cum etiam legamus
 „ in quibusdam civitatibus cum Sacerdotio Regnum
 „ fuisse institutum, ? (1)

IX, Ergo Propositionem illam quemadmodum falsissimam esse patet ex hucusque dictis, ita etiam ex eo quod Religio generatim sumpta vel supponitur respicere hominem (ut ipse nascitur) solitarium, agrestem; a Societate omnino alienum, & qualibet Divina Revelatione destitutum; vel in ea Societate positum, cui minime innotescat Revelationis gratia, & cui desit quodlibet supernaturale auxilium ad veram cognoscendam religionem. In utraque hypothesi, religio quæ *civica* non sit, politico scilicet regimini accommodata

(1) Bossuet, *Défens. Cler.*, Gallic. part. 2, lib. 5, cap. 4.

modata, potius in cuiusque manet arbitrio, quam sub-
sit Imperantibus. Etenim in utraque hypothesi rege-
rentur homines vel sola Philosophia, vel Poetarum,
fabulis, quæ omnia pendere a legibus Societatis, &
Summorum Imperantium absurdum est affirmare. In-
super mitto Scriptoris Ticinensis doctrinam aptissimam
esse ad firmandum statum illum, quem dicunt *pura
naturæ*, quemque licet sæpius respuere affectet, per-
spicuum tamen est facta ejus cum dictis discrepare.

X. Si vero loquatur de illa, quæ Civica dicebatur
religio, superius diximus eam non excedere potestatem
humanam, quamobrem Civilium legum naturam mi-
nime excedit, & nonnisi callide religio vocaretur, ut cla-
rissimis rebus tenebræ obducerentur. Quare non ineptè,
neque immerito, uti scriptor ille nugatur, ab Impe-
rante ablegatur jus in sacra, plenissimum vero assentia-
mur habere, si velit, in ea quæ sacra non sunt, sed
sacrilega, atque superstitiosa hominum inventa. Ex hoc
oriri similiter arbitramur jus Principum Catholicorum,
animadvertendi in Hæreticos ab Ecclesia damnatos, in
falsas sectas, in templa Sacrilega, & generatim in om-
nia quæ non a Deo, sed ab hominibus sunt, quæque in
exteriorem & publicam actionem profluunt. Ex hujus-
modi principio manant ergo leges Imperatorum contra
Hæreticos, & ipsorum conventicula, maxime vero
Constantini, Theodosii, Gratiani, Marciani aliorum-
que, qui post latas ab Ecclesia leges, suosque Canones,
etiam ipsi Hæreticos damnarunt. Ex quo mos argui-
tur in Ecclesia, contra quem nihil valent philosophan-
tium quærelæ. Sed de hoc alibi. Nunc transire opor-
tet ad Judæorum religionem, qua Ticinensis abutitur
immodice ad suos tuendos errores. Sit ergo.

*De Religione Judæorum ac de nullo jure Imperantium
in ipsorum Sacra.*

1. **I**N Superiori capite quemadmodum Ticinensem vidimus aberrantem a veritate, vel doctrinam respicias vel historiam, ubi de Gentium religione differit; ita in presenti videbimus de Judæorum Religione eo perniciosiora proponere, quo majori fiducia tradere prima fronte videtur, quasi certissima eruerit ex sacris libris Veteris Testamenti. Ait enim pag. 311.

„ Summus igitur Imperans in Hæbraica republica omnia tum civilia, tum sacra gerebat per eos, quos eidem præfecerat, scilicet vel per judices vel per Reges, qui propterea & leges interpretabantur, & quæstiones de Sacris dirimebant, & Deum consulebant, & sacris præerant Ministris. Politicis quidem Sacrorum Moderatoribus etiam Sacerdotes adjunxit; atque his quædam munera reservavit, cujusmodi erant aram adolere, victimas offerre &c. Sed publicum divini cultus regimen, ac judicium de rebus ad religionem pertinentibus ad politicum ita pertinuit, ut una munerum Sacerdotalium executio Sacerdotibus reservata fuisset. Hæc sacerdotalium munerum distinctio umbra, ac typus erat novi Sacerdotii instituendi per Christum &c. pag. 312.

„ Quis unquam vidit magis confusa & inordinata! Nititur probare auctor ille, Summum Imperantem in Hebræorum republica, ratione sui principatus, jus habuisse non tantum in Politicis, verum etiam in Religiosis, leges interpretandi, quæstiones de sacris dirimendi, Deum consulendi, & sacris præsidendi Ministris. Verum ut ad propositum deveniat cum Theocratica reipublicæ forma, in qua præter Deum nemo est, qui Summus Imperans dici possit, ea confundit

fundit, quæ, naturalium rerum ordine servato, de Monarchia, de Aristocratia, vel de Democratia dici solent, quæque ex humana institutione proveniunt.

II. Quis enim in Thocratia negare posset *Summum Imperantem Deum*, qui præter naturalium rerum ordinem, proprio ministerio Judaicum populum in omnibus tam Sacris, quam politicis gubernavit & rexit jus habuisse in religionem, & in sacra ipsius? Verum argumenta pereunt statim ac pro Summo Imperante ponitur non Deus, sed ut idem scriptor paullo ante definiverat, *aliqua persona vel singularis, vel moralis, in quam Cives jura transtulerint, ac curam administrandæ totius societatis*. pag. 305. Theocratia igitur durante apud Hebræos, absque veritatis detrimento dicere quisque posset, Deum ita omnium rerum curam & gubernationem sibi reservasse: ut una executio hominibus fuerit demandata, verum nonnisi mendacissime eadem affirmarentur ubi, non considerata Theocratia, sermo esset de regiminis forma, vel politica vel religiosa, quæ juxta communem rerum ordinem, & vulgarem loquendi modum est hominibus concedita, & ab hominibus ministratur. Quare callide (ut saltem apparet) Antithesis illa ponitur pag. 312. = *Judicium de rebus ad religionem pertinentibus ad politicos (Moderatores) ita pertinuit, ut una munerum Sacerdotilium executio sacerdotibus reservata fuisset*. Callidissime vero munera veteris Sacerdotii, & jura ipsius cum Sacerdotio Christiano ibidem copulantur.

III. Nos ergo concedimus sacerdotium veteris Testamenti figuram seu Typum extitisse illius sublimioris ordinis Sacerdotii, quod a Christo in novo fœdere institutum est; sed jura utriusque ex Divina institutione eo sunt ampliora, quo sublimiorem ordinem redolent, qui Politicum antecellit, quique solus, politicarum rerum moderatoribus omnino exclusus, universam reli-

religionem regit atque ministrat. De Sacerdotio Christiano, ejusque plenissimo jure in Sacra religionis superius differuimus, Cap. 1. hujus Tractatus; superest ergo ut ea expendamus in hoc, quæ ad Judæorum Sacerdotium pertinent, veluti a Deo institutore firmata pro Sacerdotibus, iisque Divinitus concedita, ablegatis ipsorum Regibus atque Principibus. His enim neque in Politicis unquam licuit apud Hebræos, rem alicujus momenti peragere absque Sacerdotibus; contra vero Sacerdotes omnia libere peragebant, quæ ad religionem spectabant, inconsultis Regibus, & magistratibus Civilibus. Clarissima est ordinatio Divina super hoc in Persona Aaronis, qui primus omnium Sacerdos est constitutus. Nam post datam curam Tabernaculi, & Sacrificiorum, eorumque omnium, quæ respiciebant Sanctuarium, Dixit quoque Dominus ad

„ Aaron. Vinum & omne quod inebriare potest, non
 „ bibetis, tu & Filii tui, quando intratis in Taberna-
 „ culum Testimonii, ne moriamini: quia præceptum
 „ sempiternum est in generationes vestras. Et ut ha-
 „ beatis scientiam discernendi inter sanctum & profa-
 „ num, inter pollutum & mundum: doceatisque fi-
 „ liis Israel omnia legitima mea, quæ loquutus est Do-
 „ minus ad eos per manum Moyfi (1).

IV. Sed non hæc tantum concedidit Deus sacerdotibus veteris Testamenti. Voluit enim ut omnia etiam Civilia judicarent una cum Magistratibus (2), & ad verbum eorum omne negotium, & quidquid mundum vel immundum est judicetur (3). „ Sacerdotes au-
 „ tem & Levitæ filii Sadoc qui custodierunt cæremonias Sanctuarii mei Ipsi ingredientur Sanctuarium meum, & ipsi accedent ad mensam meam, ut

„ mini-

(1) Levit. cap. 10. v. 8 — 11.

(2) Deuter. cap. 19. v. 16. & seq.

(3) Deuter. cap. 21. v. 5.

„ ministrent mihi, & custodiant cæremonias meas ...
 „ Et populum meum docebunt, quid sit inter sanctum
 „ & pollutum, & inter mundum & immundum osten-
 „ dent eis. *Et cum fuerit controversia*, stabunt in ju-
 „ diciis meis, & judicabunt : leges meas, & præcepta
 „ mea in omnibus solemnitatibus meis custodient, &
 „ Sabbata mea sanctificabunt (1) „. Denique neminem
 latet, Deum ipsum elegisse tribum Levi, quæ per alias
 omnes Tribus dispersa erat, ut ubique rebus sacris &
 religiosis præsideret, eamque honoribus cumulasse,
 Deum, ac sæpe sæpius iterasse mandata, ut populus iis-
 dem honoribus eam prosequeretur. Quare Sanctus
 Hieronymus inquit „ Et in veteri quidem lege qui-
 „ cumque Sacerdotibus non obtemperasset, aut extra
 „ castra positus lapidabatur a populo: aut gladio cervi-
 „ ce subjecta, contemptum expiabat cruore. Nunc
 „ vero inobediens, spirituali mucrone truncatur: aut
 „ ejectus de Ecclesia, rabido Dæmonum ore discerpi-
 „ tur (2) „.

V. Itaque eruditissimus Pater Calmet scriptum re-
 liquit „ Ipsi pariter Regi, inconsultis Summo Sacerdo-
 „ te & Senatu, nihil agere fas erat.... Summo Sacer-
 „ doti potissimum incumbere leges factas tectas ser-
 „ vare, dijudicare de controversiis, atque reos senten-
 „ tia damnatos punire; quicumque Sacerdoti parere
 „ recusasset, in eum tanquam læsæ majestatis Divinæ
 „ ultimo supplicio animadvertetur „ (3) Sed cla-
 rius forsitan loquutus est alibi cum scripserit „ Omnia
 „ ferme Israhelis tribunalia a Sacerdotibus tenebantur,
 „ qui ad præscriptam mosaicarum legum normam jus
 „ popu-

(1) Ezech. c. 44. v. 15. 16. & 24.

(2) Hier. ad Heliod. de Laud. Vit. Solit. Int. famil. lib. 2. cap. 6.

(3) Calmet Differ. de Politia sive ratione juris dicendi apud Hebræos & potissimum de Sanhedrio.

„ populo dicebant, sed potissimum æque ac nobilissi-
 „ mum ipsorum munus illud sine controversia haben-
 „ dum est, quod ministerium altaris, *populi institu-*
 „ *tio, ac studium legis* ad Sacerdotes unice spectaret ...
 „ Amplissimis his privilegiis muneribusque tanta Sum-
 „ mo Sacerdoti auctoritas conciliabatur, ut ne ipsi
 „ quidem Regi plurimum concederet (1), . Calmeto
 consonat Clar. Pater Bernardus Lamyus, & quotquot
 de rebus Hebræorum scripsere (2). Hinc Sanctus Op-
 tatus Milevitanus ait, *Consortes fuisse Judæorum Sacer-*
dotes, ac Reges, quos singulos unctos *ab hominibus*
constat (3). Ex quibus omnibus, aliisque quæ brevi-
 tatis gratia præterire opus est, manifeste evincimus
 contra scriptorem illum, veteris Testamenti Sacerdotes
 sua legatione fungi immediate a Deo, non vero a Poli-
 tica Potestate, nec unam *Sacerdotalium munus executionem*,
 verum etiam supremum iudicium ipsis fuisse
 Divinitus reservatum.

VI. Verum quidem est apud Judæos, mutato regi-
 mine Politico, & cum perventum est ad Reges, mul-
 ta pro suo arbitrio ipsos illicite aliquando fecisse, etiam
 circa Religionem. Sed in primis observandum est Re-
 ges datos fuisse Judæis potius in pœnam, quam in sub-
 sidium; & ideo Regum prevaricationes, & violentias
 Divinitus fuisse prædictas, uti fusius Divina monet
 Historia (4). Attamen qui antiquitates Judaicas vel a
 llimine salutavit, minime ignorat, Summorum Sacerdo-
 tum auctoritatem usque ad Assomonæorum regnum
 plurimum viguisse: sed cum respublica Hebræorum
 properaret ad finem propter Messiaæ adventum, tum
 maxi-

(1) Calmet. Dissert. de ordine & Success. Summor. Sacerd.
 apud Judæos.

(2) Lamy. Appar. Bibl. lib. 1. c. 8. 9. 11. 12. passim.

(3) Optat. Milev. cont. Parm. lib. 4. prop. fin.

(4) 1. Reg. cap. 8. per. tot.

maxime fuisse imminutam, atquo interdum cum suprema Reipublicę dignitate sociatam. Sed hoc non probat regimen Ecclesię Judaicę vel Christianę a Civili Potestate ullo modo pendere, sed tantummodo ostendit Ecclesię regimen, & regimen Imperii non inter se repugnare, ut in eadem persona nequeant optime copulari. Melchisedech enim, cujus Sacerdotium figura, erat Sacerdotii Christiani, fuit simul Rex Salem, & Altissimi Sacerdos (1). Sic Moyse, sic Eli, sic Samuel, sic Machabęi. Pręterea Christus quamquam humilis advenerit in forma servi, tamen princeps Regum terrę appellatur (2), qui fecit nos (Apostolos) regnum & Sacerdotes Deo & Patri suo, ac ipse de se testatus est = Data est mihi omnis potestas in cęlo & in terra (3). Verum non ita se res habuit de Mągno Herode qui, ut ait idem Calmet, *e re sua judicavit, si a Sacerdote, eadem familia amota, arbitriam & ad nutum Principis conferendam (Summi Sacerdotis) dignitatem pręstaret* (4). Hinc Sulpicius Severus egregie dixit, „ *dei per Sacerdotes suos regebantur, patrioque ritu* „ *vivebant, donec plerique eorum longa rursus pace* „ *corrupti, miscere omnia seditionibus, & turbare cę-* „ *perunt, affectantes summum Sacerdotium libidine,* „ *avaritia, & dominandi cupidine* (5).

(1) Gen. cap. 14. v. 18.

(2) Apocal. c. 1. v. 5, & 6.

(3) Matth. cap. 28. v. 18.

(4) Calmet ubi supra.

(5) Sulp. Sev. Sac. Hif. lib. 2. circa medium.

De duplici Christianorum obedientia & subiectione.

I. **S**uperius diximus Legislativas Potestates duas esse, Civilem scilicet & Ecclesiasticam; utramque a Deo Creatore vel Redemptore manare. Inde procedunt etiam duplicis generis officia, & duplex obedientia, quam Christiani tenentur præstare potestatibus sublimioribus, quibus subditi sunt. Utraque officia inter se optime conveniunt, sed quæ Dei sunt Creatoris auctoritate pendere dicuntur, quæ vero Redemptoris ab auctoritate. Illa ergo licet ratione originis priora videantur in ordine, & ampliorem habere provinciam, quandoquidem omnes tangunt homines, etiamsi neque Judæi sint, neque Christiani, quibus præsertim facta est revelatio; itemque prius nobis occurrit Deus creator quam Redemptor: in usu tamen & ratione finis, propter quem hominibus in primis & ante omnia data est religio, & Divina facta est Revelatio, longe angustiores habent limites, quam quæ ab auctoritate profluere dicuntur; itaque evadunt posteriora, & rationem præcedit auctoritas, ut cum Augustino superius diximus. Rarissima quidem sunt quæ demonstrationem, præferunt, & propter humanæ rationis imbecillitatem, & propter quorundam hominum malitiam, qui ut incautos rudesque depiciant, etiam rebus clarissimis tenebras obducunt.

II. Verumtamen Ticinensis auctor cum velit universam religionem circa omne id, quod extrinsecus habet, pertinere ad Imperium, affirmat leges & definitiones Ecclesiæ, posse aliquando omnem vigorem non habere obligandi conscientias fidelium, nisi prius cooptentur in leges etiam Civiles, atque transeant in leges Imperii. Exemplum vero affert Gallorum Regum, qui nunquam precibus Romanorum Pontificum & Episcopo-

scoporum regni putarunt assentiendum, ut Synodus Tridentina in legem regni cooptaretur., Aliud, (inquit) hujusmodi moderationis Ecclesiasticę exemplum asseram, antequam e Galliarum regno discendam. Post celebratam Synodum Tridentinam, Reges, ac Principes Catholici ipsius decreta in ditionibus suis promulgarunt, suaque auctoritate ac legis sanctione firmarunt. Reges Galliarum, ac Magistratus quibusdam de causis jam satis perspectis, id efficere noluerunt, quamvis ut id facerent, sæpenumero consiliis, monitis, precibus excitati fuerint a Pontificibus Romanis, ac vel ab ipso Clero Gallicano.... At nunquid minus Catholici Reges, Magistratus, populi que Galliarum? An ne cum iis actum est ab Ecclesia, perinde ac essent publici peccatores, excommunicati, rebelles? Nihil minus (1).,,

III. Quid interest hoc? Quum præter nonnulla ad disciplinam spectantia, non minus apud Gallos, quam apud ceteros Catholicos, Synodus Tridentina habitæ sit œcumenica, & vigorem semper habuerit habeatque firmissimum? Etenim non est nisi mendacium atque calumnia in Gallos dicere, ab ipsis Concilium Tridentinum non adhuc esse receptum, quod in suis Comitibus sæpe universi Episcopi receperunt. Legi possunt Canones, quos aliud agendo præscripsit Bossuetus, & apertissimè quisque videbit acceptationem illam, de qua Ticinensis loquitur, nihil ut ita dicam, ponere in esse quoad obligationem., „ Car 1. on n'a pas besoin d'acceptation particulier des choses où l'on ne fait que rentrer dans le droit commun : 2. Il suffiroit pour fair casser les Privileges en tant que contraires au Concile de Trentes, que le Pape eût approuvé ce Concile où il sont été révoqués., „ Et paullo superius

E 2

rius

(1) Cap. 8. §. 14. p. 151. & seq.

rius dixerat,, on voit encor par tout cela que la discipline établie par le Concile de Trente, n'étoit pas nouvelle; puisqu'il ne fait, que reprendre & executer ce qui avoit été réglé dans le Concile de Vienne (2) ,, . Ast si Ticinensis, vel quis alius plura desiderat super hoc, videat Acta illius Tribunalis, quod apud Gallos vocatur = *Cambre Ecclesiastique* aux Etats generaux de 1614. & 1615. dans le Séance du 29. Novembre pag. 122.,, atque uberius patebit quidquid ad publicationem spectat Conclii Tridentini in Ecclesia & in regno Galliarum. Præsertim vero legat quod in Mercurio Galliæ Præsidents Mironius super rem hujusmodi Episcopis respondit. Nobis satis erit pauca transcribere, ut auctor Ticinensis desinat aliquando nobis objicere res Galliarum, quas perperam jactat. ,, L'exemple du premier Concile rapporté aux Actes des Apôtres, nous donne une assurance entière que l'Assemblée des Conciles est la voix du Saint-Esprit; puisque Saint Pierre prononce, *Visum est Spiritui Sancto & nobis*. Ce n'est à nous qui sommes Laïcs d'entrer en connoissance de cause pour ce sujet, nous contentant d'en apprendre les résolutions par la bouche de nos Pasteurs, auxquels nous adhérons très-religieusement. Mais nous les supplions de considérer qu'il est inouï que jamais on ait procédé en ce Royaume à aucune promulgation de Concile, combien que œcuménique; il n'y en a aucun dans les Registres du Parlement ni ailleurs. Aussi la vraie publication des Conciles git en l'observance & exécution d'iceux, comme pour exemple, il se pratique beaucoup de choses du Concile de Trente parmi nous, sans que pour cela il nous soit

,, néces-

(1) Bossuet Changem. de discipline & moderation des esemptions par les conciles de Vienne & de Trente Remarques §. 1. & 3.

„ nécessaire d'en exprimer le nom , n' étant ni Tren-
 „ te , ni Constance , ni Basle qui aient fait les Conci-
 „ les ; mais les résolutions des Peres qui y ont été as-
 „ semblés , (1) . His igitur positis , num debuisset Ec-
 „ clesia propter civiles tantum actus negatos , habere Gal-
 „ lorum Reges Christianissimos , piissimosque , eorumque
 „ magistratus tanquam publicos peccatores , rebelles , &
 „ excommunicatos ? An moderatio iudiciis elucet , fulgetque
 „ in non damnando homine iusto , vel in absolvendo qui
 „ absolutione non eget ? Etenim quot leges Ecclesiæ non
 „ transeunt ad publicam legem Imperii , & e contra quot
 „ leges Imperii non cooptantur in leges Ecclesiæ ? Quin
 „ cessent utræque pro modulo suo obligare Civium Chri-
 „ stianorumque conscientias ; & quin Ecclesia & impe-
 „ rium ad invicem separentur ? Verum generatim loquen-
 „ do quamvis pia mater Ecclesia non semper legum ri-
 „ gorem adhibeat in errantes & peccatores , tamen ex
 „ illius moderatione Scriptori Ticinensi non licet argu-
 „ mentari quod minus peccent .

IV. Ecclesia , uti jam diximus , suam habet jurisdic-
 „ tionem in homines , non uti Cives , sed uti Christianos ;
 „ contra vero Imperium in quantum imperium est ,
 „ Christianos non respicit , sed Cives . Hinc est quod
 „ Civilis potestas prohibet , ac punit furta , homicidia ,
 „ adulteria , & alia similia , non quatenus peccata sunt
 „ contra legem Dei , uti facit Ecclesia , sed quatenus pec-
 „ cata sunt contra jura Societatis , atque conturbant Ci-
 „ vilem Politiam . Verum , uti docet etiam Sanctus Au-
 „ gustinus , lex quæ regendis Civitatibus fertur , multa
 „ concedit , atque impunita relinquit , quæ per Divinam
 „ providentiam vindicantur (2) . Ecclesia vero non item .
 „ Ipsa enim cum non offerat Deo , nisi hostias puras &

(1) *Mercure François* , an. 1614. pag. 120.

(2) *August. epist. ad Vinc. Rogatiss.*

immaculatas, cupit nullum peccatum impunitum relinquere, propterea quod Sponsa Christi fidelis perditas per peccatum Oves studet reperire, & medicinali pœnitentia mundare, ut in pristinam Dei gratiam reducat. Ceterum Religio cum minetur æternam pœnam, atque æterna præmia promittat, quibus vel allciuntur homines vel terrentur, non adhibet easdem leges pœnales, quibus utitur Civilis potestas contra peccantes. Non enim Ecclesia æque ac Imperium peccatores inimicos considerat, sed pia mater corripit tanquam filios ut resipiscant, ne revera inimici fiant. Quamobrem ipsius potestas potius ordinata est ad corrigendum, quam ad eradicandum; neque eradicatur nisi qui eradicari cupit.

V. Atqui non omnia quæ peccata sunt contra religionem, sunt etiam peccata contra Societatem, sed e contrario quoties peccatur in societatem, peccatur etiam in religionem. Nam Christiana religio, quæ præcipue tendit ad perfectissimam societatem componendam, præcipit ne jura societatis ullo modo violentur, ut quisque propter conscientiam subditus sit sublimioribus potestatibus, eisque obediat, tanquam Deo, in omnibus quæ statum civilis societatis respiciunt. Hinc patet religionem, quæ sola Divina ordinatione firmatur, legibus Imperii minime roborari; imperium autem legibus religionis & Ecclesiæ ita solidari, ut inde nexus Divini suboriantur, non tantum inter Ecclesiam & Imperium, sed etiam inter Principem & subditum, inter Summum Imperantem & singulos homines, qui societatem componunt, quibus Divinitus imperatur una Charitas, & anima una. Quare Christiana Religio, cum sit veræ obedientiæ, fidelitatis & subjectionis fundamentum, jura Societatis & Principatus non solum non lædit, sed firmat; & nexibus æternis non tantum hominum inter homines societatem devincit, sed

sed etiam subditorum inter Principes obsequium stringit ac obedientiam.

VI. Igitur ubi concedamus quod nemo negare potest, Christianam Religionem docere Summorum Imperantium auctoritatem a Deo ipso profluere; iisque propterea obediendum tanquam Deo, statim intelligimus eorundem solium in Deo ipso niti, non autem in fragili humanæ potentie fulcro, non in eo qui vulgo appellatur socialis contractus, neque in mutabili voluntate populorum, qui suis cupiditatibus continuo ducuntur in varia. Atque inde patet validiores etiam profluere nexus Ecclesiam inter & Imperium, hujus robur & soliditatem, atque mutua inter utramque potestatem officia. Quamobrem Imperantes cum a religione Christiana, hoc est a Deo ipsius auctore, donata magna pro se suoque imperio percipiant, uti homines sunt, debent ipsi religionem perdiscere, non autem docere, ac tenentur eam diligere, atque actu perficere quæ ab eadem præcipiuntur. Quatenus vero *Christiani sunt Reges* (ajebat enim Rex Ariannus) *tanto Divinitati plurima debent, quanto a cæteris mortalibus majora susceperunt* (1). Et Clarissimus Galliarum Episcopus ajebat „ Le seul remede assuré „ pour sauver cet Etat, est d'appaiser l'ire de Dieu, „ en apportant une réformation en tous les Ordres; „ en quoi il faut commencer par celui de l'Eglise, a „ fin d'assurer la Religion, & par conséquent l'Etat „ du quel elle est aux Royaumes ce que le premier „ mobile est aux Cieux, ce que l'ame est au corps, „ & la forme à la matiere : & tout ainsi que les éléments, bien que contraires en soi, se maintiennent „ ensemble par les influences du Ciel, ainsi les divers „ esprits des hommes se conservent, & s'entretiennent

„ E 4

„ les

(1) Athalaric. apud Cassiod. Variar. lib. 3. epist. 24.

„ les uns avec les autres par le moyen de la Religion ;
 „ lien principal de la société humaine , & qui oblige
 „ plus que toute autre chose les sujets à la crainte, res-
 „ pect & révérence qu' ils doivent à leur Prince , &
 „ les Prince a l' amour vers ses sujets . „ (1)

VII. Deus quippe qui religionis gratiam hominibus donavit, ut sanctam perficeret societatem , in primis & ante omnia ad suam respexit gloriam , atque fini hujusmodi debent sese principes conformare . Ergo quidquid auctoritate valent ac potentia apud reliquos homines , adhibere debent ad religionem propagandam , & ejusdem honorem promovendum . Quælibet falsa religio aut superstitio, æque ac cætera hominum adinventata , non valent hominem facere meliorem , neque societatem , quamobrem semel sauciata hominum natura protoparentis peccato , non a viribus atque potentia hominum ; sed a voluntate Dei benefaciente , & a gratia Christi Salvatoris expectanda est medicina . Hinc est quod nulla falsa religio potest Imperantium folium firmare , quandoquidem non valet homines Deo conjungere sed avertere ; neque vim habet subditos reddendi fideiiores principibus propter conscientiam . Imperantes ergo ubi religionem Christianam protegent, ejusque ministros gratia & favore prosequuntur , propria gerunt negotia , siquidem officiorum cognitionem prædicant erga semetipsos , Divinæ legis amorem ingenerant ; ac denique eo fortiori vinculo subditos sibi devinciunt, quo perfectior evadit societas cui præsumt , & quo majori sollicitudine Divinæ legi obtemperatur . Igitur ex eo ipso amore, quo Imperantes societatem prosequuntur , munera profluunt , quibus onerantur erga ipsam , quibusque tenentur quærere quod sit justum , quod rectum , & quod una sit magis utile homi-

(1) Pericard Evêque d' Avranches dans sa Remontrance à la Reine Régente. *Recueil des Remontr.* pag. 295.

hominibus quibus Imperant; ac denique religionem quæ vera sit patrocinari atque tueri: & hinc vera benevolentia, qua, Tullio etiam teste, fulcitur Imperium.

VIII. Verum quidem est singulos homines blandiri sibi de veritate religionis, quam quisque profitetur; sed quemadmodum veritatis, & credibilitatis notas certissimas una Christiana, quæ Catholicorum est religio, suppeditat, ita ea sola est, per quam Imperantes Catholici ceteros principes antecellunt. Communia quippe sunt singulis Principibus ea, quæ magnifice Regale solium exterius circumdant, neque differunt jura Principatus, sed ab aliorum principum electione longe distat principum Catholicorum electio, quæ Divinitus facit Ecclesiæ Christi patronos, suæ religionis vindices, regiminis aliquo modo socios atque consortes, & Divinæ æconomix participes, qua Providentiâ Divina Ecclesiam regere atque ad finem perducere statuit. Quare Catholicorum obsequium erga Imperantes, tanta excellentia & sinceritate præcellit, quanto gloriosiores fiunt Catholici Principes, & securiores Ecclesiæ patrocinio.

IX. Ex hoc factum est in Imperio Romano, ut Magnus Constantinus statim ac Christianæ religionis veritatem novit & professus est, legibus etiam Imperii fulciendam esse putavit Christianorum Ecclesiam, eorumque cultum, & Evangelii prædicationem. Idem fecerunt ceteri Romanorum Imperatores, qui virtutibus inelyti, etiam bellica laude facti sunt clariores. Sic v.g. Theodosius, Marcianus, Valentinianus, Gratianus, Basilus, alique. Sic postea Principes regesque Francorum, Clodoveus, Carolus Martellus, Pipinus, Carolus magnus, Ludovicus pius, Sanctus Aloysius, alique permulti. Sic inter Hispanos Ricaredus, Alphonsus, Ferdinandus; inter Britannos Ethelbertus,

tus, Eduinus, Osuardus; apud Danios Haraldus qui baptismate expiatus, ad Christi fidem regnum universum pellexit; apud Suevos Biornus; inter Bulgaros Bogoris; inter Germanos Otho I. cognomento magnus, qui maxime de Sclavorum conversione est optime meritus; inter Polonos Dux Micislas; apud Russos Walodimerius; apud Hungaros Stephanus sanctitate conspicuus; atque inter ejusmodi, aliasque nationes Reges alii, alique pene innumeri Principes, qui cum Christo aggregaverint sese, barbaras etiam nationes Christianorum sacris felici exitu initiandas curarunt, Evangelii suavitate mansuefacere, societatem firmare, & regali folio arctius devincire.

X. Sola Ecclesia potestatem habet suos eligendi ministros, & mittendi operarios in vineam Domini, qui soli Ecclesie rationem reddere tenentur de villicatione sua. Qui ergo ejusmodi ministrorum ordinationibus resistit, Ecclesie resistit; qui eos non audit, Ecclesiam non audit, & factus est quasi infidelis, vel etiam infideli deterior. Attamen Ecclesia, ut Ecclesia est, suis ministris nequit conferre civiles honores, & qui dicuntur gradus Imperii, nisi consentiat societas, aut Summus Imperans, qui jura societatis tuetur & vices gerit. Ecclesia sibi sufficit, Divino auxilio suffulta, ad tradendas atque fandiendas leges pro sua tuenda religione & disciplina, & pro sacris moderandis ritibus ad Divinum cultum, quin tuta conscientia Christiani possint ejus non obedire mandatis. Attamen potest etiam vires aliquando impetrare ab imperio ad quosdam protervos edomandos, qui magis ducuntur formidine pænæ, quam virtutis amore. Similiter lex Imperii, ut jam diximus, transire potest in legem Ecclesie, ut aliqua ratione evadat fiatque religionis negotium, quod prima fronte ad statum civilis societatis pertinere tantummodo videbatur; atque inde nascitur in re una utri-
que

que, potestati duplex obedientia, Civilis & Ecclesiastica. Patet ergo homines eo fieri obedientiores, & perfectiores, quo nexus inter Imperium & Ecclesiam validiores fiunt, & quo humaniora vicissim ab utraque potestate sibi adhibentur officia.

XI. Multa gerit Ecclesia, non quatenus Ecclesia est, sed quatenus secum habet Imperium, sibi que favet; & e contra multa gerunt Imperantes non ratione sui principatus, sed jure acquisito ab Ecclesia, & quatenus ea probantur & firmantur ab ipsa. Utriusque potestatis jura sive originalia sive acquisita, difficile non est deprehendere, ubi non ducantur homines libidine dominandi, sed Spiritu Charitatis, pacis amore & publicæ tranquillitatis. Tria priora sæcula luculentissimum nobis reliquerunt exemplum, distinctionis & Separationis unius potestatis ab altera; quando sola Ecclesia erat in Imperio, non autem Imperium erat in Ecclesia. Tempora vero Constantini quando inter utramque potestatem mirabile factum est consortium, imitanda proponunt exempla quemadmodum distinctionis unius potestatis ab altera, ita & concordie & mutue unionis inter ipsas. Hinc Clarissimus Galliarum scriptor ait =, S'il est un moment précis ou on
 „ puisse montrer & les bornes immuables, & l'accord salutaire des deux Puissances distinctes & réunies; c'est celui de la paix naissante de l'Eglise. On
 „ ne peut accuser les Evêques jusques là si humiliés, si persecutes, d'avoir étendu leur droit, ni soupçonner les Empereurs alors dans toutes leur puissance
 „ & leur éclat d'avoir méconnu les leurs. Jamais l'Eglise ne montra plus noblement sa vraie juridiction; jamais les Princes ne furent plus puissans, plus indépendans; jamais l'harmonie ne fut plus intime, plus mutuelle. Precieux temps, digne d'être le modèle
 „ des tous les siècles. Sans doute le Pape & les Evêques

„ qués pouvoient (sans aucun appui temporel) con-
 „ damner Arius. Mais pour former une assemblée des
 „ tous les Prelats de l'Empire, pour fournir aux frais
 „ immenses de cette assemblée, pour en faire accepter
 „ les reglemens, la puissance du Prince étoit neces-
 „ faire. C'est ce que fit Constantin sans se mêler en
 „ rien du spirituel, sans gêner le suffrages, ni meme
 „ y' joindre le sien, il se borna a donner a ce saint con-
 „ cile sa protection temporelle, & à en appuyer les
 „ decisions „ (1) .

XII. Ubi ergo est jus illud convocandi concilia, quod Imperantibus tribuit profuse Scriptor Ticinensis? Si in Imperio fundatur, ergo Ethnicorum imperantes æque ac Imperantes Christiani jus haberent Ecclesiæ res cognoscendi, itemque decernendi quæ opus essent vel non essent eidem. Præterea opus esset ut indefinenter unum imperium extensione sua coæquaret Ecclesiam, ac per universum orbem protenderetur: vel saltem Ecclesia ex maxima sui parte finibus unius Imperii coarctaretur. Si statum politicum Civilis Societatis consideres, omnes nationes ex se ipsis integrum corpus constituunt, quod a nemine pendet, nisi a suo Imperante. Non ita se res habet de unico statu totius Ecclesiæ, intra quam subingrediuntur omnes nationes. Una est enim Ecclesia per totum orbem diffusa; ac ideo caput & principem postulat qui jure in sacra & Ecclesiastica mundum universum comprehendat. Unus Henricus Octavus Angliæ Rex delirando asseruit, Britannicum populum integrum corpus efficere quoad utrumque statum, Civilem & Ecclesiasticum; quamobrem super vano isto larvata doctrine principio usurpata sua jura nitebantur. Itaque sese dicere ausus est caput Angelorum Ecclesiæ.

XIII. Ve-

(1) L'abbé Gauchat, lettre 138, Vid. & epist. 130. & seq.

XIII. Verum enimvero Catholici Principes suaducti pietate ac zelo, honoribus cumularunt Ecclesiam & religionis ministros, iisque dederunt in populos Civilem quamdam auctoritatem, per quam facilius possent religionem propagare. Justissimum enim visum est illis ejusmodi privilegia conferre ad populi salutem, & ad magis magisque reipublicę tranquillitatem firmandam. Interest equidem ut qui pro societate sunt omnino occupati, certis etiam gaudeant prærogativis, quibus etiam civiliter videantur præcellere, atque eminere. Sic ante legem scriptam, hoc est; in lege naturæ quidam viri eminuerunt, qui præ cæteris omnibus religioni simul & societati præfuerunt. Verum si Ecclesia, ut Ecclesia est, jus non habet in Civilia, quomodo Imperium jus habere potest in Sacra? Principes qui Ecclesię jura sibi vindicarunt, vel potius aggressi sunt res Ecclesię, ut plurimum facto contenti, de jure minime curarunt. Sed ait laudatus Galliarum scriptor.

„ Ils usoient de voies de fait, sans vouloir enprouver
 „ en regle la legitimité, & regarder comme l'apanage
 „ du thrône le droit de pronocer sur la foi. Cet exem-
 „ ple unique, l'Angleterre nous le montre. Si jamais
 „ on vit une confusion horrible des deux Puissances,
 „ ou plutôt une usurpation inouie de la Puissance spi-
 „ rituelle ce fut dans Henric VIII. ec. „ (1)

XIV. Verum superbam usurpationem istiusmodi postremis temporibus ad systema revocare tentarunt quidam Lutherani scriptores, quorum doctrinam maxima ex parte in præsentiarum amplexi sunt nonnulli Summorum Imperantium assentatores, qui de Catholica Religione glorientur, etiamsi longe abeant a Catholica veritate (2). Nam præter assertiones, quas qui-

(1) Lettre 149.

(2) Vid. Lettere amichevoli al Sig. Abate Vincenzo Befozzi lettera 5.

quidem perniciosissimas vidimus, principia insuper ponunt, quibus Anglicanum Religionis monstruosum systema componitur. Quare jura omnia, si jura dici possunt, Christianorum Imperantium in res Ecclesiasticas & Sacras juxta Gallorum mentem ad hæc reducuntur: dicuntur enim „Protecteurs de la Religion „ & des Ministres, titre tres-glorieux & tres-étendu, mais qui ne leur donnoit que le droit des Consantin, des Charle Magne, celui d'appuyer de leurs loix le culte, les décisions de l'Eglise, les fondations & les privilèges du ministère, celui de chasser & de punir les perturbateurs de la Religion „ (1). Alibi vero addit „Appuyer les décisions de l'Eglise, en protéger les loix & les Conciles, faire fleurir son culte, honorer ses Ministres, maintenir les privilèges dont il les a décorés ec., (2). In his, & in omnibus aliis, quibus vel cum Imperio legislatore convenit Ecclesia, vel cum Ecclesia convenit Imperium, tenentur homines utrique potestati obedire, cum nemini liceat resistere potestatibus, quæ hominibus præsumunt. Attamen utraque potestas gaudet pro modulo suo vi legislativa obligandi Christianos ad obediendum, sine ope & extrinseco auxilio alterius; Civilis in rebus politicis civitatis vel imperii, Ecclesiastica vero in iis, quæ Religionem respiciunt, cultum scilicet vel interiorem vel exteriorem, quem tenemur præstare Deo. In rebus vero, quæ *mixtæ* vulgò appellantur, cum utraque potestas jus habeat pro sua portione ferendi leges, hinc ne turbæ unquam excitentur, collusiones & querelæ, necessaria est concordia inter utramque potestatem, studium pacis & mutua officia. Sed notanda est differentia; nam officia inde-

(1) Gauch. lettre 143. cit.

(2) Idem let. 146. Vid. Bossuet locis super cit.

indefinenter ab Ecclesia exhibentur Imperio ; quamvis extrinsecus non profluant cum nova lege : propterea quod ex principio intrinseco suæ religionis, indefinenter docet obedientiam erga Imperantes . Contra vero officia , quæ Imperium præstare solet Ecclesiæ non habentur nisi sint nova lege firmata , quæ in publicum prodeat .

XV. „ Quæres igitur cum Bossueto quid intersit
 „ Sacerdotalem inter & Civilem potestatem , si utraque
 „ que est a Deo . Multum per omnem modum . Primo
 „ quia Sacerdotalis potestas in Lege & in Evangelio
 „ a Deo ipso præsentem , atque conspicuo fuerit instituta :
 „ Civile autem Imperium , quamquam suo modo a Deo
 „ vel inditum , vel institutum , haud par præsentia
 „ Divinæ Majestatis , tum Sacerdotalis principatus
 „ forma & regimen expresse sunt a Deo instituta ; civile
 „ imperium generatim tantum traditum , hominum
 „ arbitrio forma relicta est , sive illa Monarchia ,
 „ sive Aristocratia , sive popularis esset . At verum
 „ quidem Sacerdotium illiusque potestatis legitima
 „ administratio cum vera religione conjuncta est ;
 „ imperia vero legitima , & apud infideles vigent . Denique
 „ Ritus consecrandi Sacerdotes omnino Divinus ,
 „ atque inter sacramenta a Deo instituta numerantur ,
 „ valetque interventu proprio & expresso Divini
 „ numinis , ac spiritus ; at Regum consecratio neque
 „ a Deo est universim instituta , neque huic officio
 „ absolute necessaria , sive ut agunt essentialis est ,
 „ quas , ut in re clara leviter attigisse &c. (1) .

(1) Bossuet Defens. Cler. Gallic. Par. 2. lib. 5. cap. 3.

CAPUT VII.

De invicta constantia & firmitate Ecclesie pro qualibet veritate revelata tuenda; ubi expenditur quæ sit mens Augustini de curandis & de vitandis hæreticis, & nonnulla delibantur, quæ Tribunal Inquisitionis respiciunt.

I. **I**N capite primo hujus Tractatus ubi de vera egimus religione universaliter considerata, ostendimus ipsam semel a Deo datam hominibus, nulla creata vi posse turbari, temporum, regnorumque vicissitudines non timere, tandem esse omnino immutabilem. Ergo quibus tota Divinitus concredita est religio, eam Divina quadam vi præditam esse credendum est, qua religionem tueri valeat contra nefarios diaboli ac filiorum ejus conatus. Ideo legimus iterum iterumque in Evangelio promissionem de fide nunquam defectura, primum a Christo factam esse Petro, qui universa Patrum traditione docente, vivit adhuc in Successoribus, quique *totius Ecclesie*, ut ait Augustinus, *pene ubique solus meruit gestare personam* (1). Quare *soliditas illius Fidei, quæ in Apostolorum Principe est laudata perpetua est* (2). Præterea omnibus simul Apostolis dixit, euntes ergo per universum mundum prædicate Evangelium, & omnem creaturam docete: ecce enim vobiscum sum usque ad consummationem sæculi. Hinc patet latissime cuique credenti, omnia quæ sunt Religionis, invariabili, constantique, æternoque ordine regenda esse atque gubernanda. Per Apostolos ergo, qui post Christum ecclesias fundarunt,

(1) Augustin. Serm. 295. alias de Divers. 108. c. 2. 3. & 7.
Vid. Sermones seq.

(2) Leo Pap. Serm. 2. in Anniv. suæ Assumpt.

runt, iisque totam doctrinam a Christo habitam cum suo sanguine tradidere, tota Divinarum Revelationum Massa, in universam transivit Ecclesiam, quæ super unam Petri Cathedram fundatam discimus (1), quæque sistit super fundamentum Apostolorum, & Prophetarum, & super angulari lapide Christo Jesu (2); unde columna & firmamentum veritatis divinitus est appellata (3).

II. „Itaque Christi Ecclesia, ut aiebat S. Pacianus, „est non habens maculam, neque rugam, hoc est hæ- „reses non habens Ceterum peccator & pœnitens „non est Ecclesiæ macula: quia quandiu peccat, & „non pœnitet extra Ecclesiam constitutus est: ubi de- „sinit peccare, jam sanus est Ecclesia est, integra „evangeliorum jura custodiens. Integra utique, quia „tota, quia plena, (4). Quare episcopi qui sunt Apostolorum successores *non tantum vigilare debent*, ait etiam cum Grotio acatholico alius acatholicus vir Gronovius, *ne in suam cujusque ecclesiam impietas, aut error irrepat, sed ubicumque illa existunt, quantum in ipsis est, obviam ire, monere, laborare, providere, ut coerceatur* (5). Hinc nullam admittere novitatem sive doctrinæ, sive cultus, & omnem iniquitatem damnare, omnem hæresim præscribere, omnemque superstitionem respuere, nihil aliud est quam jura Ecclesiæ vindicare, divinas ordinationes tueri, veritatem servare, & depositum custodire. Ex hoc fit

F

Eccle-

(1) Tertull. de Præscr. cap. 36. Cyprian. de Unit. Eccles. & alibi pass.

(2) Ad Ephes. c. 2. v. 20.

(3) Isaïæ cap. 29. v. 21., Matth. c. 16. v. 18. c. 28. v. 20., Luc. c. 22. v. 32., Joan. c. 14. v. 16. c. 16. v. 13. c. 17. v. 11. 20., Epist. 1. ad Tim. c. 3. v. 15. epist. 1. Joan. c. 1. v. 27.

(4) Pacian. ad Sympron. epist. 3. infr. init.

(5) Gronov. in adnot. ad Grot. lib. 2. de pœnis c. 20. §. 44. n. 1.

Ecclesiam neque mala probare posse, neque super mala tacere. Nam vix emergit novitas, statim contra ipsam clamorem emittit, qui fidei clamor vulgo nuncupatur, ut fideles suos cautos faciat ne decipiantur novitate doctrinæ. Quare alibi demonstratum est contra Tamburinum, actionem Cathedræ ac Tribunalis Ecclesiæ, intermissionem vel levissimam nunquam pati, ac præterea notissimum & præ oculis omnium esse *Locum Depositum, seu Terminum* illum, quem christiani omnes pro securitate suæ fidei continuo conspiciere debent, in iis præcipue temporibus, in quibus maxime furit spiritus procellarum, quibus interdum agitur Ecclesia Christi. Hinc probatum fuit etiam, præsertim auctoritate Patrum, doctrinam in Ecclesiæ sinu diutius hinc inde disputatam inoffensa fide, nunquam aut definiendam uti dogma, aut condemnandam esse uti hæreticam; sed inter opiniones perpetuo considerandam, quas ad Depositum pertinere non liquet, nec unquam, Deo sic volente, liquebit. Etenim *Ecclesia Christi*, ut Augustinus docet, *non litigiosis opinionibus fingitur, sed Divinis attestationibus comprobatur* (1). *Catholicam enim facit*, docet S. Optatus Milevitanus, *simplex & verus intellectus, & unitas animorum*. *Schisma vero sparso coagulo pacis dissipatis sensibus generatur, livore nutritur, emulatione & litibus roboratur, ut deserta matre Catholica, impii filii dum foras exeunt, & se separant a radice matris Ecclesiæ, invidiæ falcibus amputati, errando rebelles abscedunt. Nec possunt novum aliquid, aut aliud agere, nisi quod jamdudum apud suam didicerint matrem. Hæretici vero, veritatis exules, sani & verissimi Symboli desertores, de sinu Ecclesiæ sancta impiis sensibus depravati, contempto quod bene fuerant geni-*

(1) August. ad Bonifac. ep. 50. edit. antiq.

geniti, ut ignorantes & rudes deciperent de se nasci voluerunt (1). Ergo fidei controversia in sinu Ecclesiæ non diuturna, ut supponitur a Scriptore Ticinensi, sed nonnisi brevissima potest esse, antequam Ecclesia ipsa aliquo modo provideat Fidei securitati, ac saluti filiorum suorum (2). Quæ cum ita sint, falso laborat supposito illa erroris Tolerantia, cujus definitionem scriptor ille præmittit, atque contortis cavillationibus ab incohærentia & errore nititur vindicare. Sed de hoc alibi opportunius.

III. Interea animadvertendum est cum clarissimo Bossueto, Ecclesiam non posse palam non profiteri hodie, quod heri tuebatur; itemque credere hodiernam fidem eandem esse ac fides omnium sæculorum, quæ quum in sua tantum communione indefinenter ac perspicue sit regnatura, necessario exigit ut novitates omnes cum molitoribus suis perpetuo ab Ecclesia ipsa rejiciantur atque damnentur (3). Quamobrem ipsa Ecclesiæ Catholicæ immutabilis intolerantia, quæ Theologica solet appellari, quamque acerbè infectatur Bælius præsertim in suo Commentario philosophico, aliique minorum gentium philosophi, & carnales homines, firmissimum præbet argumentum inviolabilis, constantissimæque suæ fidelitatis erga Deum, pro doctrinæ sibi concreditæ integritate servanda, absque ulla mixtura humanæ dementiæ. Quemadmodum enim periret atque dissiparetur Ecclesia, si inter veritates sibi divinitus revelatas unam posset ipsa amittere vel deferere, ita destrueretur si ad gradum revelationis extollere posset quæ Revelatio revera non esset. Intolerantia, igitur ejusmodi æque ac sanctitas, atque jus docendi

F 2

omnem

(1) Optat. Milev. contr. Parmen. lib. 1.

(2) Vide Opus Italico inscriptum *Risposta d' un Teologo ad un' Amico ec.* lettera 3. in præmio pag. 104. & seq.

(3) Bossuet. Avvert. 6. aux Protest. §. 18. 19.

omnem veritatem, profluunt ex natura ipsius Ecclesię ; cui consonat ea doctrinę unitas , quę sit unius Cathedrę una omnium sæculorum doctrina, atque unius Dei unus & indivisibilis Christus. Ergo sicut Ecclesiā tum quoad Fidem , tum quoad mores , non potest non tueri omnem veritatem, ita neque potest non rejicere & damnare quamlibet doctrinam , quę revelatę minime consentiat , aut catholicę religioni adversetur . Quare , certitudo doctrinę , onusque custodiendi Depositi , in-juncti scilicet Divini ministerii adimplendi , sine quo stare non potest Ecclesia, faciunt ut Christi sponsa nulla creata vi concuti possit aut labefactari , neque aliena doctrina pollui .

IV. Optime ergo Gallicanus auctor scripsit , Ni les
 „ Puissances les plus redoutables , ni les dangers les
 „ plus dommageables n' ont jamais pu l' amener à au-
 „ cune composition , ni menagement , ni tolerance ,
 „ lorsque quelque chose bleissoit la verité . Les Ari-
 „ ens , futenus de toute la puissance de Constantin ,
 „ refusent d' admettre le mot de consubstantiel , qui est
 „ essentiel à la Religion ; l' Eglise Catholique sacrifie
 „ tout l' Orient (exaggeratio patet) , plutot que de
 „ dissimuler la nécessité de cette expression . Les Grecs ,
 „ quelques siècles apres , ne veulent point reconnoi-
 „ tre la procession du Saint - Esprit ; elle n' hésite pas
 „ à sacrifier tout un Empire . Luther & Calvin atta-
 „ quent plusieurs dogmes reçus depuis quinze siècles ;
 „ elle aime mieux sacrifier une partie de l' Europe ,
 „ que de souffrir la plus legere alteration , (1) . Quo-
 „ tiescunque enim agitur de rebus ad dogma pertinenti-
 „ bus , vel ad morum doctrinam , de modo & ratione do-
 „ cendi , deque suę fidei professione , eandem firmitatem
 continuo exhibet Ecclesia , quam perhibuit Apostolo-
 rum

(1) Nouveau Dictionnaire Anti-Philosophique Tom. 4. pag. 245. par l' auteur des erreurs de Voltaire .

rum Princeps quando fidenter asseruit coram iudici-
bus, se debere potius obedire Deo, quam homini-
bus (1). Hinc laudatus Galliarum scriptor concludit

„ De toutes ces notions que nous venons de donner,
„ on doit conclure que cette intolérance, qui fait le
„ sujet de tant de declamations de la part des Philoso-
„ phes, est le caractère le plus brillant de la sainteté
„ de l'Eglise; la plus forte preuve de sa Divinité, le
„ plus digne objet de notre respect, de notre vénéra-
„ tion, de notre amour pour elle; & que c'est par-là
„ principalement qu'elle peut être le mieux reconnue
„ pour la vraie Epouse de Jesus Christ (2).

V. Sive agatur ergo inter homines de veritate con-
fitenda vel rejicienda, sive de adoptandis erroribus, vel
damnandis, sive denique de componenda veritate Ca-
tholica cum hæreticorum novitatibus, experientia om-
nium sæculorum docuit, Ecclesiam insuperabili for-
titudine prioribus inhærere vestigiis, nihil ferme inno-
vandum præter id quod traditum est. Itaque nonnulli
Imperatores Christiani contra rerum ordinem, ut ut
egerunt de componenda veritate Catholica cum hære-
ticorum novitatibus, quin pacem afferrent, majora
mala, vehementioresque turbas excitarunt. Quamob-
rem doctissimi Parisienses Oratoriani Patres, qui opus
postumum Patris Thomæ alibi laudatum ediderunt,
in sua præfatione ad volumen secundum non temere
scripserunt. „ Les Empereurs anciens & modernes,
„ Zenon, Justinien, Heraclius, Constant, Charles-
„ quint & Ferdinand son frere, ont commis des fautes
„ énormes dans les Edits de Pacification qu'ils on pu-
„ bliez, quoi-que sous de specieux pretextes, & peut
„ être avec de bonnes intentions. Mais ils n'eurent
„ aucun succès, non plus que les Ecrivains qu' ils em-

F 3

„ plo-

(1) Act. c. 4.

(2) Ubi supr, aliquanto infer.

„ ploïèrent , & ceux qui s'y sont ingere d' eux-mêmes
 „ de tems en tems „ . (1)

VI. Non ergo Ecclesia sub specie pacis , quæ pax
 revera non est , permittere potest vel tolerare filios
 suos , sparso hæreticorum veneno , lethali sopore quie-
 scere in sinu mortis , sed e contrario Verbum Dei præ-
 dicat , instat opportune , importune , filios arguit , ob-
 fecrat , increpat in omni patientia & doctrina , donec
 errantes & peccatores dignum faciant pœnitentiæ fru-
 ctum . Ecclesia igitur neminem persequitur præter er-
 rorem , neque hæresis , quatenus hæresis est , ab illa pu-
 niri solet , nisi quibusdam pœnis spiritualibus , anathe-
 mate scilicet , infamia , privatione sacramentorum ,
 bonorumque spiritualium , quæ dispensat fidelibus
 suis . Insuper tam peccatores qui non infidelitate , sed
 humana tantum fragilitate moribus peccant , quam er-
 rantes pertinaci errore doctrinæ , vel quoquomodo
 Ecclesiam deserentes , si aliquando contingat , ut re-
 dire cupiant ad pœnitentiam , & ad Catholicam Uni-
 tatem , profecto coguntur expiare peccata sua , etiam
 quibusdam pœnis , quæ præter spiritum , etiam cor-
 pus moderate affligunt , quæque canone pœnitentiali
 fanciuntur .

VII. Attamen Scriptor Ticinensis cum ita mollicu-
 lus sit , ut non probet nisi suasibilia , quæ mulceant
 animum , seu potius palpent , omnia vero reprobet ,
 quæ vim ita sapiant , ut vel levissimum corporis cru-
 ciatum præferant , asserit pag. 2. ex hoc Tolerantiam
 oriri , *quod cum humana vis omnia mala non possit*
avertere , quædam cogitur tolerare . Sed religio quum
 sit Divinitus data ad omnia mala curanda , & non hu-
 mana , sed Divina sua virtute possit revera omnibus
 mede-

(1) Traité des Edits e des autres moïens dont on s' est servi
 pour maintenir l' Unité de l'Eglise Catholique .

mederi; hinc est, quod Religio Divina, ut infra videbimus, nulla mala tolerat, vel tolerare potest, & totis viribus nititur avertere atque fugare. Libera quidem est Religio, & S. Athanasio teste (1), quæ suavisibilia sunt postulat, sed, ut sapientissime docent laudati Oratoriani Patres, non unus est persuadendi modus. En ipsorum verba „ On doit donc user de „ persuasion, & non pas de contrainte; & de commandement. Mais nôtre Auteur (Thomasinus) nous „ fera observer dans les saints Peres, & dans nôtre „ propre experience, qu'il y a différentes manieres „ de persuader. On persuade par des instructions, par „ des raisons, par des promesses, par des minaces, & „ des peines douces. Il n'y a point de famille, ou „ les Peres les plus humains, & les Meres les plus „ tendres n'emploient tous ces moïens pour gouverner leurs enfans. Ce n'est pointlà une contrainte; „ ce n'est point faire violence à leur liberté; mais „ la redresser & la regir d'autant plus amoureusement, „ qu'on le fait avec plus de vigueur & d'empressement „ (2).

VIII. Similia docuit quarto Ecclesiæ sæculo S. Pacianus, ex quo Parisienses illi Scriptores suam (ut videtur) deprompsere doctrinam. Ait enim ille „ Magna in filios cura matris istius (*Ecclesiæ*) & mollis „ affectus: honorantur boni, castigantur superbi, curantur ægroti, nullus perit, nemo despicitur, fecuri fœtus sub indulgentia matris retinentur „ (3). Atqui Ecclesia errorem persequens aliquando confugit ad principes, ut eorum potestate & vi debiles filios confortet, fortioribus faveat, rebelles refrenet. Hic

F 4

fuit

(1) Athanas. Hist. Arian. n. 67. tom. 1. pag. 384.

(2) Præfat. ad Vol. 1. p. IX. & X.

(3) Pacian. ad Sympron. epist. 3. infra init.

fuit omnium sæculorum agendi modus Ecclesiæ, qui nequaquam mutandus est, ut querelis adhareat quorundam scriptorum, qui teste Bossueto (1), & experientia docente, libertatem expostulant, ut suos errores, suasque novitates impune divulgent, ac in populum proferant. Ita se gesserunt Orientales Episcopi contra Paulum Samosatenum, Ecclesia Romana, plaudente cum Italia universa; ita se gessit Ecclesia contra Arium, aliosque hæresum conditores. Sed omnium celeberrimum est Africanorum Episcoporum factum, cujus pars maxima fuit Sanctus Augustinus, a quo historiam ejusque rationem, quam reddit his verbis, certissime discimus. „ Discamus frater in similitudine operum discernere animos operantium, „ ne clausis oculis calumniemur, & benevolos pro nocentibus accusemus. Item cum ait Apostolus, „ tradidisse se quosdam Sathanæ ut discerent non blasphemare; malum pro malo reddidit: an potius „ malos etiam per malum emendare, bonum opus „ esse judicavit? Si semper esset laudabile persecutionem pati, sufficeret Domino dicere: Beati qui „ persecutionem patiuntur, nec adderet propter justitiam. *Item si semper esset culpabile persecutionem „ facere*, non scriptum esset in sanctis libris: Detrahentem proximo suo occulte, hunc persequabar. „ Aliquando ergo & qui eam patitur injustus est, & „ *qui eam fecit, justus est*. Sed plene semper & mali persequuti sunt bonos, & boni persequuti sunt „ malos. Illi nocendo per justitiam, illi consulendo „ per disciplinam. Illi immaniter, illi temperanter. „ Illi servientes cupiditati, illi charitati. Nam qui „ trucidat, non considerat quemadmodum laniet: „ qui autem curat, considerat quemadmodum secet.

„ Ille

(1) Bossé, ubi supra.

5 Ille persequitur sanitatem, ille putredinem. Occi-
 „ derunt impii Prophetas, occiderunt impios & pro-
 „ phetæ. Flagellaverunt Judæi Christum, Judæos
 „ flagellavit & Christus. Traditi Apostoli ab homini-
 „ bus potestati humanæ, tradiderunt & Apostoli ho-
 „ mines potestati Satanæ. In his omnibus quid atten-
 „ ditur, nisi quis eorum pro veritate, quis pro ini-
 „ quitate, quis nocendi causa, quis emendandi? (1)

IX. Assentior Augustinum nunquam docuisse Chri-
 sti Ecclesiam, persecutione quæ dicitur gladii, vi sue
 institutionis auctoritatem habere hæreticos persecuen-
 di; sed docuisse quidem Summos Imperantes Christia-
 nos, qui fidissimi sunt Ecclesiæ filii, auctoritate polle-
 re, ut vi saltem executiva, distributis pœnis leviori-
 bus gravioribusque, animadvertere possint in hæreti-
 cos omnes, maxime vero in turbulentos. Non quod
 humana vis adhibenda sit præcipue ad sanguinem hæ-
 reticorum fundendum, aut ad religionem imperan-
 dam, sed potius ad frænandam audaciam quorundam
 ipsorum, qui falsam religionem malis artibus sparge-
 re nituntur, & pacem turbare tum Imperii tum Evan-
 gelii: rursusque ad debitum honorem servandum ve-
 ræ religioni, ut quodam medicinali terrore cauti fiant
 simplices homines ad pravitatem fugiendam. Qua-
 re S. Doctor cum explicaret Pauli Apostoli verba 1.
 ad Corinth. c. 4. v. 21. *Quid vultis? An in virga ve-
 niam ad vos, an in charitate & spiritu mansuetudinis?*
 ait „ Jam hic apparet eum loqui de vindicta, ad cu-
 „ jus significationem virgam nominavit. Nunquid ta-
 „ men & virga sine charitate est, quia ita contexuit,
 „ in virga veniam ad vos, an in charitate? Sed quod
 „ sequitur, *Spiritu mansuetudinis*, admonet intelli-
 „ gi, *quia & virga charitatem habet. Sed aliud est*
 „ cha-

(1) August. ad Vinc. Rogat, epist. 48, alias 84, nunc 93.

„ *charitas severitatis, aliud charitas mansuetudinis.*
 „ Una quidem charitas est, sed diversa in diversis
 operatur „ (1).

X. Hinc objicientibus Donatistis *non debere Christianos contra inimicos Christi aliquid a Christianis Imperatoribus postulare*, primum S. Augustinus respondet ipsos priores fecisse, ac in eosdem conversas fuisse leges, quibus innocentem Cæcilianum opprimere voluerunt: inde autem subdit quod „ *propter misericordiam Christi magis pro eis sunt istæ leges, quæ illis videntur adversæ.* Etenim quam multi per illas correcti sunt, & quotidie corriguntur, & se esse correctos, atque ab illa furiosa pernicie liberatos gratias agunt? Quia & Imperatores quando pro falsitate contra veritatem constituunt malas leges, probantur bene credentes, & coronantur perseverantes. Quando autem pro veritate contra falsitatem constituunt bonas leges, terrent sævientes, & corrigunt intelligentes. Quicumque ergo legibus Imperatorum, quæ contra veritatem Dei feruntur, obtemperare non vult, acquirit grande præmium. Quicumque autem legibus Imperatorum, quæ pro Dei veritate feruntur, obtemperare non vult, acquirit grande supplicium. Nam & temporibus Prophetarum, omnes reges, qui in populo Dei non prohibuerunt, nec everterunt quæ contra Dei præcepta fuerant instituta, *culpantur*; & qui prohibuerunt, & everterunt, super aliorum merita laudantur ... Si autem putant (Donatistæ) quod *nemo possit juste aliquem* persequi, sicut in Collatione dixerunt, illam esse veram Ecclesiam quæ persecutionem patitur, non quæ facit Quærant ab Apostolo quam Ecclesiam significabat Sara, quando persecutio-

„ nemi

(1). Auguſt. contr. Parmen. lib. 3. c. 1.

„ nem faciebat ancillæ, *Liberam* quippe matrem no-
 „ stram cœlestem Hierusalem, veram Dei Ecclesiam,
 „ in illa muliere dicit fuisse figuratam, quæ afflige-
 „ bat ancillam. Si autem melius discutiamus, magis
 „ illa persequabatur Saram superbiendo, quam illam
 „ Sara coercendo. Illa Dominæ faciebat injuriam,
 „ ista imponebat superbix disciplinam. Deinde quæ-
 „ ro, si boni & sancti nemini faciunt persecutionem,
 „ sed tantummodo patiuntur, cujus putant esse in-
 „ psalmo vocem, ubi legitur: Persequar inimicos
 „ meos, & comprehendam illos, & non convertar
 „ donec deficiant?

XI. „ Si ergo verum dicere (pergit S. Doctor) vel
 „ agnoscere volumus, est persecutio injusta quam
 „ faciunt impii Ecclesiæ Christi, & *est justa persecu-*
 „ *tio, quam faciunt impiis Ecclesiæ Christi.* Ista itaque
 „ beata est, quando persecutionem patiuntur pro-
 „ pter justitiam. Illi vero miseri qui persecutionem
 „ patiuntur propter injustitiam. Proinde ista *perse-*
 „ *quitur diligendo*, illi saviendo. Ista ut corrigat,
 „ illi ut evertant. Ista ut revocet ab errore, illi
 „ ut præcipitent in errorem. Denique ista persequi-
 „ tur inimicos, & comprehendit donec deficiant in-
 „ vanitate, ut in veritate proficiant In hoc ergo
 „ serviunt Domino Reges in quantum sunt Reges,
 „ cum ea faciunt ad serviendum illi, quæ non pos-
 „ sunt facere nisi Reges. Cum itaque nondum reges
 „ Domino servirent temporibus Apostolorum, sed
 „ adhuc meditarentur inania adversus eum, & ad-
 „ versus Christum ejus, ut prophetarum prædicta
 „ omnia complerentur, non utique tunc possent im-
 „ pietates legibus prohiberi, sed potius exerceri
 „ *Melius est quidem, quis dubitaverit, ad Deum co-*
 „ *lendum doctrinâ homines duci, quam pænâ timore*
 „ *vel dolore compelli.* Sed non quia isti meliores sunt,
 „ ideo

„ ideo illi qui tales non sunt, negligendi sunt... Nam si-
 „ cut *meliores sunt quos dirigit amor, ita plures sunt*
 „ *quos corrigit timor* „. Post hæc respondet S. Do-
 „ ctor cavillationibus eorum, qui sua ætate æque ac in
 „ nostra contra sentiebant, & evidenter demonstrat au-
 „ thoritate sacre scripturæ, moderatam quamdam se-
 „ veritatem contra hæreticos, utique adhibendam esse a
 „ Principibus Catholicis, ut medicina quædam pare-
 „ tur ad eorum spiritualem sanitatem recuperandam.
 „ Argumentorum vis & genus, quibus utitur ex Scri-
 „ pturis præcipue desumptis, nullum dubitandi locum
 „ relinquunt, non circumstantias Augustino sententiam
 „ peperisse, sed rem.

XII. „ Vides itaque (ait ipse) jam non esse consi-
 „ derandum, ut opinor, quod *quisque cogitur, sed*
 „ *quale sit illud quo cogitur*, utrum bonum an malum:
 „ non quo quisque bonus possit esse invitus, sed ti-
 „ mendo quod non vult pati, vel relinquit impedi-
 „ tem animositatem, vel ignoratam compellitur co-
 „ gnoscere veritatem, *ut timens vel respuat falsum de*
 „ *quo contendebat, vel querat verum quod nesciebat,*
 „ *& volens teneat jam quod volebat*. Superfluo hoc
 „ fortasse diceretur quibuslibet verbis, si non tam-
 „ „ multis ostenderetur exemplis. Non illos aut illos ho-
 „ mines, sed multas civitates videmus fuisse. Donati-
 „ „ stas, nunc esse Catholicas, detestari vehementer dia-
 „ „ bolicam separationem, diligere ardentem unitatem.
 „ „ Quæ tamen timoris hujus, qui tibi displicet, oc-
 „ „ casionibus Catholicæ factæ sunt per leges Imperato-
 „ „ rum... His ergo exemplis a Collegis meis mihi pro-
 „ „ positis cessi. Nam mea primitus sententia erat nemi-
 „ „ nem ad Unitatem Christi esse cogendum, verbo esse
 „ „ agendum, disputatione pugnandum, ratione vin-
 „ „ cendum, ne fictos Catholicos haberemus, quos aper-
 „ „ tos hæreticos noveramus. Sed hæc opinio mea non

„ con-

„ contradicentium verbis, sed *demonstrantium* supe-
 „ *ratur exemplis*. Nam primo mihi opponebatur ci-
 „ vitas mea, quæ cum tota esset in parte Donati *ad*
 „ *unitatem Catholicam timore legum Imperialium con-*
 „ *versa est*, quam nunc videmus ita hujus vestræ ani-
 „ mositatis perniciem detestari, ut in ea nunquam
 „ fuisse credatur. Ita aliæ multæ, quæ mihi nomina-
 „ tim commemorabantur, ut ipsis rebus agnoscerem
 „ etiam in hac causa recte intelligi posse, quod scri-
 „ ptum est. *Da Sapienti occasionem, & sapientior e-*
 „ *rit*. Quam multi quod certo scimus, jam volebant
 „ esse Catholici, manifestissima veritate commoti,
 „ & offensionem suorum reverendo, quotidie disse-
 „ rebant... Quam multi nihil interesse credentes in
 „ qua quisque parte Christianus sit, ideo permane-
 „ bant in parte Donati, quia ibi nati erant, & eos
 „ inde discedere, atque *ad Catholicam nemo transire*
 „ *cogebat*? His omnibus harum *legum terror, qui-*
 „ *bus promulgandis Reges serviunt Domino in timore,*
 „ ita profuit, ut nunc alii dicant, jam hoc voleba-
 „ mus: sed Deo gratias, qui nobis occasionem præ-
 „ buit jamque faciendi, & dilationum morulas am-
 „ putavit... Alii dicant, nesciebamus hic esse veri-
 „ tatem, nec eam discere volebamus, sed nos *ad*
 „ *eam cognoscendam* metus fecit attentos, quo timui-
 „ mus ne forte sine ullis rerum æternarum lucris,
 „ *damno rerum temporalium feriremur*. Gratias Do-
 „ mino, qui negligentiam nostram *stimulo terroris ex-*
 „ *cussit*, ut saltem solliciti quæreremus, quod secu-
 „ ri nunquam nosse curavimus... Gratias Domino,
 „ qui trepidationem nostram flagello abstulit ec. (1).
 XIII. Similia habet S. Doctor in epistola ad Bo-
 nifacium superius laudata; quæ omnia ut longum
 esset

(1) August. ad Vincent. Rogatist. epist. super citat.

esset depromere, sic omnino præterire imperfe-
 ctum. Pauca ergo seligamus, quæ arbitramur pro-
 posito satisfacere „ Verumtamen (ait) antequam,
 „ istæ leges, quibus ad convivium sanctum coguntur
 „ intrare, in Africam mitterentur: nonnullis fratri-
 „ bus videbatur, in quibus & ego eram, quamvis
 „ Donatistarum rabies usquequaque sæviret, non ef-
 „ se petendum ab Imperatoribus, ut ipsam hæresim
 „ juberent omnino non esse, pœnam constituendo
 „ eis, qui in illa esse voluissent: sed hoc potius con-
 „ stituerent, ut eorum furiosas violentias non pate-
 „ rentur, qui veritatem Catholicam vel prædicarent
 „ loquendo, vel legerent constituendo. Quod eo
 „ modo fieri aliquatenus posse arbitrabamur, si le-
 „ gem piissimæ memoriæ Theodosii, quam generali-
 „ ter in omnes hæreticos promulgavit, ut quisquis
 „ eorum episcopus vel clericus ubilibet esset inven-
 „ tus, decem libris auri mulctaretur, expressius in
 „ Donatistas qui se negabant hæreticos, ita confirma-
 „ rent, *ut non omnes ea multa ferirentur*, sed in
 „ quorum regionibus aliquas violentias a clericis vel
 „ a Circuncellionibus vel populis eorum Ecclesia Ca-
 „ tholica pateretur: vel post protestationem Catho-
 „ licorum, qui fuissent ista perpeffi, jam cura ordi-
 „ num ad persolvendam multam episcopi sive ministri
 „ cæteri tenerentur. Ita existimabamus eis territis, &
 „ nihil tale facere audentibus, posse libere doceri,
 „ & teneri catholicam veritatem ut ad eam cogeretur
 „ nemo, sed eam qui vellet sine formidine sequeretur,
 „ ne falsos, & simulatores Catholicos haberemus.
 „ Et quamvis aliis fratribus aliud videretur, jam æ-
 „ tate gravioribus, vel multarum civitatum & loco-
 „ rum exempla curantibus, ubi firmam & veram ca-
 „ tholicam videbamus, quæ tamen ibi talibus bene-
 „ ficiis Dei constituta esset atque firmata, dum per
 „ „ prio-

„ priorum imperatorum leges ad communionem ho-
 „ mines catholicam venire cogerentur, obtinuimus
 „ tamen, ut illud potius quod dixi imperatoribus pe-
 „ teretur, decretum est in concilio nostro, legati ad
 „ Comitatum missi sunt. Sed Dei major misericor-
 „ dia, qui sciret, harum legum terror & quædam
 „ medicinalis molestia quoniam multorum esset præ-
 „ vis vel frigidis animis necessaria, & illi duritiæ
 „ quam verbis emendari non potest, sed tamen ali-
 „ quantula severitate disciplinæ potest, id egit ut le-
 „ gati nostri quod susceperant obtinere non possent.
 „ Jam nos prævenerant ex aliis locis quædam episco-
 „ porum querelæ gravissimæ ec.

XIV. Inferius autem S. Doctor cum fusius eorum narrasset historiam, qui timore legum ejusmodi, ad Catholicam Ecclesiam transierunt, concludit „ Ita
 „ cum magna agmina populorum vera in sinum,
 „ gaudens reciperet, remanserunt turbæ duræ, &
 „ in illa peste infelici animositate resistentes ex his
 „ quoque plurimi simulando communicaverunt, alii
 „ paucitate latuerunt. Sed illi qui simulabant paula-
 „ tim assuescendo, & prædicationem veritatis audien-
 „ do ex magna parte correcti sunt „. Hęc & alia
 „ quidem permulta protulit sanctus Augustinus, ex qui-
 „ bus luce meridiana clarius elucet ipsius, & Africano-
 „ rum Episcoporum sententia de moderate persequen-
 „ dis, seu potius de corrigendis hæreticis, vel pacifici
 „ sint, vel turbulenti, & de legibus ferendis contra
 „ ipsos, ut istarum timore vel *respuant falsum, de quo
 „ contendebant, vel quærant verum, quod nesciebant*.
 „ Rursusque metu legum Imperialium attenti fiant ad
 „ veritatem cognoscendam, ne forte, sine ullis rerum
 „ æternarum lucris, damno feriantur rerum tempora-
 „ lium; ac demum ad partem catholicam transire legum
 „ timore compulsi, non amplius simulate, sed revera
 „ ad

ad unitatem Ecclesiæ conversi, gratias agant Deo, qui trepidationem flagello abstulit, occasionemque præbuit dilationum morulas amputandi.

XV. Quid ergo Scriptor Ticinensis clamat contra rei veritatem, Augustinum *constanter asseruisse neminem esse ad unitatem Christi cogendum, sed verbo esse agendum, disputatione pugnandum, ratione vincendum ne fidos Catholicos habeamus, quos apertos hæreticos novimus?* (1) Quid hic crepitat ore Augustini, quum Sanctus Doctor fateatur ingenue istam tulisse olim, opinionem, eamque non contradicentium verbis, sed demonstrantium exemplis fuisse superatam? Quid Augustino adscribit quod Augustinus ipse rejecit? Propterea quod non eo vera putavit, ut simul essent immutabilia, neque alia daretur via ad eundem finem. Hinc ut abdicaret quod prius sentiebat, moverunt exempla non verba. Insuper quid Augustino tam fidenter adjudicat, cum Augustinus fateatur, contrarium sensisse cæteros Africanos Episcopos collegas suos, quibus consulto sapienterque cessit, ut legibus Imperialibus ferirentur non soli hæretici inquieti & turbulentissimi, sed etiam illi, qui nescirent in Ecclesia Catholica veritatem esse, quique securi nunquam nosse curarunt, atque *bonæ fidei hæretici* appellantur a Ticinensi? Ac si *Fides bona* cum hæresi stare posset! Equidem assentior Augustinum & reliquos Africanos Episcopos, nunquam docuisse hæreticos ita esse compellendos, ut consilio pio magis quam salubri Fides omnino præcipiatur; sed legum timore concutiendos esse, ut alicujus rei temporalis jactura, rei Divinæ, Fideique cautiore fiant. Hinc docet ut *Reges terræ serviant Christo, leges edendo pro Christo* (2).

(1) Cap. 12. §. 1. pag. 245. (2) Augul. ad Vinc. Rogat. ubi sup. Vid. etiam epist. 60. ad Cæcilianum Præsidem, & ep. 61. ad Dulcitium Tribunum, quæ scriptæ sunt, ut ipsi Donatistas coercerent, & corrigant.

XVI. Quare Baelius, quem Ticinensis confutare fingit, veluti Augustino contradiceret, profecto mentem Augustini assequutus est melius quam sequutus. Contra vero Ticinensis frustra sequi conatus, Augustini doctrinam non est assequutus, sed persequutus. Et re quidem vera Scepticus ille scriptor, qui præter ea quæ sparsim huc illuc eructavit contra Augustinum, integrum volumen confarcinavit, ut ipsius refutaret sententiam(1), advertit, S. Doctorem æque ac Ferrandum leges Imperiales summiopere laudasse, non uti editas ab Honorio Augusto propter circumstantias, quarum nullam facit mentionem, sed ut hæretici pœnarum terrore compulsi redirent ad Ecclesiæ Catholicæ unitatem, & schisma extingueretur. Rem clariorem fecit eventus, non tantum Augustini temporibus, sed etiam in subsequentibus. Etenim quot hominum millia fuere inter Saxones, qui legum timore correpti conversi sunt ad Christi fidem? Et in Hispania nonne quinquaginta millia Maurorum baptizati sunt an. 1499.? Quorum princeps Zeigrius, cum duo sibi proposita fuerint, aut baptizari, aut in servitutem redigi, petiit ut eum docerent religionem Christianam, ac inde baptizatus, factus est ferventissimus Religionis Christianæ defensor (2).

XVII. Verum si quis ulterius discere cupiat an vera sit mens Augustini, quam latissime patere arbitramur ex ejusdem scriptis, maxime vero ex duabus epistolis ad Vincentium Rogatistam & ad Bonifacium, potest consulere libros subter adnotatos (3), aliosque

(1) Traité de la Tolérance Universelle seu Commentaire Philosophique &c. Volum. 2.

(2) Vid. Fleury lib. 119. n. 63. ad 66.

(3) Conformité de la Conduite de l'Eglise de France avec celle d'Afrique, pour ramener les Donatistes. Qui liber editus est

fere innumeros, præsertim Gallorum, qui communi sententia docent mentem utique Augustini eam esse, quæ post ipsos a nobis invictissimis ita firmatur argumentis, ut miserabiles non timeat Ticinensis contrarias cavillationes. Quare iis præstitis mediis contra hæreticos, de quibus hætenus disseruimus, nulla violentia infertur errantium libertati, sed efficacior medicina exhibetur ipsorum saluti reparandæ si velint. Nulla vis infertur hæreticorum Fidei, sed compescitur sæpe eorum perfidia tam contra dogmata & pacem Ecclesiæ, quam contra quietem & tranquillitatem Imperii. Quare nonnulli hæretici, non uti hæretici tantum, sed uti publici legum violatores, uti perturbatores publicæ quietis etiam ad mortem damnati aliquando fuerunt, non ab Ecclesia, quæ salutem, non sanguinem petit hæreticorum, sed ab Imperio. Potestas enim Ecclesiastica nullam partem sumit in eorum supplicio; sed violationem solummodo recognoscit dogmatum Ecclesiæ, legumque illarum præterea, quæ in leges Imperii cooptatæ fuerunt. Quæ cum ita sint, falsissima deprehenditur conclusiuncula illa, quam Ticinensis pag. 281. his verbis exponit. „ Quis ergo „ non videt cum ab Ecclesiastica disciplina, tum ma- „ xime ab ejus spiritu, Ecclesiæque ac Religionis in- „ dole plurimum abhorrere Inquisitionis Tribunal eo „ sine institutum, ut vis inferatur hæreticis quibus- „ cumque „.

XVIII. Ex hoc perspicuum satis superque fit, scriptorem illum veram ideam ejusmodi tribunalis nequaquam habere, nec unquam suæ institutionis indolem

ac

est ab Archiepiscopo Parisiensi, una cum duobus Augustini epistolis ad Vinc. & ad Bonifac.

Vid. Opus Posthumum Patris Thomæini superius laudatum. Far. 1. cap. 34. ad 38. Gauchat. loc. super. cit. Paulum Sarpium Venetorum Theologum Histor. Inquisition.

ac spiritum aut cognovisse, aut voluisse cognoscere. Audiat ergo doctissimos Parisienses scriptores, qui clarissimi Patris Thomasi sæpe laudatum opus ediderunt. „ Entre ces moïens, peut-être que le nom d'Inquisition ne paroitra pas tel à ceux, qui n'en ont „ d'idée, que par les excès de rigueur, où on l'a „ portée dans quelques Pais étrangers. Mais l'Auteur „ (Thomasius) en donne ici une autre idée, en faisant voir que l'Inquisition, comme on l'a commen- „ ça en France même, n'étoit qu'un renouvellement „ de l'ancienne Penitence canonique, qui venoit de „ s'éteindre, & qui ne pût être retablie pour être salutaire sans quelque petite amertume (1). Appellons les choses par leur nom, (ait auctor supplementi ad Opus Patris Thomasi) un si grand mal „ demandoit de grands remèdes, par les quels on peut „ encore juger de sa grandeur. Cela fit penser sérieusement le Cardinal de Lorraine tout zélé qu'il fût „ pour nos libertez, à établir l'Inquisition en France, telle que le Pape Paul IV. & Philippe II. la venoient de fortifier dans Rome même, dans le Royaume de Naples & en Espagne, où il faut avouer „ qu'elle alloit beaucoup plus loin, que celle dont il „ a été parlé dans le corps de ce Traité „. (2) Insuper audiat alium testem Fratrem Paulum Sarpium, cujus historiæ nemo profecto eorum, qui Romanis adversantur, quique Ducem habere fatentur, fidem præstare negabit. Ait igitur ille. „ Li Santi Apostoli la- „ sciarono per rimedio di questa pestilenza, che l'eretico fosse ammonito una e due volte, e perseverando nell'ostinazione sua, li Cattolici si separassero dal suo consorzio, e lo scomunicassero. Nè si „

G 2

„ passò

(1) In Præfat. supr. citat.

(2) Supplement au Traité &c. des Edits &c. Réponse aux Pret. Ref. de France sous François II. num. 33.

„ passò più oltre , sino alli tempi che-Constantino ab-
 „ bracciò la santa fede , e fu imitato da' successori .
 „ All' hora , tra le altre cose *dalli santi* furono am-
 „ maestrati i Principi , che portando essi due qualità ,
 „ l'una di Cristiani , l'altra di Principi , con ambidue
 „ erano obbligati a servir Dio . In quanto Cristiani ,
 „ osservando i precetti Divini , com'ogni altro priva-
 „ to : ma come Principi , servendo sua Divina Mae-
 „ stà con ordinar bene le leggi , indirizzando ben li
 „ sudditi alla pietà , honestà , e giustizia , gastigando
 „ tutti li trasgressori delli precetti Divini , del deca-
 „ logo maggiormente . Però quelli che peccano con-
 „ tro la prima Tavola , che riguarda l'honor Divino ,
 „ sono peggiori di quelli , che peccano contro la se-
 „ conda , la qual ha rispetto alla giustizia tra gli uo-
 „ mini : e però sono più obbligati li Principi a punir
 „ le bestemmie , l'eresie , ed i pergiuri , che gli ho-
 „ micidi e li furti . Per questa causa contro l'eresie fe-
 „ cero diverse leggi , registrate ne'Codici di Teodo-
 „ sio , e di Giustiniano , imponendo alli colpevoli pe-
 „ ne pecuniarie , bandi , privazione di parte , o di
 „ tutti li beni , secondo le circostanze del delitto . L'e-
 „ secuzione de'quali Leggi commiserò alli ministri lo-
 „ ro secolari . Ogni giudizio Criminale ha tre parti .
 „ La cognizione della ragione del delitto : la cogni-
 „ zione del fatto : e la sentenza . Nel giudizio dell'e-
 „ resia la cognizione della ragione è , se la tal opinio-
 „ ne sia eretica , o nò ; la cognizione del fatto , se tal
 „ persona accusata , o denunciata ha difeso , o tenu-
 „ to , o dato indizio di tener quell'opinione . La sen-
 „ tenza sta nell'assolvere dall'imputazione l'innocente ,
 „ o condannar il ritrovato colpevole . La prima co-
 „ gnizione , cioè qual'opinione sia eretica , è stata
 „ sempre Ecclesiastica , ne può per alcun rispetto ap-
 „ partener al secolare . . . In que'tempi (dopo il mil-
 „ le)

„ le) pel gran numero di tal peste d'eresia, dove la
 „ moltitudine eccedeva, conveniva per necessità tol-
 „ lerarle. Dove si poteva, il Vescovo procedeva in
 „ quelle cause, come nell'altre nel modo detto di so-
 „ pra, e li Pontefici Romani, con frequenti lettere li
 „ esortavano, ed eccitavano al loro debito: nè sin a
 „ tal tempo del mille dugento si udì questo nome d'of-
 „ fizio dell'Inquisizione, o d'inquisitore contro l'ere-
 „ sia. Ma essendo li *Vescovi*, e li loro *Vicarij poco at-*
 „ *ti*, e meno diligenti di ciò che li Pontefici Romani
 „ desideravano, e sarebbe stato necessario, furono in
 „ que'tempi opportunamente instituite le due Religioni
 „ di S. Domenico e di S. Francesco, ed in breve s'em-
 „ pirono delle più dotte e più zelanti persone di quel
 „ secolo, dedicate tutte a sostener la Chiesa Romana,
 „ e l'autorità Pontificia: de' quali servendosi li Pon-
 „ tefici contro gli Eretici, li mandavano a predicare,
 „ e convertirli; per esortar i Principi, e li popoli
 „ Cattolici a perseguitare gli ostinati, e per informarsi
 „ in ciascun luogo del numero, e qualità degli Ere-
 „ tici, del zelo de' Cattolici, e della diligenza de'Ve-
 „ scovi, e portar relazioni a Roma. Dal che ebbero
 „ nome d'Inquisitori (1) „.

XIX. Hæc Sarpius, ex quibus patet quænam sit in-
 doles Inquisitionis, & quomodo sit secundum spiritum
 Ecclesiæ, non autem ab ipso plurimum abhorre, ut
 summa injuria Ticinensis ille nugatur. Aptius vero
 laudati Parisienses scriptores, qui fatentur ingenue,
 æque ac in cetera tribunalia terrena, etiam in illud In-
 quisitionis interdum vitia irrepsisse; tribuenda tamen
 alicujus administrationi, non autem institutioni. Quam-
 obrem non Tribunal, sed personæ culpantur. Nam
 si propter aliquem abusum, vitia, & defectus tribu-

(1) Paul. Sarpius *Hist. Inquisit.*

naliz culparentur, omnia tollenda forent. Veruntamen abhorrere quomodo potest a Religionis indole, & a spiritu Ecclesiæ Christianæ Tribunal Inquisitionis, quod scriptor ille concedit pag. 244. *diu substituisse, & multis in locis adhuc subsistere fultum legibus Synodorum, ac Principum?* Quis est ille, seu qui sunt Gigantes elati supra tot ne dicam Summorum Pontificum, Synodorum, ac magnorum principum leges, quorum pietas & sapientia est omni laude superior? „ Nonne Conditor legum temporalium (ut ait Augustinus) si vir bonus est, & sapiens, illam ipsam, „ consulit æternam, de qua nulli animæ judicare datum est, ut secundum ejus incommutabiles regulas, „ quid sit pro tempore jubendum vetandumque discernat (1) „? Non ergo est crudelitas, ut scriptor ille crepitat, sed pietas crimina pro Deo punire, ut alibi docuit S. Doctor (2).

XX. Præterea quamvis Ticinensis contendat pag. 6. & seqq. Ecclesiam posse & etiam debere aliquando tolerare mala, tamen cum Permissionem a Tolerantia distinguat, quæ ab Ecclesia simul & ab Imperio permittuntur, affirmat non esse nisi bona & licita. Si ergo evincamus certissime Ecclesiam æque ac Imperium Inquisitionis Tribunal non tolerasse tantum, sed permisisse atque probasse, erit etiam satis superque probatum, Ticinensem calumniose loquutum esse contra ipsum. Et revera concedit pag. 293. & 294. *Comitia Principum & Synodos Episcoporum frequentissime egisse de modo hæreticos insectandi; nec non Inquisitionis Tribunal diu substituisse fultum legibus Synodorum ac Principum.* Ergo ex iis etiam, quæ fulgentissimæ veritatis lumen cogit ipsum concedere, sequitur, Tribunal Inquisitionis quin causa suæ institutionis abhorreat a spi-

(1) August. de Ver. Relig. cap. 31.

(2) August. de Serm. Domin. in Monte lib. 1. infr. med.

a spiritu Ecclesiæ, *licitum esse ac bonum*. Quare a mendacissimo viro Philippo Limborchio deceptus, etiam alios decipere videtur ille studere, utriusque potestatis infamia.

XXI. Attamen ut clarius appareat rei veritas, sub silentio præterire non possumus concilia œcumenica Lateranense quartum, Viennense, & Constantiense, additis etiam Senensi atque Basileensi, quibus veluti suo fulcro nituntur, qui Romanis adversantur. Ista enim Concilia vel ita loquuntur, ut Inquisitionis Tribunal rite supponant existere, vel insuper leges præscribere aggressi sunt pro ipsius regimine, vel Tribunal ipsum apertissima lege probarunt (1). Idem etiam fecerunt Concilia quæ vulgo *Nationalia* dicuntur vel *Provincialia* Narbonense, Tolosanum, & Avenionense, & rursus quæ habita fuere Valentix & Albigæ in Gallia; aliis quidem omissis, vel ibidem celebratis, vel alibi: quæ omnia non solum comprobarunt, verum, etiam suis legibus Tribunal communire voluerunt, itemque providere, ut certis regulis atque canonibus iudices uterentur ad inquirendos hæreticos, moderateque puniendos (2). Hinc Fridericus Imperator hujus nominis secundus, Philippus Augustus Galliarum Rex, Ludovicus Octavus, & præ ceteris sanctus Ludovicus Nonus, alique piissimi Reges atque Imperatores Tribunal ejusmodi sunt omni studio patrocinati. Quæ cum ita sint, cur ergo viventes principes regeſque, quorum *sacramentum abscondere bonum* erat, sic Ticinen-

G 4

sis

(1) Jacques Lenfant Histoire du Concil. de Constance liv. 3. n. 2. pag. 197. & liv. 5. n. 44. pag. 483. edit. Amsterdam 1714.

Vid. Orat. habit. in Concilio Basileen. ab Ægidio Carlerio. Concil. Lab. tom. 12.

(2) Vid. Du Pin Bibliothéque Ecclesi. tom. 10. Szcul. 13. pag. 126. 127. 171.

Vid. Acta Concil. de Beziers habit. an. 1246. Concil. tom. 14. edit. Venet. & tom. 15.

sis laudat propter Inquisitionis Tribunal sublatum, ut mortuos inclytos omni genere laudis vituperare non desinat, quandoquidem legibus suffulsero cum superessent?

XXII. Sed qui Religionem cum quiete publica Imperii ita connexam agnoscit, ut eam Civili potestati subesse arguat, quid immemorem se præbet doctrinæ illorum magni sibi nominis philosophorum, Pufendorffii, Grotii, Barbeiracii, aliorumque, qui docent apud omnes fere gentes atque Respublicas extitisse Tribunal, quod de Religione inquireret, eamque ita custodiret, ut omnes novitates arceret atque puniret? „ Enimvero, ait Barbeiracius, penes quemque esse „ quod putaverit colere, adversatur sententiæ pene „ omnium rerumpublicarum, quæ unquam fuerunt. „ Omnes quippe circa cultum Divinum nonnulla conslituerunt, pœnis etiam in refractarios aut delinquentes sancitis. Diagoram Melium, qui omnino „ Deos esse negabat, & Epicureos ex bene moratis „ civitatibus ejectos legimus &c. (1), „. Hinc Socratis mors apud Athenienses; hinc Aristoteles docuit, *eum qui Deum honorandum, aut parentes amandos neget, non argumentis, sed pœna edomandum* (2); Hinc denique Plutarchus agebat quod *omnis falsa de rebus Divinis persuasio esset perniciofa, accedente animi perturbatione, perniciosissima* (3). En ergo qua ratione se agebant Ethnici erga suos, ut ita dicam, hæreticos. Quæ tamen non eo dicta esse volumus, ut res eorum videamur curare, qui sunt extra Ecclesiam, sed ut Adversarius qui pro re sua (nostra enim non est) etiam Paganos advocavit, videat pro se neque ipsos habere. Cete-

(1) Adnotat. in Pufendorf. lib. 7. cap. 4. §. 8. Tom. 2. pag. 172. edit. Francofurti 1759.

(2) Grot. de Pœnis lib. 2. cap. 20. §. 45. n. 3.

(3) Grot. ibid. §. 44. n. 3. & seq.

Ceterum nos præ oculis habentes Tertulliani Regulam quam præscripsit, *Quæramus in nostro, & a nostris, & de nostro* (1). Igitur sit.

C A P U T V I I I.

De Tolerantia Ecclesiastica & Civili, & de gradibus ac varia specie utriusque juxta Sanctorum Patrum doctrinam :

I. **T** Icinenſis auctor, uti ſaltem videtur, non ad inquirendam veritatem, ſed potius ut hoſtem fingat, duas proponit ſibi capit. 14. dirimendas quæſtiones, quas maximas dicit, quoniam maximæ ſibi ſunt. Ait enim pag 303. „ Potiſſima quæſtio eſt de „ Principe, qua parte princeps eſt, & ſocietatis ca- „ put, an ſcilicet jure poteſtatis, ac muneris quo „ fungitur, expellere debeat & exterminare diſſiden- „ tes in religione? An ex Principatus natura intole- „ rantia conſequatur in Religionis negotio „? Ut ergo definiat, proponit ſibi rem altius ita repetendam, eſſe, ut univerſum Arcopagitarum ſenatum ſit opus conſulere. Quamobrem affirmat „ Inquiri oportere, „ an, & quam partem habeat Princeps in ſacra ratio- „ ne ſui muneris? De jure Principum in ſacra multū „ ſcripſerunt (*Lutherani præſertim*), nos ea tantum „ attingemus in unum collecta principia, quæ neceſ- „ ſaria ſunt ad quæſtionem dirimendam, quam habe- „ mus præ manibus „. Principia collegit, ſed utique infirmiora. Superius enim enarravimus eadem ever- tentes. Nam jus nullum habere Summum Imperantem in ſacra religionis, jam demonſtratum eſt certiffimis argumentis.

II. Attamen eſto quod habeant. Num inde ſeque-
retur

(4) Tertull. de Præſcr. cap. 12.

retur ejusmodi naturæ intolerantia, quæ, ut auctor ille contendit, præciperet omnino expellendos & exterminandos esse dissidentes in religione? Nequaquam. Sequeretur quidem si tota religio supponeretur Civicum illud atque Politicum Religionis spectrum, quæ Religio non est? Male igitur ex jure posito vel negato Imperantium in sacra, non prius definito genere sacrorum, sed uti vidimus, vera cum falsa religione confusa, eruit expulsionem & exterminium dissidentium in religione. Nam quæ non sacra, sed sacrilega sunt, & ad Civicam Ethnicorum Religionem respiciunt, ab Imperantium jure pendere si placet, ultro concedimus; rursusque ad hujusmodi pertinere doctrinam, Christianorum exterminium tentatum ab Ethnicis, qui nullam ideam habebant Religionis Divinitus datæ, quæ longe excederet vires potestatis humanæ. Secus ergo differendum est de religione Judaica vel Christiana. Quare neminem extare puto, qui aliqua causa non respuat utramque Ticinensis hypothese. Ego vero, ut infra patebit uberius, rejiciendas arbitror multiplici ratione.

III. Sed ut clarius tota res fiat, in primis cavendum est, ne confundantur diversæ tam tolerantia, quam intolerantia species. Etenim ut confusio tota vitetur non sufficit vulgaris illa distinctio posita inter civilem, seu potius inter politicam & ecclesiasticam tolerantiam; neque satis est permissionem a tolerantia sejungere. Nam præter duas illas tolerantia species, quas infra definire non desinam, non est confundenda tolerantia interior cum tolerantia exteriori, neque tolerantia erroris & doctrinae, cum tolerantia rituum & personæ, aut tolerantia negativa cum tolerantia positiva, vel denique tolerantia verbi cum tolerantia gladii. Præterea idem dicendum est de Intolerantia, cujus totidem species habentur, quot numeratae sunt de Tolerantia. Ita-
que

que Ticinensis, qui ceteris omissis, ponit Civilem tantum & Ecclesiasticam Tolerantiam, dum alteram ab altera separare nititur, utramque ita confundit, ut alteram pro altera sæpissime usurpet, utque modo tribuat tolerantiaæ quæ sunt permissionis, modo vero permissioni quæ sunt tolerantiaæ.

IV. Ne igitur ambiguitate nominum, æquivocationibus scilicet etiam nos errare videamur, exordientes a definitione, Tolerantiam Ecclesiasticam dicimus *Licentiam, quæ in Ecclesia datur unicuique defendendi vel oppugnandi quasdam doctrinas, quæ licet juxta nonnullorum placita bonæ sint vel malæ, non ideo tamen considerantur uti omnino falsæ, neque perniciosæ, neque hæresim sapientes &c. contra vero nec ita certæ, ut plenissimam fidem exigere debeant*. Itaque tolerantia hujusmodi vulgo nuncupatur etiam *Christiana & Theologica*, & præter quasdam opiniones circa religionem ejusque doctrinam, permittit etiam ut defendantur certi disciplinaæ ritus, qui æque ac doctrina illa neque probati sunt, neque omnino reprobati, ac proinde non impediunt quo minus defensores habeantur vere Catholici, atque obediens Ecclesiæ filii. Etenim, scriptum est *Nolite per opinionem judicare fratres vestros* (1). Hinc est quod etiamsi diversæ scholæ in multis diversa sublineant, omnes tamen ita defendunt ut in charitatis vinculo, & salva compage unitatis, communi suffragio obedientiam Ecclesiæ ejusque tribunali profiteantur. Quare Tolerantia generatim considerata definiri utique potest cum quibusdam ætatis nostræ philosophis, *Libertas, quæ unicuique hominum datur quodlibet seu agendi, seu loquendi, quin adprobare, quisquam, vel damnare jûs habeat*. Sed ex ipsa definitione patet tolerantiam, de qua loquimur extrinsecam esse, non vero intrinsecam, & pertinere ad res tantum-

(1) Vid. S. Optat. Milev. contr. Parmen. lib. 1. sub init.

tantummodo indifferentes, quæque disputabiles sunt, neque ledunt jura societatis aut religionis. Etenim, quæ revelata dogmata respicit, tota intrinseca est, neque reperitur in Ecclesia Catholica, neque dari potest.

V. Tolerantia vero Civilis aut politica circa religionem, ad Civilem Potestatem pertinet, *eaque est quæ impunitatem & securitatem promittit ac donat omnibus, qui pro suo arbitrio tuentur quamlibet falsam religionem & doctrinam, quæ non turbet pacem ac tranquillitatem Reipublicæ vel Imperii*. Quare tolerantia ista Civilis, ubi plenissima sit, beneficia legum, juriæ, honorum, & bonorum societatis præferret, absque eo quod ulla ratio habeatur ad religionem, quam quisque tuetur. Verum inter A catholicos & præcipue inter quosdam plebejos philosophos, qui obstinatam incredulitatem sectantur, sunt qui utramque ideam confundunt, quoniam tuentur perfectam illam Religionum omnium tolerantiam, quæ conscientia Libertas vulgo nuncupatur, quæque nititur vel super illo falso ac perniciosissimo principio, ut homines valeant pro suo arbitrio religionem sequi, quam naturæ dicunt, aut nihil de Deo & de religione credentes, nihil de Deo & de religione curant, vel denique utrumque admittentes contendunt, hominem optime posse in qualibet religione servire Deo, & consequi salutem æternam.

VI. Hinc ejusmodi farinæ philosophi, nomine tolerantia intelligunt effrenatam licentiam quodlibet tam credendi quam dicendi circa Religionem, quin teneantur homines se subicere auctoritati vel Ecclesiæ, vel Imperii; cum juxta ipsos nemo sit qui auctoritatem habeat inspiciendi in fidem & religionem alterius (1).

Quare

(1) Rousseau lettres de la Montag. a Mons. l'Archeveque de Paris

Quare contemnunt eam Tolerantiam, quam dicimus Civilem, & unam Theologicam astruunt, contemplativam & Religiosam. „ J'entend dire (ait Rousseau) „ sans cesse qu'il faut admettre la Tolerance Civile, „ non la théologique. Je pense tout le contraire. Je „ crois qu'un homme de bien, dans quelque Religion „ qu'il vive de bonne foi, peut être sauvé (1) „.

VII. Verum enimvero religio æque ac ratio clamant contra plebejos istos philosophos. Nam veritas naturalis cum sit una, & una sit revelatio Divina, utraque abhorret a monstruosa illa compositione pugnantium rerum & religionum, & sibi vindicat dogmatum unitatem & cultus. Itaque religio Chistiana quemadmodum ex natura sua est omnino intolerans, si de Tolerantia Theologica in sensu ejusmodi philosophorum loquatur, ita est omnino tolerans si de tolerantia Civili sermo sit. Prior enim necessario nascitur ex certitudine argumentorum, quibus innititur mundities, integritas, sanctitas, ætque divinitas suorum dogmatum, Fidei, & Religionis; altera vero suum ducit ortum & consequitur a suavitatis indole ejusdem Evangelii, quæ cum sit lex amoris & gratiæ, in sui defensionem non adhibet, rigoroſe loquendo, nisi suadibilia. Civilis autem tolerantia perpendit solum quomodo se gerant homines, nec impedit quominus Magistratus & Imperantes vigilantiores sint pro conservatione ordinis & legum. Rectus vero ordo legesque nemini permittunt Religionem aggredi, quæ sit religio Imperii, nisi vel qui mittit, vel qui missus est supernaturalibus operibus, virtutibus & miraculis ostendat auctoritatem sibi Divinitus collatam, ad aliter agendum, uti fecerunt

Paris pag. 60. & alib. passim. Voltaire Diction. Philosoph. sur le Plaisir. Mélang. Voyag. de sacr. & alibi pass. Poème de la Loi Nat. Milit. Philos. ch. 20. aliique.

(1) Lettr. cit. pag. 53. & 67.

fecerunt Apostoli, & uti quotidie facit Ecclesia Christi. Quare perniciosissima illius tolerantie species, quæ a spiritu Ecclesie omnino abhorret, non potest nisi contra rei naturam & per violentiam extrinsecus in praxim exire, quando scilicet legibus imperii cautum fuerit, ne quis propter suam religionem tam interiorē, quam exteriorē, & propter publicum externum cultum, vel turbetur, vel minimum detrimentum patiatur.

VIII. Attamen Ecclesia cum nullam compositionem agere possit cum quolibet errore & falsitate doctrinæ, hinc adversantur ejusmodi conscientie libertati, totisque viribus sese opponunt Catholici omnes, & permulti etiam Protestantes, inter quos pauci sunt qui eo errore ducuntur, ut contendant libertatem ejusmodi esse veluti naturæ ingentam. Quare in Communione Anglicana, non solum tolerare nolunt Catholicos, sed respuunt etiam presbyterianos, aliosque; inter Scotos vero non tolerantur Episcopales. Præterea notissimum est, maxime vero ex iis qui, volente Calvino, igne combusti sunt, Calvinistas exteriorē intolerantiam cooptasse dogmatum & personarum; utramque vero damnare Bælium, sed tantum probare contra Catholicos, propterea quod ipsi intolerantiores sunt, & habent dogmata, quæ adversari arbitratur publicam, tranquillitatem Imperii (1). Sed scriptorum impiissimus ignorabat dogmata Ecclesiæ, æque ac suam intolerantiam. Ecclesia enim Catholica quemadmodum tolerat, atque permittit filios suos pacifice vivere inter se, theologica tolerantia in sensu a nobis datæ definitionis, ita Civili tolerantia præcipit pacificam ducere vitam cum infidelibus quibuscumque. Contra vero si tolerantia theologica sumatur in sensu illorum philosophantium, Ecclesia in sua communionē neminem tolerat,

(1) Bayle de la Toleranc. Univers. tom. 1. discours Prelimin. pag. 110. edit. Rotterdam 1713. & tom. 2. Chap. 31.

lerat, quamobrem nemini suam donat communionem, qui sub uno Capite Christo, ejusque Vicario Romano Pontifice non profiteatur eandem fidem, easdemque regulas morum non amplectatur.

IX. Sed opus est animadvertere intolerantiam eorum omnium, qui sunt extra Ecclesiam non esse ejusdem indolis atque naturæ, ac intolerantia Ecclesiæ Catholicæ. Etenim apud ibidem memoratos aliosque populos, uti sunt Dani, Suevi, Helvetii, & Germanorum non pauci, intolerantia tota exterior est, non vero interior: Siquidem intrinsecus omnes tolerantissimi sunt, omnesque concedunt homines Catholicam Religionem tuentes consequi posse salutem æternam. Contra vero Ecclesia Catholica quamquam extrinsecus sit aliquando tolerans, intrinsecus tamen est omnino intolerans, non solum quia constantissime negat hominibus, qui extra sua castra vagantur, sperandam esse salutem; verum etiam quia intrinsecus respuit quidquid non probat, neque probat nisi quæ certissima revelatione a Deo sunt sibi concredita. Extrinsecus vero non item. Multa quidem tolerat atque permittit, quæ non sunt certissima revelatione firmata, sed neque mala, neque falsa possunt haberi. Igitur non immerito observatur a multis quod recentiorum hæreticorum Communiones, & societates, quamquam aliquando mutuam inter se persecutionem exercuerint, tamen ipsa manente dogmatum discordia, coaluerunt, ut veluti inito fœdere una voce damnarent Romanam Ecclesiam, propter suam inflexibilem Intolerantiam circa quodlibet dogma, quod doceatur vel rejiciatur ab ipsa. Idem faciunt ætatis nostræ quidam minorum gentium philosophi, qui de sua perfidia & incredulitate gloriantur.

X. Nec vero inter nostrates desunt plures qui non ea qua opus est præcisione de Tolerantia loquuntur. Nam confundunt sæpe sæpius non solum ea quæ pertinent

nent ad tolerantiam Ecclesiasticam, cum iis quæ Politicam tolerantiam respiciunt; sed etiam tolerantiam erroris cum tolerantia opinionis, & cum tolerantia personæ. Profecto Ecclesia Christi si de errore loquatur, atque de persecutione verbi, intolerans omnino est, si autem de opinione tolerantior, tolerantissima vero si de persecutione gladii, quæ tota pertinet ad Imperium. Persecutio seu intolerantia quæ dicitur Verbi, in duas dividitur species, in partialem scilicet atque totalem. Totalis ea est quæ etiam plenissima dici potest, quæque damnat & anathematizat non modo errores, verum etiam errantes, ubi perniciosos reperiat; sed per se ipsa nunquam gladium stringit contra illos. Quæ vero partialis est versatur circa solos errores, sed nullam patitur exceptionem, quoniam Ecclesia nunquam errores tolerat, vel tolerare potest, etiam si toleret interdum errantes; quamobrem non semel opportune creditur mitius agendum esse cum ipsis, donec affulgeat spes aliqua revocandi eos ad veritatem.

„ Non enim, ait S. Augustinus, propter malos boni
 „ deferendi, sed propter bonos mali tolerandi sunt:
 „ sicut toleraverunt Prophetæ contra quos tanta dice-
 „ bant, nec communionem sacramentorum illius po-
 „ puli relinquebant: sicut ipse Dominus nocentem,
 „ Judam usque ad condignum ejus exitum toleravit,
 „ & eum sacram cœnam cum innocentibus communi-
 „ care permisit, sicut toleraverunt Apostoli eos quæ
 „ per invidiam (quod ipsius Diaboli vitium est) Chri-
 „ stum annunciabant &c. (1) „.

XI. Quando vero Ecclesia de errantium conversione desperat, eorumque errores quotidie fieri perniciosiores, tunc utrosque simul damnat & anathematizat. Sed aliud est Tolerantia, aliud impunitas, & aliud sunt crimina morum, aliud crimina perfidiæ, seu er-
 rores

(1) August. ep. 48. ad Vincent. Rogatist.

rores doctrinæ. Crimina puniuntur intra Ecclesiam, donec peccatores sese subjiciant ipsius auctoritati, & pœnitentiam amplectantur. Expelluntur vero ab Ecclesia, si per crimen erroris & perfidiæ, pertinaces & rebelles fiant. Igitur cum S. Augustino distinguendi sunt homines, & eorum crimina. Alii enim *audiunt & non faciunt*, uti sunt qui fidem habent sine operibus, alii audiunt & faciunt, uti sunt qui habent fidem & opera, alii denique neque audiunt, neque faciunt, ut qui neque fidem habent, neque opera, vel si hæc habent, non sunt ex Fide & Charitate; ac ideo neque sunt ad vitam. Quare Sanctus Augustinus regulam, ponit *Ecclesiam tolerare eos, qui audiendo & non faciendo ædificant super arenam* (1).

XII. Attamen observandum est tolerantiam ejusmodi exteriorem esse, non vero interiorem. Nam Ecclesia, uti diximus, intrinsecus est omnino intolerans tam in ordine ad Fidem, quam in ordine ad mores; & nonnisi extrinsecus tolerat quidquid tolerare dicitur. Ex hoc fit, quod Tolerantia doctrinæ continuo præferret tolerantiam simul & personarum, sed non e contra: nam ea quæ dicitur tolerantia personæ sæpe excludit tolerantiam doctrinæ. Et hi sunt gradus tolerantiaæ æque ac intolerantiaæ, quibus vel dicitur uti, vel revera utitur interdum Ecclesia Christi. Primus gradus cum sit Tolerantia quæ vocatur erroris, in Ecclesia non datur, nisi in sensu negativo, quatenus scilicet non semper errores vix natos, apertissima & plenissima damnatione percutit. Itaque hujusmodi Ecclesiæ tolerantia nihil aliud est, quam *apertissima & plenissima erroris non damnatio*. Gradus vero secundus est tolerantiaæ personarum, quæ utique positiva est, ac habetur quando Ecclesia errantes non expellit, neque anathematizat. Tertius denique gradus est tole-

H

rantiaæ

(1) August. de Unit. Eccles. c. 16.

rantia personarum simul & erroris conjunctim . Sed patet ex hoc quomodo distinguenda sit tolerantia *Positiva* a tolerantia *Negativa* . Prior sive sit personæ, sive sit erroris dari plenissime potest in Imperio, non, autem in Ecclesia, in qua partialis tantum haberi potest, ea quippe quæ personæ vocatur . Secus vero de *Negativa* dicendum est, quæ quidem reperitur in Ecclesia eque ac in Imperio; sed cum in ipso possit esse aliquando diuturna, ex adverso in Ecclesia non potest esse nisi brevissima .

XIII. Sed quemadmodum Imperium corporaliter & publice punire solet peccata, quæ societatem conturbant, ita & Ecclesia spiritualiter & publice non raro punit, ac punire potest peccata, quæ turbant pacem Christianorum & fidem . Quare intolerantia erroris templa negat publice haberi; quia negat suum præstare assensum ad falsum cultum, & quia neque connivere, neque tolerare ullo modo potest Ecclesia, ut hæreticorum cultus, eorumque omnium, qui intra sua castra non militant, communis fiat cum proprio . Quamobrem Sanctus Ambrosius, & Sanctus Joannes Chrysostomus fortiter resisterunt, ne Arianis templa concederentur . Verumtamen Imperium etiam Christianum & Catholicum, sæpe sæpius permittit hæc omnia *Civili* seu *Politica tolerantia*: atque Ecclesia etiam si continuo testetur eandem execrari, ne videatur tolerare hæresim & superstitionem, tamen tolerat sæpissime Civilem illam Imperii tolerantiam, quamobrem Civilem Potestatem neque anathemate ferit, neque prius ab Imperio turbata, nititur & ipsa turbare pacem & tranquillitatem reipublicæ, quæ nunquam ab Ecclesia, sed tantum a se ipsa turbatur . In Imperio enim, ad quod non pertinet doctrinæ divinitus revelatæ depositum, tolerantia tum personæ, tum erroris, non semper est novus error contra doctrinam, & fidem Eccle-

Ecclesiæ . Id ergo totum est quod non semel facit , ac facere tuto potest Ecclesia Christi ; *tolerantem se præbere Civilis Tolerantiæ* .

XIV. Verum Civilis Potestas ubi religionem Christianam profitetur , sine magna necessitate non potest , salva conscientia , ejusmodi tolerantiam adhibere . Nam si pravo toleret consilio , ut hæresi potius faveat , quam ut majora mala devitet , culpabilis omnino est ejusmodi tolerantia , neque connivere solet Ecclesia , sed arguere , obsecrare , increpare in omni patientia & doctrina . Secus vero si potestas Civilis toleret necessitate compulsa . Atque ex hoc elucet tam in Ecclesia , quam in Christiano Imperio omnis constantia , omnisque moderatio . Nam quemadmodum Ecclesia Divinitus edocta indefinenter optima ratione se gerit , ita & Summus Imperans , ad quem pertinet Civilis tolerantia , in hoc potest modo bene , modo vero male se gerere , quandoque occurrunt circumstantiæ , in quibus tolerare potest , vel etiam debet errores ; & rursus tempora sibi incidunt , quando sine fidei jactura , & sine scandalo pusillorum tolerare nequit omnino . Non ita se res habet si de tolerantia Ecclesiastica sermo sit . Nam Ecclesia quamquam tolerantia gladii rectissime dicitur tolerare personas , semperque revera toleret , etiam quando gladium , vim scilicet Imperii arbitratur optime sibi esse impetrandam in ipsas , ut efficacior medicina paretur , tamen nunquam nisi negative , & ad brevissimum tempus , tolerat vel tolerare potest errores . Hinc agebat Sanctus Ambrosius Valentiniano Augusto . „ Te Imperatore hoc petitur , & po-
„ stulatur , ut aram jubeas elevari , sumptum sacri-
„ ciiis profanis dari ? Sed hoc non potest sine sacrile-
„ gio decerni Certe si aliud statuitur , episcopi
„ hoc æquo animo pati & dissimulare non possumus .
„ Licebit tibi ad Ecclesiam convenire , sed illic non in-

„ venies sacerdotem , aut invenies resistentem . *Ali-*
 „ *ni erroris societatem suscipere non possumus* (1) „ .

XV. Patet ergo quænam sit differentia inter toleran-
 tiam Imperii , & tolerantiam Ecclesiæ , in religionis
 negotio . Nam Imperium , in quantum Imperium est ,
 ex natura sua cum nullam religionem persequatur , sed
 omnes toleret atque tolerare possit , nisi turbent Rei-
 publicæ tranquillitatem ; maxime vero persequi nullo
 jure potest Catholicam , quæ Divina est , quæque uti
 jam demonstratum est , rempublicam perficit atque con-
 solidat . In quantum vero Summus Imperans Christia-
 nus est , debet Ecclesiæ Catholicæ sese conformare , de-
 bet Divinum cultum promovere , unicam fovere reli-
 gionem , Ecclesiam denique unam Apostolicam adju-
 vare , non vero in miserrimam servitutem redigere .

„ Un Prince, quoique maître souverain dans ses États,
 „ quoique comptable à Dieu seul de l'exercice de sa
 „ puissance , ne doit jamais ni décider , ni approuver ,
 „ ni établir l'erreur , ni persécuter la vérité (2) „ .
 Contra vero Ecclesia quum nullum toleret vel tolera-
 re possit errorem , vel regnantem in folio , rursusque
 tolerantia gladii omnes homines toleret , & neminem
 gladio persequatur , maxime ergo tolerare debet Sum-
 mum Imperantem , non modo ubi errare conspiciat
 circa religionem , sed etiam quando ab ipso patitur
 persecutionem , qui est supremus tolerantia gradus(3).
 Ex eo itaque fit ut Ecclesia , cum non desinat verbo
 monere filios suos , de Imperantium errore in re reli-
 gionis , ne potentiori exemplo contaminentur , repro-
 bare simul non cessat , quamlibet subditorum rebellio-
 nem in Summos Imperantes . Orare & pati sunt arma ,
 quæ errantibus persecutoribus opponit Ecclesia Chri-
 sti ,

(1) Ambros. ad Valent. Imper. epist. 11.

(2) Gauchat preface in tom. 14.

(3) Tertull. Apologet. cap. 31. & seq.

fi, quæque tamen efficacissima sunt apud Deum (1).

XVI. Quemadmodum ergo Ecclesiæ intolerantia tota sita est in damnatione omnium errorum, & in errantium proscriptione, qui ejus spernentes auctoritatem, ab unitate doctrinæ recedunt; ita & tolerantia ipsius in non damnatione consistit. Attamen per intolerantiam quæ interior est, non studet Ecclesia nisi custodire Fidei Depositum, per eam vero quæ exterior est non insuper quærit errantium sanguinem & destructionem, sed eorum salutem: neque alio unquam utitur medio nisi sapientia & Charitate. Igitur Ecclesia duplici damnatione utens, intolerans quidem est, sed non ducitur nisi spiritu veritatis, suavitatis, & mansuetudinis, qui spiritus Christi est; non abutitur sua potestate, sed summa utitur æquitate atque moderatione. Insuper Ecclesia Christi procedit etiam ulterius in ordine ad personas. Nam ut majora mala devitet non raro accidit, ut ea hominis tolerantia quæ tota exterior est, errantes aliquando diutissimè toleret intra sua castra, præsertim vero si agatur de Summis Imperantibus, itemque si spes aliqua affulgeat eos revocandi ad veritatem.

XVII. Attamen patet errantes ejusmodi, qui interioris charitatis & fidei vinculo carent, sub anathemate degere, ac interius ab Ecclesiæ unitate sejunctos esse. Et quanquam indulgentia quadam sapientissime tolerati sint extrinsecus ab Ecclesia, tamen ipsi non ideo sunt coram Deo minus culpabiles & contumaces, quam si exteriori sua communione spoliaret Ecclesia. Et revera quilibet Christianus veluti induratus & obcæcatus habendus est, si cum sit oneratus peccatis, tamen propter illam exteriorē sacramentorum participationem, confidit se esse minus peccatorem, & minus re-

(1) Censure de la Faculté de Théologie de Paris, contre le livre qui a pour titre = *Belisaire* = pag. 118, & seq.

bellem Ecclesiæ. Non enim exteriora sufficiunt ut quis ducatur spiritu Christi, & sit vere plenoque jure Christianus, sed necessaria insuper est Charitas de corde puro, & de fide non ficta. Quare malæ conscientia reatus eo magis crescit, quo magis abutuntur potentes cultu & religione sacramentorum Ecclesiæ.

XVIII. Ergo intolerantia Christiana quum prudentissima sit, tamen ubique terrarum semper est eadem, semper firmissima, & nunquam minus accurata. Ratio vero qua se gerunt Imperantes vel erga semetipsos, vel erga eos, qui falsam tuentur religionem, nunquam potest esse regula Ecclesiæ, quæ Divinitus edocta a nemine discit, omnesque docet. Quare tolerantia civilis cum a Societate, vel a Summo Imperante dependeat, est ubique varia & mutabilis: Christiani vero quin potius iudices sese constituere audeant sui Principis, vel contra Dei mandatum turbare præsumant Civilem Societatem, aut unum violare officium æquitatis, tenentur in rebus hujusmodi honorem & obedientiam Summo exhibere Imperanti, rursusque cavere a fermento ipsius malitiæ, & firmissime inhærere regulis Ecclesiæ in iis omnibus, quæ religionem & cultum respiciunt sive interiorem, sive exteriorem. Quare docuit ipse Dupinius, quod *Ecclesia non debet legibus principum parere, cum in destructionem legis Dei condita sunt* (1).

XIX. Luculentissima exempla tradiderunt nobis primitivi Christiani, qui quum separati essent constantissime a cunctis infidelibus, in iis omnibus quæ religionem respiciebant, pacifice tamen vitam suam debebant cum ipsis, in ordine ad ea omnia quæ Civilia dicuntur: itemque jura societatis & officia præ oculis habentes, reipublicæ inserviebant in iis omnibus, quæ temporalia sunt, neque pertinere arbitrabantur ad religionem.

(1) Du Pin de Antiq. Eccles. Discipl. Dissert. 7. cap. 3. §. 4.

ligionem. *Quapropter Christiani bonis moribus & observatione legum* (ait hereticus homo Joannes Clericus), *quæ quidem religioni suæ non adversantur, Magistratum protectionem demereri opus habent* (1). Atamen tolerandi personas plures solent esse causæ quæ patent ex dictis, magisque patebunt ex infra dicendis; tolerandi autem errores nullam causam habet, vel habere potest Ecclesia, ut superius diximus; plures vero sæpissime solet habere Imperium.

XX. Quamobrem tam longe est, ut *ex principatus natura intolerantia consequatur in religionis negotio*, ut e contrario Imperium, in quantum Imperium est uti diximus, quamlibet religionem toleret, quæ non turbet reipublicæ tranquillitatem: Rursusque religio, si vera religio est, ex sui natura nullo jure pertinet ad inspectionem vel jurisdictionem Imperii, ac proinde falsissimum est Imperium ex natura sua expellere debere, vel exterminare dissidentes in Religione. Inanis ergo Ticinensis contentio, quæ in medio spatio frangitur & corrui. Quid enim tolerantiam a permissione tam sollicitè distinguere curat, qui sæpe sæpius confundere solet tolerantiam Imperii, cum tolerantia Ecclesiæ? Si enim verum est, quod ipse affirmat pag. 60: *Tolerari quæ mala sunt, & illicita; & Ecclesiam pluram licite posse & debere tolerare mala*, non poterat asserere nisi vel callide, vel imperite quæ pag. 5. ita leguntur. „Nec ideo putandum est tolerantia fines esse „solum Legislatoris silentium super aliqua re vel actione, quasi lex quælibet, quæ a potestatibus fiat, „tolerantiam in permissionem convertat, ac bonum, „vel saltem indifferens illud reddat quod malum est. „Habet Tolerantia leges suas, quibus & legislatoris „voluntas declaratur, & tolerantia fines præscribuntur. Nolo de variis modis differere, quibus vel le-

(1) Cleric. Hist. Eccles. Proleg. Sect. 3. cap. 4. n. 12.

„ ges abeunt in defuetudinem, vel aliqui abusus tole-
 „ rari a Principe intelliguntur Nobis fatis est
 „ animadvertere etiam tolerantiam eorum quæ mala
 „ sunt, posse per legem indici, nec idcirco toleran-
 „ tiæ naturam mutari, quia hæc per legem effertur.
 „ Notum est omnibus libellum repudii, non quidem
 „ permissum ut bonum, vel tamquam indifferentem
 „ a lege Moyſis fuiſſe, ſed ſolum toleratum ut minus
 „ malum. At quis ignorat legem ſuper hanc rem la-
 „ tam a Moyſe, modumque per legem fuiſſe præſcri-
 „ ptum, quo id executioni mandaretur? Leges vero
 „ civiles & Eccleſiaſticas, quæ tolerantiam reſpiciunt
 „ quis enumeret „?

XXI. Falsum in primis est, Eccleſiam indicere poſſe
 leges ad toleranda quæ mala ſunt, neque exemplum
 ejuſmodi invenitur in tota Eccleſiaſtica hiſtoria. Sed quid
 tanta cura miſcere ſtudet ibidem & alibi leges Imperii,
 cum legibus Eccleſiæ? Quid data opera confundit to-
 lerantiam & legiſlationem unius, cum tolerantia &
 legiſlatione alterius? Quid leges Eccleſiæ cum jactet
 pro tolerantia malorum, ne unam quidem aſſert, &
 unico allato exemplo confugit ad Moyſen in veteri
 Teſtamento? Quid hoc? Niſi veriſſimum ſit quod ſu-
 perius animadvertimus, Scriptorem illum inducere
 voluiſſe in legentium animum, leges Eccleſiæ vim
 non habere obligandi hominum conſcientias, niſi prius
 legibus Imperii firmatæ ſint? Verumtamen neminem
 arbitror ignorare Matrimonium in Veteri Judæorum
 fœdere, quamquam actus religionis extiterit, propte-
 rea quod in Theocratica ipſorum republica, omnia
 ad Religionem ſpectabant, totumque regimen religio-
 ſum erat, tamen nonniſi rationem civilis contractus
 habuiſſe, nunquam vero ſacramenti, ad cujus digni-
 tatem ſuſtulit Chriſtus, nec non legem Moyſis longe
 diſtaſſe a perfectione Evangelii. Quare Libellus re-
 pudii

pudii nihil probat pro malorum tolerantia, quam Tici-
 nensis tribuit Ecclesiæ Christi. Ceterum si de Judæis
 sermo sit, notissimum est, omnimodam Religionis in-
 tolerantiam a Deo fuisse iisdem sæpissime imperatam,
 præsertim vero in Deuteronomio verbis huiusmodi „ Si
 „ tibi voluerit persuadere frater tuus aut amicus,
 „ quem diligis ut animam tuam, clam dicens: Ea-
 „ mus, ut serviamus diis alienis, quos ignoras tu,
 „ & patres tui non acquiescas ei, nec audias, ne-
 „ que parcat ei oculus tuus, ut miserearis & occul-
 „ tes eum, *sed statim interficies*. Lapidibus obrutus
 „ necabitur &c. „ (1)

XXII. Præterea ex intolerantia religionis Judaicæ
 profluere patet non solum divisionis murum inter
 ipsos & gentes omnes, & perpetuam inimicitiam eo-
 rum cum Samaritanis, verum etiam pœnas latas con-
 tra Sadducæos, quorum secta in medio Judæorum ne-
 gabat dogma immortalitatis animæ. Quamobrem in
 pœnam erroris ejusmodi excludebantur ab officiis &
 honoribus publicis, ut animadvertit acatholicus vir,
 tolerantique patronus Henricus de Cocceii (2). De-
 nique in exordio Ecclesiæ nemo non scit repugnan-
 tiam, quæ diutius persistere visa est inter fideles ex
 Judaismo, & fideles ex Gentibus ad Christum conver-
 sos. Quare libellus repudii in Judæorum matrimo-
 nio sub ordine illius Providentiæ Divinitus permis-
 sus, nonnisi minus bonum fuisse demonstratur, mi-
 nusque bona in Judæorum Ecclesia fuisse Divinitus
 permessa, nunquam vero quæ mala revera sunt tolera-
 ta. Non me tamen latet etiam minus bona, aliquan-
 do mala vocari; quoniam cum melioribus compara-
 ta,

(1) Deuter. cap. 13. v. 6. & seq.

(2) Cocce. Commen. ad Hugon. Grot. de poenis lib. 2.
 cap. 20. §. 50.

ta, mala revera videntur. Nam cuique non est bene, ait Sanctus Augustinus, si melius esse potest. Quare si nobis potest bene esse cum ipsa veritate, male sumus cum quolibet vestigio veritatis (1).

XXIII. Sed danda opera est, ut Scriptoris Ticinensis perpendamus asserta. Facilius enim ad propositum deveniemus. Afferit ergo cap. 1. §. 4. pag. 4. *illud certum esse non permitti nisi quod licitum est... At utrumque actionum permissarum genus res vel bonas, vel saltem natura sua indifferentes respicit, quæ ob eam causam permissæ dicuntur. Quare quod malum est, non permittitur, sed toleratur.* Quemadmodum ergo, ipso iudice, omnia quæ permittuntur, licita & bona sunt, ita quæ tolerantur non sunt nisi illicita & mala. Priora dicuntur permitti comparatione aliorum, quæ cum sint magis bona, præcipiuntur; posteriora vero quæ tolerantur *per effectum patientiæ* (pag. 2.) non possunt esse secundum spiritum Christi, neque secundum spiritum Ecclesiæ. Equidem Ecclesia fidesima Christi sponsa cum tota pulchra sit, non habens neque maculam neque rugam, nunquam datis legibus tolerat, vel tolerare potest, quæ Scriptor ille ad tolerantiam pertinere affirmat. Quare tota malorum tolerantia pertinet ad Imperium, non ad Ecclesiam, in qua non alia Tolerantia reperitur, vel reperiri potest, præter tolerantiam personarum, tolerantiam negativam, & illam quæ recte dici potest Tolerantia Civilis Tolerantiæ. Ceterum in Ecclesia castigate loquendo, etiam juxta Ticinensis principia, non habetur nisi Permissio; quoniam Ecclesia cum optima quæque cupiat, non potest assentiri nisi bonis & veris, coniventiam vero iis præbere, quæ mala non sunt, sed probabiliter bona, aut saltem minus bona, facta com-
para-

(1) August. de Ver. Relig. cit. med.

paratione aliorum quę sunt meliora . Quę autem falsitatem præferunt , & mala revera sunt , ab Ecclesia continuo reprobantur .

XXIV. Clarissima est S. Augustini doctrina super hoc dicentis . „ Carnales autem suos viventes , aut „ sentientes carnaliter , tanquam paleas tolerat (Ecclesia) , quibus in area pro voluntate quisque vel „ palea , vel frumentum est , tandiu sustinetur peccatum aut error cujuslibet , donec aut *accusatorem* „ *inveniat* , aut *pravam opinionem pertinaci animositate defendat* „ (1) . Præterea omne malum , eodem S. Doctore judice , cum sit *inordinatus affectus* , quo *creaturę potius , quam Creatori servitur* (2) ; Ecclesia vero *Catholica mater sit Christianorum verissima* (3) , neque possit facere , aut docere malum , sed *damnet continuo mores hominum qui mali sunt , & continuo malos filios corrigere studeat* (4) ; hinc est quod tandiu tolerat errantes etiam si mali sint , quandiu sperat eos revocare ad bonam frugem . Quanto magis ergo potuit vel debuit Ecclesia tolerare Cyprianum errantem circa Baptismum , & Massilienses circa initium Fidei , aliosque aliter aberrantes a veritate , qui non mali sed optimi ac sanctissimi viri erant ? Attamen Ecclesia nunquam tacuit super ipsorum errores , ac proinde falsissimum est quod Ticinensis exemplo eorum temere proponit (cap. 4. §. 4. pag. 49.) *errorem licite posse , imo & debere aliquando ab Ecclesia tolerari* .

XXV. Augustinum præcesserat in eadem verissima doctrina Sanctus Pacianus „ Vides ergo (aiebat Symproniano) non pœnitentibus dictum , sed de iis , „ qui

(1) August. de Ver. Relig. cap. 6.

(2) August. ibid. paul. infer.

(3) August. de Morib. Eccles. cap. 30.

(4) August. ibid. cap. 34.

„ qui non solum ipsi in facinore perseverant, verum
 „ etiam qui nos scandalizare non desinunt. Hi quam-
 „ libet cari sint, relinquendi: quamlibet utiles, de-
 „ ferendi sunt. Proponis adhuc dixisse Apostolum
 „ Paulum: *Auferte malum ex vobis ipsis, malum uti-*
 „ *que perseverans*. Ceterum pœnitentia malum non
 „ est Qui nec dum pœniteat, qui nec dum impro-
 „ bus esse desierit Deinde vides, quod hic ipse
 „ peccator incestus non morti traditur sed Satanæ,
 „ ad emendandum, ad colaphizandum, ad pœniten-
 „ dum. Denique ait: ad interitum carnis, non ta-
 „ men animæ, non etiam spiritus, sed ad solius car-
 „ nis interitum, tentationes scilicet, carnis angustias,
 „ detrimenta membrorum &c., (1). Sed redeamus
 ad Sanctum Augustinum, quoniam tanto Doctore po-
 tiori jure quam Ticinensis gloriamur.

XXVI. Equidem fateor cum ipso præscindendæ U-
 nitatis nullam extare juxtam causam, sed plurimas
 contingere, quibus opus est, jam præcisę a Novato-
 ribus Unitatis doctrinæ reatum vulgare, ne simplicio-
 res viri scandalum patiantur. Unitas enim Ecclesiæ
 non pendet a pace cum errantibus, ut falso Scriptor
 ille arbitratur, sed ab Unitate Magisterii, Cathedræ,
 atque Doctrinę. Quare Novator statim ac novam do-
 ctrinam spargit, ac nova dogmata docet, quæ non
 sunt Ecclesiæ, novum etiam magisterium, novam ca-
 thedram, novum altare, & novam Ecclesiam erigit
 quę non est Christi. Atque si pertinacia laboret ab
 antiqua Ecclesia discedens, jam foras exivit, jam præ-
 cisus est, jam judicatus est. „ Nam ubi non Christus
 „ (ait Augustinus) qui veritas est, sed falsitas & men-
 „ dacium prædicatur, apertissime prohibet (Aposto-
 „ lus) ad Galatas dicens, si quis vobis evangelizave-
 „ rit

(1) Pacian, ad Sympron, eplâ. 3. infr. med.

rit præter id quod accepistis, anathema sit (1). At-
 tamen *quid tam bonum, & tam jucundum, quam*
habitare fratres in unum (2)? Sed eligite, inquit,
 quod velitis, *aut non obesse in una Communione te-*
nebras luci, sed sufficere luci ut tenebras improbet,
 & eas pro Unitate, si expellere non potest, toleret,
 atque ita non fuisse causam cur ab innocentibus fra-
 tribus, quos malos certe non potuistis ostendere,
 si vobis cognitos etiam fuisse dicatis, tenebroso
 schismatis sacrilegio disjungeremini: aut si non suf-
 ficit luci ut improbet quas expellere non potest te-
 nebras, idest, si non sufficit bonis, ut improbent
 malos, quos excludere vel emendare non possunt,
 facilius unus Optatus partem Donati maculavit,
 quam quilibet Afer traditor tot gentes per orbem
 terrarum &c. *Quisquis ergo vel quod potest ar-*
guendo corrigit, vel quod corrigere non potest,
salvo pacis vinculo excludit, vel quod salvo pacis vin-
culo excludere non potest, equitate improbat, firmita-
te supportat, hic est pacificus, & ab isto maledicto im-
 munis quod Scriptura dicit. Væ his qui dicunt quod
 nequam est bonum, & quod bonum est nequam &c.
 (3). Ergo præcidendæ unitatis nulla est justa neces-
 sitas, cum sibi nequaquam spiritualiter nocituros ma-
 los ideo tolerant boni, ne spiritualiter sejungantur a
 bonis, cum disciplinæ severitatem consideratio cu-
 stodiendæ pacis refrenat aut differt quam tamen secu-
 ritas exerit, *cum apparet sine vulnere schismatis ad*
salubrem correctionem, posse aliquid ecclesiastico ju-
dicio vindicari (4).

XXVII. At-

(1) August. contr. Parmen. lib. 2, cap. 11.

(2) August. ibid. cap. 1.

(3) August. ibid. cap. 1.

(4) August. ibid. cap. 11.

XXVII. Atqui fumus non ad eradicandum, sed ad corrigendum. Verum si correpti a nobis errantes resipiscere noluerint, neque se pœnitendo emendaverint, ipsi foras exiisse putantur, atque sponte ab Ecclesiæ unitate discessisse: quàmobrem metus amplius non est eradicandi triticum (1). Itaque Augustini firmissima regula est, ut cesset quælibet tolerantia etiam personæ, statim ac cujusque crimen ita notum est, & omnibus execrabile apparet, ut vel prorsus nullus, vel non tales habeat defensores, per quos possit Schisma contingere: non dormiat severitas discipline, in qua tanto est efficacior emendatio pravitatis, quanto diligentior confirmatio charitatis... Tunc autem hoc sine labe pacis & unitatis, & sine læsione frumentorum fieri potest, cum Congregationis Ecclesiæ multitudo ab eo crimine quo anathematizatur aliena est. Tunc adjuvat Præpositum potius corripientem, quam criminosum resistentem. Tunc se ab ejus conjunctione salubriter continet, *ut nec cibum quisquam cum eo sumat, non rabie inimica, sed coertione fraterna*. Tunc etiam ille & timore percutitur, & pudore sanatur, cum ab universa Ecclesia se anathematizatum videns, sociam turbam cum qua in delicto suo gaudeat, & bonis insultet, non potest invenire Ita enim & salva pace corrigitur, & non interfectorie percutitur, & medicinaliter uritur. Propterea & de illo dixit quem tali medicina sanari voluerat, satis huic est correptio quæ fit a multis. Neque enim potest esse salubris a multis correptio, nisi cum ille corripitur, qui non habet sociam multitudinem. Cum vero idem morbus plurimos occupaverit, nihil aliud bonis restat, quam dolor & gemitus ... Et re-

vera

(1) August. ibid. lib. 3. cap. 2.

„ vera si contagio peccandi multitudinem invaserit,
 „ divinæ disciplinæ severa misericordia necessaria est:
 „ nam consilia separationis & inania sunt, & pernicio-
 „ siosa atque sacrilega, quia & impia & superba
 „ sunt, & plus perturbant infirmos bonos, quam
 „ corrigant animos malos (1).

XXVIII. Qui vero accusatorem habent, & pravam
 opinionem pertinaci animositate defendunt, non am-
 plius tolerantur ab Ecclesia, sed excluduntur. „ Ex-
 „ clusi autem, ait S. Doctor, aut pœnitendo redeunt,
 „ aut in nequitiam male liberi defluunt ad monitionem
 „ nostræ diligentie, aut schisma faciunt ad exercita-
 „ tionem nostræ patientiæ, aut hæresim aliquam gi-
 „ gnunt ad examen sive occasionem nostræ intelligen-
 „ tiæ. *Hi sunt exitus Christianorum carnalium, qui*
 „ *non potuerunt corrigi, aut sustineri* (2). „ Sed quem-
 admodum in Civili republica evenit aliquando, ut unus
 pro alio, innocens pro peccatore non semel absque in-
 juria pœnis afficiatur, (3) ita & in Ecclesia interdum
 contingere potest, ut cum fontibus etiam insontes ex-
 pellantur, atque anathemate percutiantur. Quare San-
 ctus Augustinus prosequitur ibidem, „ Sæpe enim finit
 „ Divina providentia propter nonnullas nimium tur-
 „ bulentas carnalium hominum seditiones, expelli de
 „ congregatione Christiana etiam bonos viros. Quam
 „ contumeliam vel injuriam suam, cum patientissime
 „ pro Ecclesiæ pace tulerint, neque *ullas novitates,*
 „ *vel schismatis, vel hæresis* moliti fuerint, docebunt
 „ homines quam vero affectu, & quanta sinceritatis
 „ gratia Deo serviendum sit. Talium ergo virorum
 „ propositum est, aut sedatis remeare turbinibus, aut
 „ si

(1) Auguſt. ibid. lib. 3. cap. 2.

(2) Auguſt. de Vera Relig. lib. 1. cap. 6.

(3) Vid. Ægid. Carler. Orat. habit. in Concil. Conſtantien.
 Conc. Lab. tom. 12. Colum. 1235.

„ si id non sinantur , vel eadem tempestate perseve-
 „ rante, vel ne suo reditu talis aut sævior oriatur, te-
 „ nent voluntatem consulendi etiam eis ipsis, quorum
 „ motibus perturbationibusque cesserunt, sine ulla
 „ conventiculorum segregatione usque ad mortem de-
 „ fendentes, & testimonio juvantes eam fidem, quam
 „ in Ecclesia Catholica prædicari sciunt. Hos coronat
 „ in occulto Pater in occulto videns (1).

XXIX. „ Repudiatis igitur (pergit S. Doctor) omni-
 „ bus, qui neque in sacris philosophantur, nec in phi-
 „ losophia consecrantur, & iis qui *vel prava opinione*
 „ vel aliqua simulatione superbientes, a regula & com-
 „ munionem Ecclesiæ Catholicæ *deviarunt*, & iis qui
 „ sanctarum scripturarum lumen, & spiritalis po-
 „ puli gratiam, quod Novum Testamentum vocatur,
 „ habere noluerunt, quos quanta potui brevitate per-
 „ strinxi. Tenenda est nobis Christiana religio, &
 „ *ejus Ecclesiæ communicatio quæ Catholica est*, & Ca-
 „ tholica nominatur, non solum a suis, verum etiam
 „ ab hominibus inimicis. (2) Quare multi corrigun-
 „ tur ut Petrus; multi tolerantur ut Judas; multi ne-
 „ sciuntur donec veniat Dominus, qui illuminet ab-
 „ scondita tenebrarum, & manifestet cogitationes cor-
 „ dis. Nam plerique *propterea nolunt accusare alios*,
 „ *dum se per illos* cupiunt excusare. Plerique autem
 „ boni Christiani propterea tacent, & *sufferunt alio-*
 „ *rum peccata quæ noverunt, quia* documentis sæpe de-
 „ feruntur, & ea quæ ipsi sciunt, *judicibus Ecclesiasti-*
 „ *eis probare non possunt*. Quamvis enim vera sint
 „ quædam, non tamen judici facile credenda sunt,
 „ nisi certis judiciis demonstrentur. Post hæc Au-
 „ gustinus excusat sese, aliosque Ecclesiæ Antistites quod crimi-

(1) August. de Ver. Relig. ibid.

(2) August. ibid. cap. 7.

criminosos viros tolerant aliquando in Ecclesia, ac dicit, „ Nos vero a Communione prohibere quenquam „ non possumus: (quamvis hæc prohibitio nondum sit „ mortalis, sed medicinalis) nisi aut sponte confessum, „ aut aliquo sive sæculari, sive Ecclesiastico iudicio „ nominatum atque convictum, „ (1). Denique S. Doctor Apostoli auctoritate concludit *non temere, aut quomodolibet sed per iudicium auferendos esse malos ab Ecclesiæ communionē: ut si per iudicium auferri non possunt, tolerantur potius, ne perverse malos quisque vitando, ab Ecclesia ipse, eos quos fugere videtur, vinciat in gehennam* (2).

XXX. Huiusmodi ergo sunt ab Augustino traditæ regulæ de novis erroribus damnandis, & de curandis atque vitandis hæreticis; ex quibus latissime patet Ecclesiam non posse datis legibus errores tolerare (uti falso Ticinensis contendit) nec unquam revera tolerasse mala, nisi modo negativo, quatenus scilicet cum, neque ad brevissimum tempus taceat super ea quæ miserrime grassantur, tamen prudentissime existimat aliquando sibi abstinendum esse a solemnī condemnationē ipsorum. Itemque cum erga errores nullam conniventiam adhibeat, ac insuper anathemate percutiat, quando accusatorem habent, & pertinaci animositate defenduntur, tamen ubi agitur de personis, Ecclesia patientissima est, præsertim vero si eluceat spes aliqua eas revocandi ad Catholicam veritatem, & ubi ex earum apertissima damnatione maiora mala non reformidet. Quare eodem teste Augustino, Ecclesia *alios invitat, alios excludit, alios relinquit. Suos tamen Carnales filios tolerat, donec tegminibus exuantur, quibus vestiuntur extrinsecus, ut cum fidelibus confundantur.* (3)

I

XXXI. Sed

(1) August. Serm. 351. de Poenit. n. 10. & seq.

(2) Aug. ibid.

(3) August. de Ver. Relig. cap. 6.

XXXI. Sed intolerantia ista non est intolerantia gladii, quæ in Ecclesia non habetur. Intolerantia verbi atque doctrinæ ea est, qua nititur expellere a se, a suaque communione eos omnes, qui falsa dogmata pertinaci animositate docent. Ita ut homines isti vel foras exeuntes, Ecclesiam apertissime deserunt, vel intus remanentes, hypocrisis sese ultro cooperiunt, ac veluti ad tenebras sponte damnati delitescunt. Quare Felix Papa III. & Romana Synodus aiebant Acacio = *Error, cui non resistitur approbatur, & veritas, quæ minime defensatur, opprimitur* (1). Nonaginta autem, episcopi Italiæ & Galliæ sub Damaso Papa concilio congregati inquiebant episcopis Illyrici = *Credimus autem languentes in isto conamine, non tarde a nostra separandos esse communione, & ab eis episcopatus nomen auferri, quatenus populi eorum, liberati errore respicerent* (2). Et episcopi Galliæ certiores facti a Joanne Papa VIII. de damnationes errorum Lamberti, & Adalberti, responderunt, „Judicium vestræ auctoritatis, quod privilegio beati Petri & Sedis Apostolicæ in eos & complices eorum, juxta sacros canones Spiritu Dei conditos, & totius mundi reverentia consecratos, & secundum ejusdem Romanæ Sedis Pontificum decessorum vestrorum Decreta protulistis, voto, voce, & unanimitate nostra, atque auctoritate Sancti Spiritus, cujus gratia in episcopali Ordine sumus consecrati, gladio Spiritus, quod est Verbum Dei, eos interimentes persequimur,“ (3). Itaque ipsi Calvinistæ ad instar Ecclesiæ Catholicæ statuerunt in sua pseudo-Synodo *nihil tolerandum, quod aliquo modo contrarium sit doctrinæ ibidem ab ipsis firmatæ*

(1) Felix & Synod. Rom. ad Acac. epist. 1. Concil. tom. 4.

(2) Relat. episcop. Ital. & Gall. ad episcop. Illyrici cap. 4. int. epist. Damas. apud Const. epist. 3.

(3) Concil. tom. 11. pag. 312. Edit. Venet.

mata ac definitæ (1). Juricus vero, qui tolerantiam, Civilem indivisam esse ab Ecclesiastica contendebat, omni conatu rejiciendam curavit utramque, neque civilem admittere voluit, qua contentus erat Basnagius, qui primus omnium de Tolerantia Civili & Ecclesiastica fufius pertractavit, ut alteram ab altera separaret (2).

XXXII. Quæ cum ita fint, non debet Ecclesia Christi errores atque hærefes ideo tolerare, quod totis viribus nitatur conservare vinculum pacis & unitatis, ut Ticinensis contendit. Etenim non aliud quam hoc in animis hominum instillare præsumunt hæretici illi tolerantissimi, qui Christi universalem Ecclesiam confingunt ex unione Sectarum omnium, quæ sub uno invisibili Capite Christo, Christianam religionem aliquo modo profitentur. Quare potius dicendum est Ecclesiam nullo modo posse tolerare errores, propterea, quod Unitatem Fidei necessario tuetur, neque pacem Christi habere potest cum hæresi. Ecclesia igitur quamquam nunquam sileat super novos errores, neque suum differat judicium, aliquando tamen novo anathemate illos percutere sapientissime differt, non schismatis timore cum errantibus pertinaciter, quoniam schisma natura sua nascitur, ubi pertinacia conspicitur, sed ne schisma eorum crescat, aliosque trahat secum propter errantium potentiam; itemque ne videatur præcipitanter egisse, maxime si spes aliqua affulgeat de correctione ipsorum.

XXXIII. Sed quod non potest facere Ecclesia, potest facere Imperium, quamquam sit Christianum. Nam Civilis Potestas potest aliquando, etiam salva fide & conscientia, diu tolerare non tantum errantes, verum

I 2

etiam

(1) Bossuet Advertis. 6, aux Protest. §. 18. 19.

(2) Bossuet ibid. §. 71.

etiam errores, quin legibus pœnalibus errores vel errantes afficiat. Veruntamen ut immunis a seductione remaneat, vehementer cavendum, ne civilis ista tolerantia Ecclesiastica fiat, propterea quod, ut animadvertit clarissimus Bossuetus, omnes nova molientes circa religionem, tolerantia civili sese præbent contentos, ut ejusmodi sub mentito colore, *perfectum* quod vocant *Tolerantissimum* propugnent. „ Ex hoc nascitur, „ ait Bossuetus, quod magnos clamores tollunt, statim „ ac magistratus in ipsos animadvertere curat; sed no- „ vatoribus mens atque finis est sub specie miseri- „ cordiæ, ac Civilis tolerantia; Indifferentiam intro- „ ducere religionum, quemadmodum ipse Calvini „ discipulus Jurieus ultro confessus est (1), „ & confes- si sunt Calvinistæ omnes, qui Amstelodami Synodum habuerunt. Etenim ajunt ipsi, docuit experientia eos qui tantam charitatem, atque misericordiam prædicabant erga Socinianos, Socinianos & ipsos fuisse (2). Quare pseudo illa Synodus Calvinianorum, non solum anathematizavit ejusmodi tolerantia, & misericordiæ prædicatores, verum etiam Inquisitores elegit, qui auctoritate pollerent in illos animadvertendi. Ex quo factum est, ut Calvinistæ probarent in sua communione illud Inquisitionis tribunal, quod paulo ante in communione Romana vehementer damnaverant, & iterum damnat Ticinensis, veluti duritiem, dominatum, atque conscientiarum cruciatum. Quare videtur ipse (aliter tamen credo) pari misericordia motus ac illi, qui præcedenti sæculo, ut sub specie pietatis atque misericordiæ Conscientiæ Libertatem introducerent, tolerantiam Civilem, non Ecclesiasticam efflagitabant (3). Qui ergo utramque tuetur votis om-
nibus

(1) Bossuet Advert. 6. citat. §. II.

(2) Bossuet, ibid. §. 13. & 14.

(3) Bossuet ibid. §. 14.

nibus, & tam fausto omine auspicatur, cavëat ne eadem præbeat indicia erroris atque perfidiæ, quæ præfati Novatores dederunt.

XXXIV. Ecclesia tamen uti pia mater antequam errantes filios anathemate percutiat, seu potius, antequam in aberrantes sic animadvertat, ut fideles suos certiores faciat de illorum perfidia & rebellionē, conatur omni ratione eos allicere, corrigere, atque sanare. Quamobrem nonnisi eos, qui insanabili morbo laborare videt, quasi putrida membra gladio spirituali ferire studet, veluti postremo remedio aut curanda, aut omnino secanda, ne massam corrumpant. Est ergo modus certus in rebus religionis, & certi sunt denique fines, ultra quos rectissime novit Ecclesia, veritatem non posse consistere, atque infallibili judicio decernit, nemini licere ipsos præterire. Hujus certissimæ regulæ typum nobis exhibuit celeberrimum Concilium Nicænum, primum œcumenicum, ubi patres contra paulo ante natam hæresim Arianam, definito dogmate de Trinitate, *aliter vero sapientes, alienos esse a nostra communione judicaverunt* (1). Idem senserunt S. Optatus Milevitanus, & magnus Athanasius, qui post Concilium Nicænum observant eos ab auctore suo nomen Arianorum sortitos esse, rursusque censura feriri, abscissos, & rejectos vocari (2). Itaque non ignoratur tempus, quo Ariani separati sunt ab Ecclesia, ut perperam Ticinensis affirmat.

XXXV. Sed aliud est schisma, aliud est hæresis. Utrumque separationem præfert, utrumque Catholicæ opponitur Ecclesiæ. Sed schismaticus vera Ecclesiæ fa-

(1) Concil. Roman. seu Relatio 90. Episcoporum ex Gallia, & Ital. ad Episc. Illyrici apud Const. epist. Roman. Pontif. inter epist. Damas. 3. c. 1.

(2) Athanas. epist. ad Jovinian. Imper. & epist. ad Episc. Africæ Optat. Milev. contr. Paramen. lib. 4. ant. fin.

cramenta habet, & vera dogmata ejusdem; & in hoc tantum deficit, quod est a Radice divulsus, & a Matre communi alienus. Hæreticus vero in hoc peccat quod aliud ac didicit docet, & quod antea didicit contemnit. Opus igitur est ut Majorum exemplo & consuetudine, continuo studeamus ediscere quando quis ita haberi debeat hæreticus, vel Schismaticus; hoc est quando quis ita dicatur extra Ecclesiam errare, ut non tantum Ecclesia sed etiam Christianum Imperium merito possit ac debeat in eum moderate animadvertere. Nos autem tam in capite præcedenti, quam in hoc non pauca vidimus ex Augustino, aliisque sanctis Ecclesiæ Patribus, qui sapientissime docent, quomodo se gerat Ecclesia & cum peccatoribus, qui fidem mortuam habentes, & peccantes tantum actionis errore, remanent intra claustra Ecclesiæ, & cum errantibus in rebus ad integritatem fidei pertinentibus, sed qui nondum accusatorem habent, quique nec adhuc pertinaci animositate laborare videntur: ac denique quomodo se agat cum hæreticis manifestis sive sint pacifici, sive turbulenti, non sola Ecclesia, sed quisque fidelis, & Summus Imperans, qui Catholicus sit.

XXXVI. Attamen operæ pretium erit dictis nonnulla superaddere, ex quibus patebit latius qui sit spiritus Ecclesiæ. Itaque in primis nemo non scit, Imperatores Christianos post Constantinum leges continuo condidisse contra hæreticos, omnesque dissidentes in Religione, quamobrem omnes Ecclesiæ Patres gratias egisse, & laudibus cumulasse eorundem pietatem ac religionem. Præterea, neminem fugiunt Divina præcepta, præsertim vero Pauli Apostoli de vitando infidelium, hæreticorumque consortio. Cum omnibus enim hominibus, *si possibile est pacem habere* præcipit (2),
fed

(1) Ad Roman. c. 12. v. 18.

sed Timothæo ait *seſtare juſtitiam, fidem, ſpem, charitatem & pacem cum iis, qui invocant Dominum de corde puro* (1). Quare præcepta huiusmodi docuit Corinthios, „*Nolite jugum ducere cum infidelibus. Quæ enim participatio juſtitie cum iniquitate? . . . Propter quod exite de medio eorum, & ſeparamini, dicit Dominus* (2). Ac inſuper ad Theſſalonicenſes ſcribit, „*Denunciamus autem vobis fratres in nomine Domini Noſtri Jeſu Chriſti, ut ſubtrahatis vos ab omni fratre ambulante inordinate, & non ſecundum traditionem quam acceperunt a nobis* (3) Hinc ad Corinthios ait, „*Si is, qui frater nominatur eſt fornicator, aut avarus, aut idolis ſerviens, aut maledicus, aut ebriofus, aut rapax; cum huiusmodi nec cibum ſumite* (4). Ad Romanos vero ulterius adjunxit, „*Rogo vos fratres, ut obſervetis eos, qui diſſenſiones & offendiſcula præter doctrinam, quam vos didiciſtis, faciunt, & declinate ab illis* (5).

XXXVII. Origenes igitur & S. Ioannes Chryſoſtomus iſta contemplantes, præſertim expendunt poſtrema ibidem relata Apoſtoli verba, dicentes, „*Hæc & ad eos, qui Eccleſiis præſunt, & ad omnes credentes per Spiritum S. ſcribere credendus eſt Paulus, ut diligentius confiderent, & perſpiciant, qui ſint, qui diſſenſiones, & offendiſcula in Eccleſiis generant, & alieni ſint ab illa beatitudine, quam Deus reſtituit: Beati pacifici &c.* Hoc enim inquit, ut pacifici ſitis; a Domino per Evangelicum didiciſtis; diſſenſiones vero commovere, vel ſcandala præter

(1) 2. Ad Timoth. c. 2. v. 22.

(2) 1. ad Corinth. c. 6. v. 14. & ſeq.

(3) Ad Theſſalon. cap. 3. v. 6.

(4) 1. ad Corinth. c. 5. v. 11.

(5) Ad Rom. c. 16. v. 17.

„ doctrinam, quam didicistis, & ideo *alienus vo-*
 „ *bis sit, nec omnino recipiatur inter vos, qui cer-*
 „ *tamina commovet, qui ferit jurgia, qui lites exci-*
 „ *tat, & studia contentionis exercet* „ (1). Hęc
 Origenes. Chrysostomus vero ait „ Observa quam
 „ placide adhortetur: non in persona consiliarii, sed
 „ in persona domestici illud, multoque honore fa-
 „ ciens. Nam & fratres illos vocat, & supplicat:
 „ obsecro quippe vos, inquit, fratres. Deinde ut &
 „ cautos eos, & sollicitos faciat, calumniantium do-
 „ lum ostendit; tamquam enim ex se ipsis manifesti
 „ non sint, dicit, *obsecro autem vos ut observetis*;
 „ hoc est, diligenter satagite, ut cognoscatis, & per-
 „ scrutemini; quos nam dicit, quęso? Eos, qui dis-
 „ sidia, & offendicula contra doctrinam, quam di-
 „ dicistis, gignunt. Ista siquidem potissimum est Ec-
 „ clesię subversio, in partes scilicet divisam esse.
 „ Hęc diaboli sunt arma; hoc pacto omnia fursum,
 „ ac deorsum volvuntur. Donec enim unitum fuerit
 „ Ecclesię corpus, nullum valet habere introitum,
 „ Satanæ: verum a dissidiis nascitur offendiculum...
 „ *Itaque non erunt offendicula, non erunt dissidia, ni-*
 „ *si dogma quoddam excogitatum fuerit, quod sit con-*
 „ *tra Apostolicam doctrinam; id quod & hic mani-*
 „ *festans dicit contra doctrinam, & non dicit, quam*
 „ *docuimus, sed quam vos didicistis, anticipans illos*
 „ *& ostendens persuasos utique esse, audisseque, &*
 „ *suscepisse. Et quid faciemus illis, qui ista deprava-*
 „ *rant? Non dixit, aggredimini, & manus conse-*
 „ *rentes pugnis decertate, sed declinate ab illis. Si*
 „ *enim ex stultitia quidem, aut errore hoc facerent,*
 „ oportebat corrigere; quoniam vero scientes pec-
 „ cant,

(1) Origen. in epist. ad Rom. c. 16, lib. 10.

„cant, *resilite alio*: & alibi hoc dicit subducite vos
 „ab omni fratre, qui inordinate se gerit (1).

XXXVIII. Quare testatur S. Optatus Milevitanus,
 Donatistas habitos fuisse schismaticos statim ac vel avaritia,
 vel ambitione, vel ira corrupti, recusarunt obedientiam
 prestare Episcopo suo Cęciliano, juxta canones electo (2). Sed *quemadmodum Unitas* (ait) *summum bonum, ita & Schisma summum esse malum, negari minime potest, & jam schismaticus & peccator est, qui contra singularem Cathedram, alteram collocaret* (3). Quę vero singularis Cathedra nominatur a S. Optato, est Cathedra Romana Sancti Petri Apostolorum Principis. Itaque inter ornamenta & dotes, quę distinguunt Ecclesiam Catholicam a qualibet hominum societate, asserit quemadmodum primam esse Romanam Cathedram, ita *prima dos* viri Catholici est communionem habere cum ipsa. „Videndum
 „(inquit) ubi sint quinque dotes... inter quas
 „Cathedra est prima... Videndum est, qui & ubi
 „prior Cathedra federit: si ignoras, discere; si nosti
 „erubescere... Igitur negare non potes, scire te in
 „Urbe Roma Petro primo Cathedram Episcopalem
 „esse collatam, in qua federit omnium Apostolorum
 „Caput Petrus, unde & Cephas appellatus est: *in*
 „*qua una Cathedra* Unitas ab omnibus servaretur,
 „non ceteri Apostoli singulas sibi quisque defenderent:
 „ut *jam schismaticus & peccator* esset, qui contra singularem
 „Cathedram, alteram collocaret. Ergo Cathedra unica,
 „quę est prima de dotibus, sedit prior
 „Petrus &c (4).

XXIX. Sed

(1) Chrys. in epist. ad Rom. c. 16. homil. 32.

(2) Optat. Milev. contr. Parmen. lib. 1.

(3) Optat. Milev. ibid. lib. 2. & lib. 3.

(4) Optat. Milev. ibid. lib. 2. cit.

XXIX. Sed cum docuerit S. Doctor hæresim posse aliquando a Civili etiam potestate licite reprimi atque puniri; hinc defendit Taurinum Comitem, & Macarium Ducem, propterea quod gladium strinxerunt contra Donatistas. *Nam* (inquit) *quædam mala male fiunt: quædam mala bene fiunt*. Verum Schismatici illi quamquam Catholicorum sanguinem fundere continuo parati essent, tamen nostris objiciebant, *neminem esse lædendum ab operariis Unitatis, nec ab Episcopis mandata Divina contemni debere, quibus præceptum est: quære pacem & consequaris eam: Pacifici filii Dei vocabuntur &c.* Igitur Sanctus Optatus respondet, in vindictam Dei aliquem interdum mereri etiam occidi. Atque Ducem Macarium, qui duos schismaticos morte mulctaverat, defendit exemplo Phinees, qui gladio percussit adulteros. „ Rursusque „ exemplo *Moyſis, qui tria millia* hominum uno momento jussit occidi, *Helix Prophetæ, qui ut pare-* „ *ret voluntati Dei, quadraginta, & quadrigentos* „ *occidit*. Omnes constat in eos vindicasse, a quibus jussio Divina contempta est. Nam non tibi facies sculptile, non facies adulterium, non sacrificabis idolis, & non facies schisma ejusdem Dei „ præceptum est. Ergo isti omnes ideo occisi sunt, „ quia contra jussionem Dei, per quod Vates erant, „ Dei præcepta contempserant. Et illi quorum nominibus Macarium criminaris, nec a falsis vatribus „ longe sunt. Quia vox Dei dixit futuros esse falsos „ vates, quod proximo loco probaturi sumus, & dum „ pacem noluerunt recipere, nec in uno cum fratribus habitare, contra præcepta & voluntatem Dei „ pertinaciter obliterunt. Ergo videtis a Moyſe, & „ Phinee, & Helia, & Macario, similia esse facta, „ quia ab omnibus unius Dei præcepta sunt vindicata. Sed video vos hoc loco tempora separare, ut „ alia

„ alia fuerint ante Evangelium, alia post Evange-
 „ lium &c. ... Sed constat sanguine Christi omnes re-
 „ demptos. Christus non vendidit quos redemit.
 „ Animæ emptæ a Christo non potuerunt vendi, ut
 „ possint, sicut vultis, a vobis iterum redimi. Aut
 „ quomodo potest una anima duos Dominos habere?
 „ Aut nunquid est alter Redemptor? Qui Prophetæ
 „ nunciaverunt alterum esse venturum? „

XL. „ Querimini vos (pergit S. Doctor) sine no-
 „ bis aliqua esse passos, ergo constat vos solos aliqua
 „ passos; quia aliud est tempus pacis, aliud persecu-
 „ tionis. Si persecutionem putatis: dicite, quid vo-
 „ biscum passæ sunt universæ provinciæ, in quibus
 „ est Ecclesia Catholica? *Sed quia vindicta* fuit, non
 „ persecutio, solus paries passus est, cui Deus inter-
 „ minatus est tempestatem, pluviam, & lapides pe-
 „ trobolos, & accusationes &c. (1) „. Ut autem
 „ ostendat Optatus aliud esse vindictam, aliud vero per-
 „ secutionem, animadvertit Christianos sub Macario non
 „ cogi ad templa idolorum, sed *pigros compelli ad Ba-
 „ silicam, & commoveri omnes ut Deus unus pariter in
 „ Ecclesia ab omnibus rogaretur* (2). Quare docet in-
 „ Donatistis quinam sint hæretici non tolerandi, eosque
 „ redarguit, propterea quod abstulerant etiam id, *quod
 „ inter omnes homines solet esse commune, salutationis
 „ officium*. Docebant enim ne *Ave* quidem diceretur
 „ Catholicis, Ergo Sanctus Doctor merito carpit igno-
 „ rantiam ipsorum, quandoquidem non intelligerent de
 „ quibus Apostolus hoc dixerit. „ *Cum his ne cibum ca-
 „ pere. Ave illi ne dixeritis. Serpit enim eorum ser-
 „ mo velut cancer*. Dixit hoc (Apostolus) de hære-
 „ ticis, quorum cœperat illis temporibus vitiosa esse
 „ doctrina: qui subtili seductione verborum, morbis
 „ obscure

(1) Optat. Milev. contr. Parmen. lib. 3.

(2) Optat. ibid.

„ obscure serpentibus *corrumpere* *Fidei sanitatem* .
 „ Ut Marcion , ut Hebion , ut Valentinus , ut Car-
 „ pianus , ut Arrius , ut Photinus præsentis temporis
 „ hæreticus , qui Filium Dei ausus est dicere tantum-
 „ modo hominem fuisse , non Deum . *Potuit hoc &*
 „ *de vobis dici* , quia vester sermo animis & auribus
 „ aliquorum non levem intulit cancerum Noster
 „ sermo quid tale facere potuit ? Qui simplici doctri-
 „ na filios pacis retinemus . *Non alios seducimus , nec*
 „ *quemquam exterminamus* . Manifestum est igitur vos
 „ contra nos quotidie scandala ponere &c. (1) .

XLI. Eadem regula patet ex ea qua se gessit ratio-
 ne , sanctissimus vir Martinus Turonensis Episcopus ,
 non tantum cum hæreticis , ne morte ipsi mulctaren-
 tur , sed etiam cum malis quibusdam Episcopis , ne
 videretur habere cum ipsis Ecclesiasticam Communionem .
 Quare necesse est ut genuinam audiamus histo-
 riam . „ Congregati apud Treveros , ait Sulpicius Se-
 „ verus , Episcopi tenebantur , qui quotidie commu-
 „ nicantes Ithacio , communem sibi causam fecerant .
 „ His ubi nuntiatum est inopinantibus adesse Marti-
 „ num , totis animis labefacti , mussitare & trepidare
 „ cœperunt . Et jam *pridie Imperator ex eorum sen-*
 „ *tentia decreverat* , Tribunos summa potestate arma-
 „ tos ad Hispanias mittere , qui hæreticos inquirerent ,
 „ deprehensis vitam & bona adimerent . Nec dubium
 „ erat , quin sanctorum etiam maximam turbam tem-
 „ pestas ista depopulatura esset , parvo discrimine in-
 „ ter hominum genera : etenim tum solis oculis judi-
 „ cabantur , cum quis pallore potius aut veste , quam
 „ fide hæreticus æstimeretur . . . Illa præcipua cura ,
 „ ne Tribuni cum jure gladiatorum ad Hispanias mitte-
 „ rentur . Pia enim erat sollicitudo Martino , ut non
 „ solum Christianos , qui sub illa erant occasione ,

ve-

(1) Optat. Millev. ibid. lib. 4. ant. 80.

„ vexandi, sed ipsos etiam hæreticos liberaret... In-
 „ terea Episcopi, *quorum communionem Martinus non*
 „ *inibat*, trepidi ad Regem concurrunt, prædamna-
 „ tos se conquerentes, actum esse de suo omnium sta-
 „ tu, si Theognisti pertinaciam, qui eos solus palam
 „ lata sententia condemnaverat, Martini armaret au-
 „ ctoritas.... Nec multum aberat, quin cogeretur
 „ Imperator Martinum cum hæreticorum forte misce-
 „ re... Ac primo secreto accersitum, blande appel-
 „ lat, hæreticos *jure damnatos* more judiciorum pu-
 „ blicorum, potius quam insectationibus Sacerdotum:
 „ non esse causam, qua Ithacii, ceterorumque partis
 „ ejus communionem putaret esse damnandam... Qui-
 „ bus cum Martinus parum moveretur, Rex ira ac-
 „ cenditur, ac se de conspectu ejus abripuit, & mox
 „ percussores his, pro quibus Martinus rogaverat, di-
 „ riguntur.

XLII. „ Quod ubi Martino compertum jam no-
 „ ctis tempore est, palatium irrupit: *spondet si parce-*
 „ *retur, se communicaturum*, dummodo ut & Tribu-
 „ ni jam in excidium Ecclesiarum ad Hispanias missi,
 „ retraherentur. Nec mora intercessit, Maximus in-
 „ dulget omnia. Postridie Felicis Episcopi ordinatio
 „ parabatur, sanctissimi sane viri, & plane digni, qui
 „ meliore tempore Sacerdos fieret. Hujus diei com-
 „ munionem Martinus iniit, satius æstimans ad horam
 „ cedere, quam his non consulere, quorum cervici-
 „ bus gladius imminebat. Veruntamen summa vi E-
 „ piscopis nitentibus, ut communionem illam subscri-
 „ ptione firmaret, extorqueri non potuit. Postero die
 „ se inde proripiens, cum revertens in via *mæstus in-*
 „ *gemisceret, se vel ad horam noxiæ communioni fuisse*
 „ permixtum... astitit ei repente Angelus. *Merita*
 „ *inquit, Martine compungeris*, sed aliter exire ne-
 „ quisti: *repara virtutem*, resume constantiam, ne
 „ jam

„ jam periculum gloriæ, sed salutis incurreris. Ita-
 „ que *ab illo tempore* satis cavit, cum Ithacianæ par-
 „ tis communione misceri (1).

XLIII. Historiam huiusmodi non ignoravit auctor Operis de Tolerantia, de quo agimus; nam memorat pag. 277. & parum sibi constans; cum carpere non audeat Martinum virum tantum, quasi schismatis occasionem dederit, atque sexcenties cum repetat præcidendę Unitatis nullam extare legitimam causam, tamen laudat non solum Martinum, sed etiam Ambrosium & Siricium Papam, propterea quod noluerint communicare cum Ithacianis; itemque ex justa misericordia Martini erga damnatos ad mortem, occasionem arripit inde pag. 281. falsa crimina objiciendi, quę vidimus cap. præcedenti, in Sacre Inquisitionis Tribunal. Veruntamen pag. 278. ex ejusmodi Sancti Martini historia concluderat. „ Hinc ortus est successu temporis
 „ mos in Ecclesia, ut non possit Episcopus tradere Cu-
 „ riæ Sæculari clericum degradatum, nisi efficaciter
 „ intercedat, ne morte afficiatur. Quod si intercessio
 „ inefficax prævideatur, utrum id fieri tuto possit, hinc
 „ inde diu disceptatum est, donec Bonifacius VIII. li-
 „ tem diremit definiendo, episcopos id agere tuto pos-
 „ se, dummodo exterius intercedant, quamvis novē-
 „ rint intercessionem plane nullam futuram esse „.

XLIV. Ergo scriptor ille cum agit contra Clericos degradatos, probat eum Romano Pontifice Bonifacio, quod merito ab Episcopis tradi possint Curiæ Sæculari, etiamsi mors eorum certo prævideatur futura. Sed videtur ipse contradicere sibi in gratiam hæreticorum & schismaticorum, quandoque negat licite tradi posse Curiæ sæculari, ubi prævideatur sanguis ipsorum effusio. Et quasi ageret aliquando Ecclesia accusatoris officium apud Judices sæculares, concludit pag. 280. „ Si
 „ præ-

(1) Sulpic. Sever. Dial. 4. de virt. & mirac. S. Martini

„ prævideat Ecclesia ex accusatione mortem esse secuta-
 „ turam hæretici, vel schismatici, ab eadem abstineat
 „ oportet, ut quantum in ipsa est, nullam præbeat ef-
 „ fusioni sanguinis occasionem „. Forsitan recordatus
 non est Clericos degradari etiam propter heresim. Ve-
 runtamen concludendum erat ex facto Martini, sanctis-
 simum virum merito sese abstinuisse ab Ithacii & Ida-
 cij communione; *quorum studium*, ait S. Sulpicius,
in expugnandis hæreticis non reprehenderem, si non stu-
dio vincendi plus quam oportuit certassent (1). Hinc
 rursus damnandi sunt Ithacius & Idacius, propterea
 quod intercedere cum deberent apud Maximum, pro
 accusatis hæreticis, officium accusatoris turpiter gesse-
 runt, hæreticorum mortem anhelarunt, ac demum
 Maximum incitantes contra Hispanias, ut suam satia-
 rent rabiem, sese exhibuerunt paratissimos ad depopu-
 landam etiam maximam turbam sanctorum, quorum
 vita relinquebatur arbitrio armatorum Tribunorum,
 qui summa potestate mittebantur, ut hæreticos inqui-
 rerent, & eosdem exterminarent: quod vehementer
 respuit sanctissimus vir Martinus.

XLV. Regulam prius Martino dederat S. Hilarius
 Institutor ipsius, quando de ea, qua se gessit ipse ra-
 tione cum quibusdam errantibus, scriptum reliquit.
 „ Gravissimum fidei periculum longe antea prævidens,
 „ post sanctorum virorum exilia Paulini, Eusebii, Lu-
 „ ciferi, Dionysii, quinto abhinc anno a Saturnini,
 „ & Ursatii, & Valentis communione, me cum Gal-
 „ licanis Episcopis separavi (1) „. Hilarium subsequi-
 tur S. Gregorius Nazianzenus, qui canones tradit, quo-
 modo quisque Catholicus Doctor se gerere debeat cum
 hæreticis. Ait enim. „ Verum nos pro Christo bel-
 „ lum gerere hoc argumento planum facimus, quod
 „ se

(1) Sulpic. Sev. Sacr. Hist. lib. 2. prop. finem.

(2) Hilar. Piclav. contr. Constant. August.

„ secundum Christum, qui mitis ac pacatus est, at-
 „ que infirmitates nostras portavit, dimicamus. *Nam*
 „ *nec in vera doctrina detrimentum paci studemus, non-*
 „ *nihil de animorum contentione remittentes, ut faci-*
 „ *litatis & mansuetudinis famam colligamus* (non enim
 „ quod bonum est male aucupamur): & rursus pacem
 „ colimus, legitime pugnantes, atque intra limites
 „ nostros spiritusque regulam nosmet continentes. Ac
 „ de his quidem ita sentio, cunctisque animarum di-
 „ spensationibus recteque doctrinæ arbitris legem sta-
 „ tuo: ut nec per duritiam hominum animos exaspe-
 „ rent, nec per submissionem elatos & insolentes ef-
 „ ficiant; sed prudenter & consulte in Fidei causa se
 „ gerant, nec in alterutro horum mediocritatem ex-
 „ cedant (1) „.

XLVI. Idem dixerat oratione XII. his quidem ver-
 bis. „ Hæc fratres agamus, hoc animo simus, eosque,
 „ qui aliter sentiunt, ut veritatis labem, & corrupte-
 „ lam, quoad quidem licebit, *assumamus, atque cu-*
 „ *remus, incurabili autem morbo laborantes averse-*
 „ *mur*, ne alioquin verbum eorum ante contrahamus,
 „ *quam illis sanitatem nostram impartiamus*: ac Deus
 „ pacis, illius quidem pacis, quæ intellectum omnem
 „ exuperat, nobiscum erit „. Forsitan clarius Ori-
 „ genes. „ Hæc non ideo dicimus, ut pro levi culpa
 „ aliquis abscindatur: sed si forte commonitus quis,
 „ & *corruptus, pro delicto semel & iterum, ac tertio,*
 „ nihil emendationis ostenderit, utamur medici disci-
 „ plina. Si oleo perunximus, si emplastris mitigamus;
 „ si malagmate mollivimus, nec tamen cedit medica-
 „ mentis *tumoris duritia, solum superest remedium de-*
 „ *secandi* (2) „. Et alibi. „ Ergo quia non possumus
 „ ejicere (corporaliter) istos, qui nos conculcant,
 „ „ eos

(1) Nazianz. Orat. 32. ad 150. Episcopos habita cin. med.

(2) Orig. Homil. 7. in cap. 6. 7. Josue.

„ eos saltem, quos possumus, ejicimus, quorum peccata
 „ manifesta sunt. Ubi enim peccatum non est evidens,
 „ ejicere de Ecclesia neminem possumus, ne forte
 „ eradicantes zizaniā, eradicemus simul cum ipsis et-
 „ tiam triticum . . . Sunt in Ecclesia conculcantes illi,
 „ de quibus dicit Dominus in Evangeliiis: Nolite mit-
 „ tere sanctum canibus, neque margaritas vestras an-
 „ te porcos, ne forte conculcent eas pedibus suis . . .
 „ qui indigne audiunt verbum Dei, & cum audierint,
 „ neque ut infideles discedunt, neque permanent ut fi-
 „ deles &c. (1) „

XLVII. Alia quidem sexcenta tam ex Scriptura,
 quam ex Patribus erui testimonia possent, ad opus de
 quo agimus, sed brevitatis gratia prætereo. Attamen
 pro commodo eorum, qui cupiunt plura ex sanctis pa-
 tribus præsertim conspiceri atque perpendere, opere
 pretium duxi ad calcem hujus operis loca indicare,
 ex quibus æque ac ex iis quæ superius transcripta le-
 guntur, perspicuum erit unicuique Ecclesiam neque
 errantium, neque infidelium, neque hæreticorum,
 sive pacifici sint, sive turbulenti, sanguinem petere,
 sed sanitatem. Hinc in omni spe & Charitate orat &
 obsecrat, & ne videatur unquam connivere & errores
 tolerare, docet, monet, increpat; atque donec af-
 fulgeat spes correctionis, & ex malo exemplo erran-
 tium grave scandalum non patiantur fideles, nec ali-
 ter quam secando putrida membra, possit in tuto po-
 nere pusillorum religionem, ac Fidei depositum, pa-
 tientissime tolerat. Itaque cum nullo modo patiatur
 errores, tolerat personas errantium, ubi errore tan-
 tum damnato, mederi aliquo modo possit malis quæ
 serpiunt; neque ad extrema remedia descendit, nisi
 quando Fides periclitatur. Atque in ejusmodi rerum

K

circum-

(1) Orig. ibid. in cap. 15. Josue Hom. 21.

circumstantiis, non desinit Ecclesia interdum implorare auxilium Summorum Imperantium, a quibus cum Ecclesię Catholicę Religio Divina coöptata sit in Religionem Imperii, qua status Reipublicę solidatur, Imperantes jure meritoque animadvertere possunt in dissidentes in Religione, eos afficere pœnis modo levioribus, modo gravioribus; itemque datis legibus, quibus majora mala devitent, prohibere possunt, ne Religionem Ecclesię Christi aspernantes, quę argumentis evidentissimę *Credibilitatis* Divinitus donata est, certis geudeant honoribus atque pręrogativis, quę sæpessępius molliunt animos, atque alliciunt ad veritatem suaviter detegendam, eaque cognita, lætantes in Domino, gaudeant.

XLVIII. Quare Grotius ait, „ Qui vero Christianismum docentes, aut profitentes, eam ob causam pœnis subdunt, haud dubie faciunt contra ipsam rationem; nihil enim est in Disciplina Christiana quod humanę societati nocet, imo nihil quod non proficit. Res ipsa loquitur, & extranei coguntur agnoscere . . . Qui in tales seſviunt, ipsi in ea causa sunt, ut puniri iuste possint, quod & Thomę videtur. Atque eam ob causam Constantinus Licio, Imperatores alii Persis bellum intulerunt: quamquam hæc bella magis ad innocentum difensionem; quam ad pœnæ exactionem pertinent, „ (1). Hinc etiam Coccejus leges commendat, quas contra hereticos equa, & iusta severitate dederunt in quarto, & quinto Ecclesię Sęculo Christianissimi Imperatores; improbat vero uti nimis auctam pœnarum atrocitatem sæculi XII., quam ipse pro ingenio suo repetit ab Ecclesię Romanę ambitu imperii sibi vindicandi in Reges & Imperatores: cum debuerit potius tribue-

re

(1) Grotius de Pœnis lib. 2. cap. 20. §. 59.

re ferreis, asperisque moribus ætatis illius, in qua dire tumultuantibus hereticis, bellisque sevientibus, facilius atque efficacius compellebantur homines ad officia formidine pœnæ, quam virtutis amore, quo carebant omnino (1).

XLIX. Ex his omnibus ergo quæ hucusque sive ex humana ratione, & philosophorum placitis, sive ex ratione Theologica, sanctorum Patrum, Conciliorum Ecclesiæ, atque Scripturæ Divinæ auctoritate produximus, omnibus perspicuum esse satis superque arbitramur, quamlibet Religionem, quæ non sit unica illa vera Religio nobis Divinitus data, ex natura sua Civilem Societatem potius turbare, quam perficere, nisi omnino serviat legibus Imperii; & nisi sese accommodet singulis mutationibus, ac vicissitudinibus, quibus subjacet quodlibet Imperium temporale. Ergo ex eodem principio, ex quo nascitur actus, seu *præctice* ut dicitur, religionis intolerantia, oritur pariter tolerantia, si per contemplationem, seu ut ajunt, speculative loquamur. Etenim dum Imperium quatenus imperium est contemplative tolerat omnes cujusque generis sint religiones, præctice vero nullam tolerat, quæ turbet publicam tranquillitatem, quæque contradicat seu pugnet cum illa, quam sibi cooptaverit. Quemadmodum ergo in qualibet Societate Civili, & mundano Regno nihil certi habetur, nihil quod non sit mutationibus obnoxium, ita & in falsa religione cuncta sunt mutabilia, & mutato regimine, ejusque natura, necessario mutatur etiam ejusmodi vana religio, & ipsius usus. Ex quo factum est apud antiquos Romanos, ut cum sapissime religionis novitatem proscriberent, tot novos Deos, novosque Deorum cultus admissos fuisse, quot erant Dii Deoque, quæ a

K 2

domi-

(1) Henric. de Coccej. Com. ad Hug. Grot. lib. 2. cap. 20. §. 50.

domitis populis colebantur. Quare sapientissime dixit Sanctus Leo Magnus, quod Roma *cum pene omnibus dominaretur gentibus, omnium gentium serviebat erroribus, & magnam sibi videbatur assumpsisse Religionem, quia nullam respuebat falsitatem* (1).

L. Ex nexibus igitur, quos Ticinensis auctor intercedere affirmat, nosque affirmamus Religionem inter & Imperium, quin erui possit Imperantium jus aliquod in sacra Religionis, si de unica Religione Divinitus data loquatur, & quin ipsa Civilis Potestatis debeat esse pedisequa, contrario rectissime demonstramus Civilem Potestatem, Summosque Imperantes Religionis pedisequos jure fieri debere, religioni inservire, eamque tueri atque patrocinari. Non enim Divina terrenis, aut hominibus Deus, sed terrena Divinis, cunctique homines Deo servire, & sese accommodare tenentur. Cedant ergo mundana regna æterno regno Christi, qui regna hominibus donat, ut servire faciant Ecclesie, quam acquisivit sanguine suo, & a qua Regna Mundi firmissime roborantur.

Inter Patres videri possunt S. Justin. Dial. cum Tryph. n. 35. Theoph. Anthioch. ad Autolyc. lib. 2. n. 14. Irenæ. advers. heres. lib. 1. in præfat. & in cap. 24. lib. 3. c. 15. lib. 4. in præfat. Tertull. in lib. de Præscript. pass. & in Scorpiac. cap. 1. 2. 3. Clem. Alex. Strom. lib. 1. & 3. & in Pædag. lib. 2. Constit. Apostol. lib. 6. cap. 1. & 18. apud Cotel. Patr. Apost. Cyprian. epist. 40. ad Pleb. epist. 55. ad Cornel. Contr. Florent. Schismat. epist. 69. In libro de Lap. de Unit. Eccles. & alibi pass. Athanas. contr. Arian. lib. 2. epist. ad Adelph. & super Decreta Synod. Nicæn. In vita S. Antonii, & in lib. 1. ad episcop. Egypti & Lybiæ. Basil. epist. 301. Diaconiss. Florent. Comit. filiabus.

Chryf.

(1) Leo Pap. Serm. 1. in Natal. Apost. Petr. & Paul.

Chryf. hom. 47. in cap. 13. Matth. Innocen. Pap. I. ad
 Carthag. Concil. epist. 29. cap. 2. & 3. & ad Hieron.
 epist. 34. Celest. Pap. I. ad Joan. Ruf. & Flavian. epist.
 12. cap. 2. & ad episcop. Gall. epist. 21. cap. 2. Cyrill.
 Alex. de adorat. in Spirit. & Verit. lib. 12. & in Levit.
 lib. 1. & alibi pass.

E. I. N. I. S.

INDEX CAPITUM

Quibus Tractatus hic absolvitur.

CAPUT I. **D**E vera Religione & de iis quibus eam dederit Deus ministrandam. Pag. 1.

CAPUT II. De nullo jure summorum Imperantium in Sacra Religionis Christianæ juxta placitu Philosophorum, qui sunt magni nominis, præsertim apud Ecclesiæ Catholicæ adversarios. Pag. 10.

CAPUT III. De nullo jure summorum Imperantium in Sacra Christiana secundum Evangelii & Sanctorum Patrum universalem doctrinam. Pag. 33.

CAPUT. IV. De ea quæ apud Ethnicos dicebatur Religio, ac de vario ordine ac dignitate ipsius. Pag. 51.

CAPUT V. De Religione Judæorum, ac de nullo jure Imperantium in ipsorum Sacra. Pag. 60.

CAPUT VI. De duplici Christianorum obedientia & subjectione. Pag. 66.

CAPUT VII. De invicta constantia & firmitate Ecclesiæ pro qualibet veritate revelata tuenda; ubi expenditur quæ sit mens Augustini de curandis & de vitandis hæreticis, & nonnulla delibantur, quæ Tribunal Inquisitionis respiciunt. Pag. 80.

CAPUT VIII. De Tolerantia Ecclesiastica & Civili, & de gradibus ac varia specie utriusque juxta Sanctorum Patrum doctrinam. Pag. 105.